

॥ कोबातीर्थमंडन श्री महावीरस्वामिने नमः ॥

॥ अनंतलब्धिनिधान श्री गौतमस्वामिने नमः ॥

॥ गणधर भगवंत श्री सुधर्मस्वामिने नमः ॥

॥ योगनिष्ठ आचार्य श्रीमद् बुद्धिसागरसूरीश्वरेभ्यो नमः ॥

॥ चारित्रचूडामणि आचार्य श्रीमद् कैलाससागरसूरीश्वरेभ्यो नमः ॥

आचार्य श्री कैलाससागरसूरि ज्ञानमंदिर

पुनितप्रेरणा व आशीर्वाद

राष्ट्रसंत श्रुतोद्धारक आचार्यदेव श्रीमत् पद्मसागरसूरीश्वरजी म. सा.

जैन मुद्रित ग्रंथ स्केनिंग प्रकल्प

ग्रंथांक : १



श्री महावीर जैन आराधना केन्द्र

आचार्यश्री कैलाससागरसूरि ज्ञानमंदिर
कोबा, गांधीनगर-श्री महावीर जैन आराधना केन्द्र
आचार्यश्री कैलाससागरसूरि ज्ञानमंदिर
कोबा, गांधीनगर-३८२००७ (गुजरात)
(079) 23276252, 23276204
फेक्स : 23276249

Websiet : www.kobatirth.org

Email : Kendra@kobatirth.org

शहर शाखा

आचार्यश्री कैलाससागरसूरि ज्ञानमंदिर
शहर शाखा
आचार्यश्री कैलाससागरसूरि ज्ञानमंदिर
त्रण बंगला, टोलकनगर
परिवार डाइनिंग हॉल की गली में
पालडी, अहमदाबाद - ३८०००७
(079) 26582355

14006

॥ श्री अनुयोगद्वार सूत्रम् ॥



પૂ. આચાર્યદેવ શ્રી આનંદસાગરચૂરીશ્વરજી મ.સા.લા ચરણે જલ્ જલ્ વંદન...



देवसुरतपागच्छसमाचारीसंरक्षक-सुविहितसिद्धांतपालक
 बहुश्रुतोपासक-गीतार्थ-चारित्रचूडामणि-आगमोद्धारक पूज्यपादआचार्यदेवेश
 श्रीआनंदसागरसूरीश्वरजीमहाराजा संशोधित-संपादित ४५आगमेषु

॥ श्री अनुयोगद्वारसूत्रं ॥

♦ आलेखन कार्य - प्रेरक - वाहक: ♦

प्रवचन प्रभावक पू. आ. श्री हेमचन्द्रसागरसूरिजी म.सा. शिष्यरत्न पू. गणिवर्य श्री पूर्णचन्द्रसागरजी म.सा.

♦ आलेखन कार्य वाहक संस्था ♦

पूज्यपाद सागरजी महाराजा संस्थापित जैनानंद पुस्तकालय - सुरत

आलेखन कार्ये किंचित् संस्मरणाणि

* आलेखन कार्ये आशीवृष्टिकारका :

पू. गच्छा. आ. श्री सूर्योदयसागर सूरेश्वरजी म.सा.

पू. आ. श्री. नरेन्द्रसागर सूरेश्वरजी म.सा.

पू. आ. श्री अशोकसागर सूरिजी म.सा.

पू. आ. श्री जिनचन्द्रसागर सूरिजी म.सा.

पू. आ. श्री हेमचन्द्रसागर सूरिजी म.सा.

* आलेखन कार्ये केचित् मार्गदर्शका :

पू. आ. श्री दोलतसागर सूरिजी म.सा.

पू. पं. श्री हर्षसागरजी म.सा.

पू. गणीश्री सागरचन्द्रसागरजी म.सा.

पू. गणी श्री नयचन्द्रसागरजी म.सा.

पू. गणी श्री अक्षयचन्द्रसागरजी म.सा.

पू. मुनि श्री लब्धिचन्द्रसागरजी म.सा.

माहिती दर्शक पत्र

■ आलेखन कार्ये सहयोग प्रदाता :

मुनिश्री आगमचन्द्रसागरजी म.सा.

श्राद्धगुण संपन्न श्री नरेन्द्रभाई मुक्तिलाल महेता (सूर्यगामवाला)

■ प्रथम संस्करण - सं. २०६१, का. सु.५.

■ कृति - २५०

■ कोऽधिकारी...?- श्रुत भाण्डागारं श्रमण प्रधान चतुर्विध संघाश्च

■ संग्राहकालय - जैनानंद पुस्तकालय, गोपीपुरा, सुरत।

■ व्यवस्थापका :

श्री उषाकांतभाई झवेरी- श्री नरेशभाई मद्रासी-श्री श्रेयस के. मर्चन्ट

■ आवास : निशा-१ १ले माले ,गोपीपुरा, काजीनुं मेदान,
तीनबत्ती, सुरत: दूरभाष - २५९८३२६(०२६१)

■ मुद्रण कार्यवाहक

श्री सुरेश डी. शाह (हेष्मा)-सुरत।

संपादक श्री

॥ પ્રાક્-કથન ॥

॥ કત્થ અમ્હારિસા પાળી દુષમા-દોષ દુષિયા, હા; અણાહા કહં હૂન્તા...! ન હૂન્તો જહ જિણાગમો ॥

દુષ્મકાળે જિનાગમ-જિન પ્રતિમા ભવિચણ કું આધારા...!!

ભવાટવીમાં ભ્રમિત પ્રાણીને ભીમ મહાટવીમાંથી બહાર લાવનાર મિથ્યાત્વરૂપ અંધકારમાંથી પ્રકાશ તરફ ગતિ કરાવનાર શ્રુતજ્ઞાનની મહત્તા અદ્વિતીય કક્ષાની છે. શ્રુતજ્ઞાનનો મહીમા પરમ મનનીય અને માનનીય હોવાના કારણે પ્રભુ શાસનમાં પરમ આધાર ભૂત કરણ તરીકે ગણના કરી છે. આગમએ વીર-પ્રભુની વાણી સ્વરૂપ છે.

આગમોની રચના કાળ :- પ્રભુ મહાવીર સ્વામીના શાસનની અપેક્ષાએ વીર નિર્વાણ સંવત પૂર્વે ૨૯, વિક્રમ સંવત પૂર્વે ૪૯૯ વર્ષે વૈશાખ સુદ એકાદશી દિને તારક તીર્થંકર પ્રભુ મહાવીર દેવની ત્રિપટીને પામી આઘ ગણધર અનંતલબ્ધિ નિધાન શ્રી ઈન્દ્રભૂતિ (ગૌતમસ્વામીજી) આદિ એકાદશ ગણધરોએ આગમોની રચના કરી તેજ ક્ષણે પ્રભુએ તેની યથાર્થતા-ગણાનુજ્ઞા-શાસનાનુજ્ઞા આદિના વાસકોપથી જાહેર કરી.

ગણધર ભગવંતના શિષ્યો-મુનિઓએ યથાયોગ્યતાનુંસાર શિષ્ય-પ્રશિષ્યાદિ પરિવારને વિનયપૂર્વક શાસ્ત્ર નિર્દિષ્ટ વિધિ-મર્યાદા પૂર્વક ગુરુ પાસેથી મુખપાઠ રીતે દ્વાદશાંગીનો અભ્યાસ કરતા હતાં, લખીને કે લખેલ પુસ્તકો દ્વારા ભણવા અંગે તત્કાળે પરંપરા ન હતી.

પ્રથમ વાચના :- વીર પ્રભુના નિર્વાણબાદ તેમની પટ્ટ પરંપરામાં પાંચમા કેવલી તરીકે પ્રસિધ્ધ શ્રી ભદ્રબાહુ સ્વામીજીના સમયમાં વિષમકાલના બલના પ્રભાવે ભયંકર બાર વર્ષીય દુકાલ પડ્યો સાધુઓ અનુકૂળતા મુજબ વેર વિખેર થયાં, સાથો સાથ વીર નિ. સં. ૧૫૫ લગભગમાં નંદવંશના સામ્રાજ્યનો પલટો થયો, દેશમાં ભયંકર આંધી વ્યાપી, જૈન શ્રમણોના વિહારના કેન્દ્રરૂપ મગધદેશની

॥ પ્રાક્-કથન ॥

૧

સંપાદક શ્રી

રાજધાની પટણા અને પંજાબ વચ્ચેના પ્રદેશો ભીષણ પરિસ્થિતિમાં મૂકાયા, શ્રમણ સમુદાયના વિખરાઈ જવાથી આગમોનું પઠન-પાઠન ખુબ જ અવ્યવસ્થિત થયું, જ્ઞાની પુરુષોમાંથી કેટલાયે સ્વર્ગે પધાર્યા, મુખપાઠની પધ્ધતિ પર એક જબરદસ્ત ધક્કો લાગ્યો પરિસ્થિતિને સુધારવા વીર નિ. સં.-૧૬૦ લગભગમાં પાટલીપુત્ર નગરે (પટના-બિહાર) શ્રી સ્થુલભદ્ર સ્વામીની અધ્યક્ષતામાં શ્રમણસંઘ એકત્રિત થયો, ગીતાર્થોની સલાહ મુજબ દ્વાદશાંગીની સંકલના વ્યવસ્થિત કરવાનો પ્રયાસ કર્યો, પ્રાયઃ આ પ્રથમ આગમ વાચના થઈ તેનું નામ ' શ્રી દ્વાદશાંગ-શ્રુતસંકલન' નામે પંકાયાનો ઇતિહાસ મળે છે.

દ્વિતીય વાચના :- તેમના પછી જિનકલ્પીના અભ્યાસક આર્ય મહાગિરીજીના ગુરુ ભ્રાતા પૂ. આ. શ્રી આર્ય સુહસ્તિ સૂરિ પ્રતિબોધિત પ્રભુ શાસનના ચરમ ભક્ત સમ્રાટ સંપ્રતિએ ઉજ્જૈનમાં આર્ય સુહસ્તિ મ. ને વિનંતી કરી તેમના સાનિધ્યમાં વીર નિ. સં. ૨૪૫ થી ૨૮૧ના વર્ષોમાં જિનાગામની સાયવણી સુરક્ષિત રહે તેવા યથાર્થ પ્રયાસો કર્યા, પઠન-પાઠનની વ્યવસ્થામાં આવેલી ખામીને દૂર કરી જેથી આ બીજી વાચનાનું નામ ' આગમ સંરક્ષણ વાંચના' દૃષ્ટિ ગોચર થાય છે.

તૃતીય વાચના :- મૌર્ય રાજવંશીઓનો સેનાપતિ પુષ્યમિત્રે રાજદ્રોહ કરી રાજા બન્યો ધર્માધ બનેલા સમ્રાટ સંપ્રતિની શાસન પ્રભાવનાને નામ શેષ કરવા તેણે જૈન શ્રમણો તથા બૌદ્ધ શ્રમણોના શિરચ્છેદ કરાવી કાળો કેર વર્તાવ્યો, સાધુઓ પ્રાણ રક્ષાર્થે કલિંગ દેશ તરફ ચાલ્યા ગયા, કલિંગાધિપતિ મહામેઘવાહન ખારવેલ મહારાજા પરમ જૈન હતાં. આ પ્રમાણે પ્રાણ બચાવવાની વ્યથામાં જિનાલયો તથા, આગમ પઠન-પાઠનની વ્યવસ્થાને જબરદસ્ત હાની થવા પામી, કલિંગ દેશના રાજા ભિક્ષુમુરાય ખારવેલે તેનો પરાજય કરી ફરી જીવંત કરવા પ્રયાસ કર્યો વીરનિ. સં. ૩૦૦ થી ૩૩૦ સુધીના મધ્યાહ્ન કાલમાં મુનિ સમ્મેલનમાં જિનકલ્પિની તુલના કરનાર પૂ.આ. મહાગિરીના શિષ્યો-પ્રશિષ્યો આ. બલિસ્સહ સૂ.મ. આ. દેવાચાર્ય, આ. ધર્મસેન વિગેરે ૨૦૦ શ્રમણો, આ. સુસ્થિત સૂરિ વગેરે સ્થવિર કલ્પિ ૩૦૦ શ્રમણો, આર્યા પોઈણી વિગેરે ૩૦૦ શ્રમણીઓ, સીવંદ, ચૂર્ણક, સેલગ વગેરે ૭૦૦ શ્રાવકો અને પૂર્ણ મિત્રાહિ ૭૦૦ શ્રાવિકા દ્વારા ત્રીજી આગમ

વાચનામાં અગિયાર અંગો અને દશ પૂર્વોના પાઠોને વ્યવસ્થિત કરવામાં આવ્યા.

ચતુર્થ વાચના :- કાલાધિન અંતિમ દશપૂર્વધર, બાલ વૈરાગી, અનુપમ સંવેગી શ્રી વજ્રસ્વામીએ અંતિમ સમયે સ્વ પટ્ટધર શ્રીવજ્રસેન સૂ.મ.ને ભયંકર દુકાલના ચરમ સમયની જાણમાં 'લાખ સોનેયા આપીને એક હાંડી ભાતની ચડશે તેના બીજા દિવસથી સુકાલ થશે' આ વાત જણાવી આવો ભયંકર દુકાલ વીર નિ. સં. ૫૮૦ થી ઉત્તર ભારતમાં વ્યાપ્ત થયો. જેમાં ગણો-કુલો-વાચકવંશો માત્ર નામશેષ થઈ ગયા. આગમ વારસો ટકાવનાર મુનિપુંગવોની સંખ્યા જૂજ થઈ ગઈ કાળ-બળ ક્ષયે ધારણા શક્તિની અનુકૂલતા પ્રમાણે પણ જો આગમનું સંકલન કરવામાં નહીં આવે તો રહ્યા સાધુઓ પણ રહેલા આગમના વારસાને સાચવવા સમર્થ ન નિવડી શકે માટે ભવિષ્યના અલ્પશક્તિવાળા પણ મેઘાવી સાધુઓને રાખવામાં વિષયાનુસંધાન દ્વારા સુગમતા સાંપડે તેથી સમકાલીન અન્ય પ્રભાવક આચાર્યોની સંમતિ લઈ શ્રી આર્યરક્ષિત સૂરિ મ. ચાર અનુયોગની વ્યવસ્થા કરી. આગમોને ચિરંજીવ બનાવ્યા વીર નિ. સં. ૫૮૨ લગભગમાં દશપુર (મંદસૌર) (માલવા) નગરે ચોથી વાચના થઈ.

પંચમ વાચના :- વીર સં. ૮૩૦ થી ૮૪૦ લગભગમાં પૂ. આ. સ્કંદિલ સૂરિએ ઉત્તરાપથના મુનિઓને મથુરામાં તથા નાગેન્દ્રવંશીય પરમ પ્રભાવક શ્રી હિમવંત ક્ષમા શ્રમણના શિષ્ય આ. શ્રી નાગાર્જુન સૂરિએ દક્ષિણાપથના મુનિઓને વલભીમાં આગમોની સંકલના કરવા એકઠા થયા કીંતુ તે સમયની દેશગત અંધાધુંધીના કારણે એક જ સાથે ભિન્ન-ભિન્ન સ્થળે આગમવાચનાઓ કરી ભવિષ્યમાં માથુરી અને વલભીવાચનાઓના પાઠ ભેદોનું સમન્વય સહજ થઈ જશે આ હેતુપૂર્વક પાંચમી વાચના કરી.

ષષ્ઠી વાચના :- તેજ ભાવનાઓ અનુસાર માથુરી વાચનાના વારસદાર આ. શ્રી દેવર્દિગણી ક્ષમાશ્રમણે તથા વલભીવાચનાના વારસદાર આ. શ્રી કાલક સૂરિએ ભેગા મળી. શ્રમણ સંઘને એકત્રિત કરી, કાલકમે વિણસી જતા આગમના બજાનાને સ્થાયી બનાવવાના શુભ આશયથી શ્રી શત્રુંજયાધિષ્ઠાયક શ્રી કપર્દીયક્ષ આદિ દૈવીક સહાયકથી ૫૦૦ આચાર્યાદિઓએ મળી વલભીપુર(વળા સૌરાષ્ટ્ર)માં

પુસ્તકારૂઢ રૂપ આગમ વાચના કરી, આ વાચનામાં ચોરાશી આગમોનું વ્યવસ્થિત સંકલન તાડપત્રના પાના ઉપર લિપિબદ્ધ કરી આગમોને પુસ્તકારૂઢ કરવાનું કાર્ય સાધુ ભગવંતોએ કર્યું. તેમજ અન્ય મહત્વના ગ્રંથોનું પુસ્તકાલેખન કાર્ય થયેલ, ત્યારબાદ સાધુ સત્યમિત્ર સ્વર્ગે ગયા અને વીર નિ. સં. ૧૦૦૦માં વર્ષે પૂર્વજ્ઞાનનો વિચ્છેદ થયો તેમ મનાય છે.

પ્રભુવીરના શાસનમાં ઉપરોક્ત ‘છ’ વાચનાઓના માધ્યમે ૧૦૦૦ વર્ષના ગાળામાં થયેલ શ્રુતોધ્ધારનો ઇતિહાસ મોજૂદ છે. ત્યાર પછી ૧૫૦૦ વર્ષ સુધી આગમ વાચનાનો કે શ્રુતોધ્ધારનો કોઈ ઉલ્લેખ નથી મળતો.

તેમજ વિષમકાળના પ્રભાવથી ૧૦મી સદીની સમાપ્તિ કાળથી શિથિલાચારની વૃદ્ધિ થવાથી આગમિક જ્ઞાનની પરંપરા સુવિહિત ગીતાર્થ, આચાર સંપન્ન શ્રમણોના હાથમાં રહી નહીં પરિણામે હસ્તલિખિત પ્રતોમાં રહેલ આગમો અધિકારીને પણ મળવા દુર્લભ બન્યા.

છેવટે વીસમી સદીના ઉત્તરાર્ધના પ્રારંભકાળે સુવિહિત સંવેગી સાધુઓમાં આચાર નિષ્ઠા, વિશિષ્ટ વૈરાગ્યની પ્રબલ ભૂમિકા આદિ સુદૃઢ હોવા છતાંય આ બધાને ટકાવવા માટેના જરૂરી સંજોગો ન મળતાં આગમિક જ્ઞાનની માત્રા પઠન-પાઠનની શાસ્ત્રીય પરંપરા સુરક્ષિત ન રહી શકવાના કારણે ખુબ જ અલ્પ માત્રામાં રહેવા પામી

આવા અવસરે શ્રમણસંઘની ૧૮ પ્રસિધ્ધ શાખાઓમાં વધુ પ્રભાવશાળી ‘સાગરશાખા’ના અદ્વિતીય પ્રતિભા સંપન્ન પ્રૌઢધીષણશાલી અનેકવાદો કરી તપાગચ્છની વિજય પતાકા ફેલાવનાર પૂ. મુનિરાજ શ્રી ઝવેરસાગરજી. મ.ના. એક માત્ર શિષ્ય નવ માસના ટૂંકા ગાળાનો જ ગુરૂ સહવાસ છતાં પૂર્વજન્મની આરાધનાના બળે એકલે હાથે ન્યાય-વ્યાકરણ, આગમટીકા આદિ અનેક સાધના ગ્રંથોનું અગાધ વિદ્વત્તા પૂર્ણ જ્ઞાન મેળવી પૂ. ગુરૂદેવ શ્રી ઝવેરસાગરજી મ.ની આગમોની પારદૃશ્યતાના વારસાને તે ગુરૂદેવશ્રીના અન્તિમ સમયના “ આગમો કા અધ્યાસ બરોબર કરના ” શબ્દ પાછળ રહેલ ઉંડા અંતરના આશિષના બળે આગમિક તલસ્પર્શી અગાધ માર્મિક જ્ઞાન આપ મેળે મેળવી વીર નિ. સં. ૨૪૪૦ વિ.સં. ૧૯૭૦માં કો’ક મંગલ ચોઘડીએ જિનશાસનના એક મહાન ધુરંધર સમર્થક પ્રભાવક શાસ્ત્રોના પારગામી

આચાર્યભગવંતો વર્ષો જૂની શ્રમણસંઘની ફરજ અને જવાબદારી રૂપ આગમોના અણમોલ વારસાને સુરક્ષીત રાખવાના પ્રશ્ને ફરીથી ઉપસ્થિત કરી.

રાજ્યદ્વારી ઉપદ્રવો, ધર્માંધ ઝનૂન, બ્રિટીશ હકૂમત, જનતામાં ફેલાયેલ ક્રાન્તિકારી વિચારધારા, પશ્ચાત્ય કેળવણીના સંસ્કાર આદિ સંઘર્ષ કાળમાં પુસ્તકો પ્રતો મેળવવી અતિકઠીન હતી તે સમયે જુદા જુદા ખૂણે રહેલી હસ્તપ્રત-તાડપત્ર આદિ પરથી સંશોધન કરી જાત મહેનતે પ્રેસકોપીથી માંડીને સુધારવા સુધીની સંપૂર્ણ દેખરેખ જવાબદારીથી આગમ ગ્રંથોની મર્યાદિત પ્રતિઓ છપાવી સામુદાયિક વાચનાઓ વિ. સં. ૧૯૭૧થી ૧૯૭૭ સુધીમાં પાટણ-કપડવંજ-અમદાવાદ-સુરત આદિ ક્ષેત્રોમાં છ-છ મહીનાની વાચનાઓ ગોઠવી સેંકડો સાધુ-સાધ્વીઓને આગમોને વાંચવાની પરિપાટી આદિનો સંપૂર્ણ ખ્યાલ કરાવ્યો સાત સામુદાયિક વાચનાઓમાં ૨૬ ગ્રંથો વાંચ્યા તેમાં લગભગ ૨,૩૩,૨૦૦ શ્લોકની વાચના આપી તથા આગમ દિવાકર પૂ. મુનિશ્રીપુણ્યવિજયજી મ. આદિને પણ આ ક્ષેત્રે આગળ વધવા અંગૂલ નિર્દેશ કરી આ મહાપુરુષે શ્રુત સરિતાને ધોધમાર વહેતી કરી છે.

આ મહાપુરુષ તે પ્રાતઃ સ્મરણીય ગુજરાત-માલવા-રાજસ્થાન-બંગાલ- બિહાર આદિ અનેક ક્ષેત્ર સંઘો તથા સુરત સંઘના આમૂલચૂલ ઉપકારી, આગમોધ્ધારક ધ્યાનસ્થ સ્વર્ગસ્થ પ.પૂ. આચાર્યશ્રી આનંદસાગર સૂરીશ્વરજી મહારાજ જેઓ ‘ પૂ. સાગરજી મ.’ ના લાડીલા, હૂલામણા નામથી પણ પ્રસિદ્ધ હતાં તેમના જ સંશોધિત આગમો અમને પ્રતાકારે પુર્ન મુદ્રિત કરાવવાનો લાભ પ્રાપ્ત થયો છે. તા.ક. વર્તમાન કાળે ગ્રન્થો, શાસ્ત્રો, સુવિહિત ગીતાર્થ આચાર્ય ભગવંતો, ઈતિહાસકારો પાસેથી પ્રાપ્ત થતી માહિતી અનુસાર વીર નિર્વાણના ૧૦૦૦ વર્ષમાં છ-છ વાચના-સંકલન બાદ ૧૫૦૦ વર્ષ સુધીમાં આવું કોઈ કાર્ય થયેલ જણાતું નથી ત્યાર બાદ એકલા હાથે આપ બળે સૌ પ્રથમ આગમ ઉધ્ધારના ભગીરથ કાર્યને કરનાર ગુરુદેવને કોટી-કોટી વંદના...

॥ श्री अनुयोगद्वार सूत्रं ॥

नाणं पंचविहं पणत्तं, तंजहा आभिणिबोहियनाणं सुयनाणं ओहिनाणं मणपज्जवनाणं केवलनाणं ।१। तत्थ चत्तारि नाणाइं ठप्पाइं ठवणिज्जाइं णो उद्दिसं (दिसिज्जं)ति णो समुद्दिसं (सिज्जं)ति णो अणुण्णविज्जंति, सुयनाणस्स उद्देसो समुद्देसो अणुण्णा अणुओगो य पवत्तइ ।२। जइ सुयनाणस्स उद्देसो समुद्देसो अणुण्णा अणुओगो य पवत्तइ किं अंगपविट्ठस्स उद्देसो समुद्देसो अणुण्णा अणुओगो य पवत्तइ?, किं अंगबाहिरस्स उद्देसो समुद्देसो अणुण्णा अणुओगो य पवत्तइ?, अंगपविट्ठस्सवि उद्देसो जाव पवत्तइ, अणंगपविट्ठस्सवि उद्देसो जाव पवत्तइ?, इमं पुण पट्ठवणं पडुच्च अणंगपविट्ठस्स अणुओगो ।३। जइ अणंगपविट्ठस्स अणुओगो किं कालियस्स अणुओगो? उक्कालियस्स अणुओगो?, कालियस्सवि अणुओगो उक्कालियस्सवि अणुयोगो, इमं पुण पट्ठवणं पडुच्च उक्कालियस्स अणुओगो ।४। जइ उक्कालिअस्स अणुओगो किं आवस्सगस्स अणुओगो? आवस्सगवतिरित्तस्स अणुओगो?, आवस्सगस्सवि अणुओगो आवस्सगवतिरित्तस्सवि अणुओगो इमं पुण पट्ठवणं पडुच्च आवस्सगस्स अणुओगो ।५।

॥ श्री अनुयोगद्वारसूत्रं ॥

१

पू. सागरजी म. संशोधित

जइ आवस्सगस्स अणुओगो किं अंगं अंगाइं सुअखंधो सुअखंधा अज्झयणं अज्झयणाइं उद्देसो उद्देसा?, आवस्सयं णं नो अंगं नो अंगाइं सुअखंधो नो सुअखंधा नो अज्झयणं अज्झयणाइं नो उद्देसो नो उद्देसा ।६। तम्हा आवस्सयं निक्खिविस्सामि सुयं निक्खिविस्सामि खंधं निक्खिविस्सामि अज्झयणं निक्खिविस्सामि ।७। जत्थ य जं जाणेज्जा निक्खेवं निक्खिवे निरवसेसं । जत्थविय न जाणेज्जा चउक्कगं निक्खिवे तत्थ ।।१।। से किं तं आवस्सयं?, २ चउव्विहं पं० तं०-नामावस्सयं ठवणावस्सयं दव्वावस्सयं भावावस्सयं ।८। से किं तं नामावस्सयं?, जस्स णं जीवस्स वा अजीवस्स वा जीवाण वा अजीवाण वा तदुभयस्स वा तदुभयाण वा आवस्सएत्ति नामं कज्जइ, सेत्तं नामावस्सयं ।९। से किं तं ठवणावस्सयं?, २ जण्णं कट्ठकम्मे वा पोत्थकम्मे वा चित्तकम्मे वा लेप्पकम्मे वा गंथिमे वा वेढिमे वा पूरिमे वा संघाइमे वा अक्खे वा वराडाए वा एगो वा अणेगो सव्भावठवणाए वा असव्भावठवणाए वा आवस्सएत्ति ठवणा ठविज्जइ, से तं ठवणावस्सयं ।१०। नामद्ववणाणं को पड्विसेसो?, णामं आवकहियं, ठवणा इत्तरिया वा होज्जा आवकहिया वा ।११। से किं तं दव्वावस्सयं?, २ दुविहं पं० तं०-आगमओ य नोआगमओ य ।१२। से किं तं आगमओ दव्वावस्सयं?, २ जस्स णं आवस्सएत्ति पदं सिक्खितं ठितं जितं मितं परिजितं नामसमं घोससमं अहीणक्खरं अणच्चक्खरं अव्वाइद्धक्खरं अक्खलियं अभिलियं अवच्चाभेलियं पडिपुण्णं पडिपुण्णघोसं कंठोड्ड (दोस) विप्पमुक्कं गुरुवायणोवगयं, से णं तत्थ वायणाए पुच्छणाए परियट्ठणाए धम्मकहाए, नो अणुपेहाए, कम्हा?, अणुवओगो दव्व मित्तिकटट्टु

१३। नेगमस्स णं एगो अणुवउत्तो आगमओ एगं दब्बावस्सयं दोण्णि अणुवउत्ता आगमओ दोण्णि दब्बावस्सयाइं तिण्णि अणुवउत्ता आगमओ तिण्णि दब्बावस्सयाइं एवं जावइया अणुवउत्ता आगमओ तावइयाइं दब्बावस्सयाइं, एवमेव ववहारस्सवि, संगहस्स णं एगो वा अणेगा वा अणुउत्तो वा अणुवउत्ता वा आगमओ दब्बावस्सयं वा दब्बावस्सयाणि वा से एगे दब्बावस्सए, उज्जुसुयस्स एगो अणुवउत्तो आगमओ एगं दब्बावस्सयं, पुहुत्तं नेच्छइ तिण्हं सहनयाणं जाणए अणुवउत्ते अवत्थु, कम्हा?, जइ जाणए अणुवउत्ते न भवति जइ अणुवउत्ते जाणए ण भवति, तम्हा णत्थि आगमओ दब्बावस्सयं। से तं आगमओ दब्बावस्सयं १४। से किं तं नोआगमओ दब्बावस्सयं?, २ तिविहं पं० तं०-जाणयसरीरदब्बावस्सयं भवियसरीरदब्बावस्सयं जाणयसरीरभवियसरीरवतिरित्तं दब्बावस्सयं १५। से किं तं जाणयसरीरदब्बावस्सयं? २ आवस्सएत्ति पयत्थाहिगारजाणयस्स जं सरीरयं ववगयचुतचावितचत्तदेहं जीवविप्पजढं सिज्जागयं वा संथारगयं वा निसीहिआगयं वा सिद्धसिलातलगयं वा पासित्ताणं कोई भणेज्जा अहो! णं इमेणं सरीरसमुस्सएणं जिणदिट्ठेणं भावेणं आवस्सएत्तिपयं आघवियं पण्णवियं परुवियं दंसियं निदंसियं उवदंसियं, जहा को दिट्ठंतो?, अयं महुकुंभे आसी अयं घयकुंभे आसी, सेत्तं जाणयसरीरदब्बावस्सयं १६। से किं तं भविअसरीरदब्बावस्सयं?, २ जे जीवे जोणिजम्भणनिक्खंतं इमेणं चेव आत्तएणं सरीरसमुस्सएणं जिणोवदिट्ठेणं भावेणं आवस्सएत्तिपयं सेयकाले सिक्खिस्सइ न ताव सिक्खइ, जहा को दिट्ठंतो?, अयं महुकुंभे भविस्सइ अयं घयकुंभे भविस्सइ, सेत्तं भवियसरीरदब्बावस्सयं १७। से किं तं

॥ श्री अनुयोगद्वारसूत्र ॥

३

पू. सागरजी म. संशोधित

जाणयसरीरभविअसरीरवतिरित्तं दब्बावस्सयं?, २ तिविहं पं० तं० लोइयं कुप्पावयणियं लोउत्तरियं ॥१८॥ से किं तं लोइयं दब्बावस्सयं? २ जे इमे राइसरतलवरमाडंबियकोडुंबिअइब्भसेट्टिसेणावइसत्थवाहप्पभित्तिओ कल्लं पाउप्पभायाए रयणीए सुविमलाए फुल्लुप्पलकमलकोमलुम्मीलिअंमि अहापंडुरे पभाए रत्तासोगपगासकिंसुअसुअमुहगुंजद्धरागसरिसे कमलागरनलिणिसंडबोहए उट्ठियंमि सूरु सहस्सरस्सिमि दिणयरे तेयसा जलंते मुहधोयणदंतपक्खालणतेल्लफणिहसिद्धत्थयहरियालियअद्दागधूवपुप्फमल्लगंधतंबोलवत्थाइयाइं दब्बावस्सयाइं करेति, ततो पच्छा रायकुलं वा देवकुलं वा आरामं वा उज्जाणं वा सभं वा पवं वा गच्छंति, सेतं लोइयं दब्बावस्सयं ॥१९॥ से किं तं कुप्पावयणियं दब्बावस्सयं?, २ जे इमे चरगचीरिगचम्मखंडियभिक्खोडपंडुरंगगोयमगोव्वतियगिहिधम्मधम्मचित्तग-अविरुद्धविरुद्धवुड्ढसावगप्पभित्तओ पासंडत्था कल्लं पाउप्पभायाए रयणीए जाव तेयसा जलंते इंदस्स वा खंदस्स वा रुद्धस्स वा सिवस्स वा वेसमणस्स वा देवस्स वा नागस्स वा जक्खस्स वा भूअस्स वा मुगुंदस्स वा अज्जाए वा दुग्गाए वा कोट्टिकिरियाए वा उवलेवणसंमज्जणआवरिसणधूवपुप्फगंधमल्लाइआइं दब्बावस्सयाइं करेति, से तं कुप्पावयणियं दब्बावस्सयं ॥२०॥ से किं तं लोगुत्तरियं दब्बावस्सयं?, २ जे इमे समणगुणमुक्कजोगी छक्कायनिरणुकंपा हया इव उदामा गया इव निरंकुसा घट्टा मट्टा तुप्पोट्टा पंडुरपडपाउरणा जिणाणमणाणाए सच्छंदं विहरिऊणं उभओकालं आवस्सयस्स उवट्ठंति, से तं लोगुत्तरियं दब्बावस्सयं, से तं जाणयसरीरभविअसरीरवइरित्तं दब्बावस्सयं, से तं नो आगमतो दब्बावस्सयं, से तं दब्बावस्सयं ॥२१॥ से किं तं भावावस्सयं?,

२ दुविहं पं० तं०-आगमतो य नोआगमतो य ॥२२॥ से किं तं आगमतो भावावस्सयं?, २ जाणए उवउत्ते, से तं आगमतो भावावस्सयं ॥२३॥ से किं तं नोआगमतो भावावस्सयं?, २ तिविहं पण्णत्तं, तंजहा लोइयं कुप्पावयणियं लोगुत्तरियं ॥२४॥ से किं तं लोइयं भावावस्सयं?, २ पुव्वणहे भारहं अवरणहे रामायणं, से तं लोइयं भावावस्सयं ॥२५॥ से किं तं कुप्पावयणियं भावावस्सयं?, २ जे इमे चरगचीरिगजावपासंडत्था इज्जंजलिहोभजपोन्दुरुक्कनमोक्कारमाइआइं भावावस्सयाइं करेंति, से तं कुप्पावयणियं भावावस्सयं ॥२६॥ से किं तं लोगुत्तरियं भावावस्सयं?, २ जण्णं इमे समणे वा समणी वा सावओ वा साविआ वा तच्चित्ते तम्मणे तल्लेसे तदज्झवसिए तत्तिवज्झवसाणे तदट्ठोवउत्ते तदप्पिअकरणे तब्भावणाभाविए अण्णत्थ कत्थई मणं अकरेमाणे उभओकालं आवस्सयं करेंति, से तं लोगुत्तरियं भावावस्सयं, से तं नोआगमतो भावावस्सयं, से तं भावावस्सयं ॥२७॥ तस्स णं इमे एगट्ठिया णाणाघोसा णाणावंजणा णामधेज्जा भवंति, तंजहा आवस्सयं अवस्संकरणिज्जं धुवनिग्गहो विसोही य। अज्झयणछक्कवग्गो नाओ आराहणामग्गो ॥२८॥ समणेणं सावएण य अवस्सकायव्वयं हवइ जम्हा। अंतो अहोनिस्सस्स य तम्हा आवस्सयं नाम ॥२९॥ से तं आवस्सयं ॥२८॥ से किं तं सुतं?, २ चउव्विहं पं० तं०-नामसुयं ठवणासुयं दव्वसुयं भावसुयं ॥२९॥ से किं तं नामसुयं?, २ जस्स णं जीवस्स वा जाव सुएत्ति नामं कज्जइ, से तं नामसुयं ॥३०॥ से किं तं ठवणासुयं?, जं णं कट्ठकम्मे वा जाव ठवणा ठविज्जइ, से तं ठवणासुयं, नामठवणाणं को पइविसेसो?, नाम आवकहियं ठवणा इत्तरिया वा होज्जा

आवकहिया वा ॥३१॥ से किं तं दव्वसुयं?, २ दुविहं पं० तं०-आगमतो य नोआगमतो य ॥३२॥ से किं तं आगमतो दव्वसुयं?, २ जस्स णं सुएत्ति पयं सिक्खियं ठियं जियं जाव णो अणुप्पेहाए, कम्हा?, अणुवओगो दव्वमित्तिकट्टु, नेगमस्स णं एगो अणुवउत्तो आगमतो एगं दव्वसुयं जाव कम्हा?, जइ जाणए अणुवउत्ते न भवइ०, से तं आगमतो दव्वसुयं ॥३३॥ से किं तं नोआगमतो दव्वसुयं? २ तिविहं पं० तं०-जाणयसरीरदव्वसुयं भवियसरीरदव्वसुयं जाणयसरीरभवियसरीरवइरित्तं दव्वसुयं ॥३४॥ से किं तं जाणयसरीरदव्वसुयं?, २ सुयत्तिपयत्थाहिगारजाणयस्स जं सरीरयं ववगयच्चुअचावियचत्तदेहं तं चेव पुव्वभणियं भाणियव्वं जाव से तं जाणयसरीरदव्वसुयं ॥३५॥ से किं तं भवियसरीरदव्वसुयं? २ जे जीवे जोणीजम्मणनिक्खंते जहा दव्वावस्साए तहा भाणियव्वं जाव से तं भवियसरीरदव्वसुयं ॥३६॥ से किं तं जाणयसरीरभवियसरीरवइरित्तं दव्वसुयं?, पत्तयपोत्थयलिहियं, अहवा जाणयसरीरभवियसरीरवइरित्तं दव्वसुयं पंचविहं पं० तं०-अंडयं बोंडयं कीडयं वालयं वागयं, अंडयं हंसगब्भादि, बोंडयं कप्पासमाइ, कीडयं पंचविहं पं० तं०-पट्टे मलए अंसुए चीणंसुए किमिरागे, वालयं पंचविहं पं० तं० उण्णिणए उट्ठिए मियलोमिए कोतवे किट्ठिसे, वागयं सणमाइ, से तं जाणयसरीरभवियसरीरवइरित्तं दव्वसुयं, से तं नोआगमतो दव्वसुयं, से तं दव्वसुयं ॥३७॥ से किं तं भावसुयं?, २ दुविहं पं० तं०-आगमतो य नोआगमतो य ॥३८॥ से किं तं आगमतो भावसुयं?, २ जाणए उवउत्ते, से तं आगमतो भावसुयं ॥३९॥ से किं तं नोआगमतो भावसुयं?, २ दुविहं पं० तं०-लोइयं लोगुत्तरियं च ॥४०॥ से किं तं लोइयं नोआगमतो

॥ श्री अनुयोगद्वारसूत्रं ॥

६

पू. सागरजी म. संशोधित

भावसुयं?, २ जं इमं अण्णाणिएहिं मिच्छादिट्ठीहिं सच्छंदबुद्धिमइविगप्पियं, तं०-भारहं रामायणं भीमासुरुक्कं कोडिल्लयं घोडयमुहं सगडभदिआउ कप्पासियं णागसुहुमं कणगसत्तरी वेसियं वइसेसियं बुद्धसासणं काविलं लोगायतं सट्ठियंतं माढरपुराणवागरणनाडगाइ अहवा बावत्तरि कलाओ चत्तारि वेया संगोवंगा, से तं लोइयं नोआगमतो भावसुयं।४१। से किं तं लोउत्तरियं नोआगमतो भावसुयं?, २ जं इमं अरिहंतेहिं भगवंतेहिं उप्पण्णणाणदंसणधरेहिं तीयपच्चुप्पण्णमणागयजाणाएहिं सव्वण्णूहिं सव्वदरिसीहिं तिलुक्कवहियमहितपूइएहिं अप्पडिहयवरणाणदंसणधरेहिं पणीयं दुवालसंगं गणिपिडगं, तं०आयारो सूअगडो ठाणं समवाओ विवाहपण्णत्ती नायाधम्मकहाओ उवासगदसाओ अंतगडदसाओ अणुत्तरोववाइयदसाओ पण्हावागरणाइं विवागसुयं दिट्ठीवाओ य, से तं लोउत्तरियं नोआगमतो भावसुयं, से तं नोआगमतो भावसुयं, से तं भावसुयं।४२। तस्स णं इमे एगट्ठिया णाणाघोसा णाणवंजणा नामधेज्जा भवंति, तं०-सुअ सुत्त गंथ सिद्धंत सासणे आण वयण उवएसे। पन्नवण आगमेऽविय एगट्ठा पज्जवा सुत्ते।।४३। से तं सुयं।४३। से किं तं खंधे?, २ चउव्विहे पं० तं०-नामखंधे ठवणाखंधे दव्वखंधे भावखंधे।४४। नामट्ठवणाओ पुव्वभणिआणुक्कमेण भाणिअव्वाओ (गयाओ)।४५। से किं तं दव्वखंधे?, २ दुविहे पं० तं०-आगमतो य नोआगमतो य, से किं तं आगमओ दव्वखंधे?, २ जस्स णं खंधेत्ति पयं सिक्खियं सेसं जहा दव्वावस्सए तहा भाणिअव्वं, नवर खंधाभिलावो जाव से किं तं जाणयसरीरभविअसरीरवइरित्ते दव्वखंधे?, २ तिविहे पं० तं०-सच्चित्ते अचित्ते मीसए।४६। से किं तं सचित्ते

दव्वखंधे?, २ अणेगविहे पं० तं०-हयखंधे गय० किन्नर० किंपुरिस० महोरग० गंधव्व० उसभखंधे, से तं सचित्ते दव्वखंधे ॥४७॥
 से किं तं अचित्ते दव्वखंधे?, अणेगविहे पं० तं०-दुपएसिए जाव दसपएसिए संखिज्जपएसिए असंखिज्जपएसिए अणंतपएसिए,
 से तं अचित्ते दव्वखंधे ॥४८॥ से किं तं मीसए दव्वखंधे?, २ अणेगविहे पं० तं०-सेणाए अग्गिमे खंधे सेणाए मज्झिमे खंधे
 सेणाए पच्छिमे खंधे, से तं मीसए दव्वखंधे ॥४९॥ अहवा जाणयसरीरभविअसरीरवइरित्ते दव्वखंधे तिविहे पं० तं०-कसिणखंधे
 अकसिणखंधे अणेगदवियखंधे ॥५०॥ से किं तं कसिणखंधे?, २ से चेव हयखंधे गयखंधे जाव उसभखंधे, से तं कसिणखंधे ॥५१॥
 से किं तं अकसिणखंधे?, २ से चेव दुपएसियाइखंधे जाव अणंतपएसिए खंधे, से तं अकसिणखंधे ॥५२॥ से किं तं
 अणेगदवियखंधे?, २ तस्स चेव देसे अवचिए तस्स चेव देसे उवचिए, से तं अणेगदवियखंधे, से तं जाणयसरीरभवियसरीरवइरित्ते
 दव्वखंधे, से तं नोआगमओ दव्वखंधे, से तं दव्वखंधे ॥५३॥ से किं तं भावखंधे?, २ दुविहे पं० तं०-आगमओ य नोआगमओ
 य ॥५४॥ से किं तं आगमओ भावखंधे?, २ जाणए उवउत्ते, से तं आगमओ भावखंधे ॥५५॥ से किं तं नोआगमओ भावखंधे?,
 २ एसिं चेव सामाइयमाइयाणं छण्हं अज्झयणाणं समुदयसमिइसमागमेणं आवस्सयसुयखंधे भावखंधेत्ति लब्भइ, से तं नोआगमओ
 भावखंधे, से तं भावखंधे ॥५६॥ तस्स णं इमे एगद्धिया णाणाघोसा णाणवंजणा नामधेज्जा भवन्ति, तं०-गण काए य निकाए
 खंधे वगगे तहेव रासी य। पुंजे पिंडे निगरे संघाए आउल समूहे ॥५७॥ से तं खंधे ॥५७॥ आवस्सगस्स णं इमे अत्थाहिगारा भवन्ति,

तं०-सावज्जजोगविरई उक्कित्तण गुणवओ य पडिवत्ती। खलियस्स निंदणा वणत्तिगिच्छ गुणधारणा चेव॥६॥५८॥ आवस्सयस्स एसो पिंडत्थो वणिणओ समासेणं। एत्तो एक्केक्कं पुण अज्झयणं कित्तइस्सामि॥७॥ तं०-सामाइयं चउवीसत्थओ वंदणयं पडिक्कमणं काउस्सगो पच्चक्खाणं। तत्थ पढमं अज्झयणं सामाइयं, तस्स णं इमे चत्तारि अणुओगदारा भवन्ति, तं०-उवक्कमे निक्खेवे अणुगमे नए॥५९॥ से किं तं उवक्कमे?, २ छव्विहे पं० तं-णामोवक्कमे ठवणो० दव्वो० खेतो० कालो० भावोवक्कमे, नामठवणाओ गयाओ, से किं तं दव्वोवक्कमे?, २ दुविहे पं० तं०-आगमओ य नोआगमओ य जाव जाण गसरीरभवियसरीरवइरित्ते दव्वोवक्कमे तिविहे पं० तं०-सचित्ते अचित्ते मीसए॥६०॥ से किं ते सचित्ते दव्वोवक्कमे?, २ तिविहे पं० तं०-दुपयाणं चउप्पयाणं अपयाणं, एक्किक्के पुण दुविहे पं० तं०-परिकम्मे य वत्थुविणासे यो॥६१॥ से किं तं दुपए उवक्कमे?, दुपयाणं नडाणं नट्टाणं जल्लाणं मल्लाणं मुट्ठियाणं वेल्बगाणं कहगाणं पवगाणं लासगाणं आइक्खगाणं लंखाणं मंखाणं तूणइल्लाणं तुंबवीणियाणं कावोयाणं मागहाणं, से तं दुपए उवक्कमे॥ से किं तं चउप्पए उवक्कमे?, चउप्पयाणं आसाणं हत्थीणं इच्चाइ, से तं चउप्पए उवक्कमे॥६३॥ से किं तं अपए उवक्कमे?, २ अपयाणं अंबाणं अंबाडगाणं इच्चाइ, से तं अपओवक्कमे, से तं सचित्तदव्वोवक्कमे॥६४॥ से किं तं अचित्तदव्वोवक्कमे?, खंडाईणं गुडाईणं मच्छं डीणं, से तं अचित्तदव्वोवक्कमे॥६५॥ से किं तं मीसए दव्वोवक्कमे?, से चेव थासगआयंसगाइमंडिए आसाई, से तं मीसए दव्वोवक्कमे, से तं जाणयसरीरभविअसरीरवइरित्ते दव्वोवक्कमे, (त्थ दुपयाणं गयाइणा वण्णाइकरणं तहा

कण्णखंधवद्धणं च चउप्पयाणं सिक्खागुणविसेसकरणं एवं अपयाणं रक्खा वद्धणं च अंबाडफलाणं च कोदवपलालाइसु सुपयाणं वत्थुविणासे पुरिसादीणं खग्गादीहिं विणासकरणं अचित्ताणं गुडादीणं जलणसंजोएण महरतरगुडविसेसकरणं विणासो य खरादीहिं, मीसदव्वाणं ठासगाइविभूसिआणं आसादीणं सिक्खागुणविसेसकरणं पा०) से तं नोआगमओ दव्वोवक्कमे, से तं दव्वोवक्कमे।६६। से किं तं खेत्तोवक्कमे?, जण्णं हलकुलिआईहिं खेत्ताइं उवक्कमिज्जंति (खेत्तस्स हलकुलिआदीहिं जोग्गयाकरणं विणासकरणं गयबंधणादीहिं पा०) से तं खेत्तोवक्कमे।६७। से किं तं कालोवक्कमे?, जं णं नालिआईहिं कालस्सोवक्कमणं (कालपरिमणोवलक्खणं पा०) कीरइ, से तं कालोवक्कमे।६८। से किं तं भावोवक्कमे?, २ दुविहे पं० तं०-आगमओ य नोआगमओ य, आगमओ जाणए उवउत्ते, नोआगमओ दुविहे पं० तं०-पसत्थे य अपसत्थे य, तत्थ अपसत्थे डोडिणिगणियाअमच्चाईणं, पसत्थे गुरुमाईणं, से तं नोआगमओ भावोवक्कमे, से तं भावोवक्कमे, से तं उवक्कमे।६९। अहवा उवक्कमे छव्विहे पं० तं०-आणुपुव्वी नामं पमाणं वत्तव्वया अत्थाहिगारे समोआरे।७०। से किं तं आणुपुव्वी? दसविहा पं० तं० नामाणुपुव्वी ठवणा० दव्वा० खेत्ता० काला० उक्कित्तणा० गणणा० संठाणा० सामायारी० भावाणुपुव्वी।७१। नामठवणाओ गयाओ, से किं तं दव्वा०?, दुविहा पं० तं०-आगमओ य नोआगमओ य, से किं तं आगमओ दव्वा०?, २ जस्स णं आणुपुव्वित्ति पयं सिक्खियं ठियं जियं भियं परिजियं जाव नो अणुप्पेहाए, कम्हा?, अणुवओगो दव्वमित्तिकटटु, णेगमस्स णं एगो अणुवउत्तो अगमओ एगा दव्वा० जाव कम्हा?,

॥ श्री अनुयोगद्वारसूत्रं ॥

१०

पू. सागरजी म. संशोधित

જડ જાણે અણુવડત્તે ન ભવડ૦, સે તં આગમઓ દવ્વા૦, સે કિં તં નો આગમઓ દવ્વા૦?, ૨ તિવિહા પં૦ તં-
 જાણયસરીરદવ્વાણુપુવ્વી ભવિયસરીરદવ્વાણુપુવ્વી જાણયસરીરભવિયસરીરવડરિત્તા દવ્વા૦, સે કિં તં જાણયસરીરદવ્વાણુપુવ્વી?,
 ૨ પયથ્થાહિગારજાણયસ્સ જં સરીરયં વવગયચુયચાવિયચત્તદેહં સેસં જહા દવ્વાવસ્સા તહા ભાણિયવ્વં જાવ સે તં
 જાણયસરીરદવ્વાણુપુવ્વી, સે કિં તં ભવિયસરીરદવ્વાણુપુવ્વી?, ૨ જે જીવે જોણીજમ્મણનિક્કંતે સેસં જહા દવ્વાવસ્સા જાવ સે
 તં ભવિયસરીરદવ્વાણુપુવ્વી, સે કિં તં જાણયસરીરભવિયસરીરવડરિત્તા દવ્વા૦?, ૨ દુવિહા પં૦ તં-ઉવણિહિયા ય અણોવણિહિયા
 ય, તત્થ ણં જા સા ઉવણિહિયા સા ઠપ્પા, તત્થ ણં જા સા અણોવણિહિયા સા દુવિહા પં૦ તં-નેગમવવહારાણં સંગહસ્સ ય૧૭૨।
 સે કિં તં નેગમવવહારાણં અણોવણિહિયા દવ્વાણુપુવ્વી?, ૨ પંચવિહા પં૦ તં-અટ્ઠપયપરૂવણયા ભંગસમુક્કિત્તણયા ભંગોવદંસણયા
 સમોયારે અણુગમે૧૭૩। સે કિં તં નેગમવવહારાણં અટ્ઠપયપરૂવણયા?, ૨ તિપણિયા આણુપુવ્વી ચડણિયા આણુપુવ્વી જાવ
 દસણિયા આણુપુવ્વી સંખેજ્જણિયા આણુપુવ્વી અસંખિજ્જણિયા આણુપુવ્વી અણંતણિયા આણુપુવ્વી, પરમાણુપોગ્ગલે
 અણાણુપુવ્વી, દુણિયા અવત્તવ્વણ, તિપણિયા આણુપુવ્વીઓ જાવ અણંતણિયા આણુપુવ્વીઓ, પરમાણુપોગ્ગલા
 અણાણુપુવ્વીઓ, દુણિયાઈ અવત્તવ્વયાઈ, સે તં નેગમવવહારાણં અટ્ઠપયપરૂવણયા૧૭૪। ણિયા ણં નેગમવવહારાણં
 અટ્ઠપરૂવણયા કિં પઓયણં?, ણિયા ણં નેગમવવહારાણં અટ્ઠપયપરૂવણયા ભંગસમુક્કિત્તણયા કજ્જ૧૭૫। સે કિં તં

॥ શ્રી અનુયોગદ્વારસૂત્ર ॥

૧૧

પૂ. સાગરજી મ. સંશોધિત

नेगमववहाराणं भंगसमुक्कित्तणया?, २ अत्थि आणुपुव्वी अत्थि अणाणुपुव्वी अत्थि अवत्तव्वए अत्थि आणुपुव्वीओ अत्थि अणाणुपुव्वीओ अत्थि अवत्तव्वयाइं, अहवा अत्थि आणुपुव्वी य अणाणुपुव्वी य अहवा अत्थि आणुपुव्वी य अणाणुपुव्वीओ य अहवा अत्थि आणुपुव्वीओ य अणाणुपुव्वी य अहवा अत्थि आणुपुव्वीओ य अणाणुपुव्वीओ य अहवा अत्थि आणुपुव्वी य अवत्तव्वए य अहवा अत्थि आणुपुव्वी य अवत्तव्वयाइं च अहवा अत्थि आणुपुव्वीओ य अवत्तव्वए य अहवा अत्थि आणुपुव्वीओ य अवत्तव्वयाइं च अहवा अत्थि अणाणुपुव्वी य अवत्तव्वए य अहवा अत्थि अणाणुपुव्वी य अवत्तव्वयाइं च अहवा अत्थि अणाणुपुव्वीओ य अवत्तव्वए य अहवा अत्थि अणाणुपुव्वीओ य अवत्तव्वयाइं च, अहवा अत्थि आणुपुव्वी य अणाणुपुव्वी य अवत्तव्वए य अहवा अत्थि आणुपुव्वी य अणाणुपुव्वी य अवत्तव्वयाइं च अहवा अत्थि आणुपुव्वी य अणाणुपुव्वीओ य अवत्तव्वए य अहवा अत्थि आणुपुव्वी य अणाणुपुव्वीओ य अवत्तव्वयाइं च अहवा अत्थि आणुपुव्वीओ य अणाणुपुव्वी य अवत्तव्वए य अहवा अत्थि आणुपुव्वीओ य अणाणुपुव्वी य अवत्तव्वयाइं च अहवा अत्थि आणुपुव्वीओ य अणाणुपुव्वीओ य अवत्तव्वए य अहवा अत्थि आणुपुव्वीओ य अणाणुपुव्वीओ य अवत्तव्वयाइं च, एए अड भंगा, एवं सव्वेऽवि छव्वीसं भंगा। से तं नेगमववहाराणं भंगसमुक्कित्तणया। ७६। एआए णं नेगमववहाराणं भंगसमुक्कित्तणयाए किं पओयणं?, एआए णं नेगमववहाराणं भंगसमुक्कित्तणयाए भंगोवदंसणया कीरइ। ७७। से किं तं नेगमववहाराणं भंगोवदंसणया?, २ तिपएसिए

आणुपुव्वी परमाणुपोग्गले अणाणुपुव्वी दुपएसिए अवत्तव्वए, अहवा तिपएसिया आणुपुव्वीओ परमाणुपोग्गला अणाणुपुव्वीओ दुपएसिया अवत्तव्वयाइं, अहवा तिपएसिए य परमाणुपुग्ले य आणुपुव्वी य अणाणुपुव्वी य० चउभंगो, अहवा तिपएसिए य दुपएसिए य आणुपुव्वी य अवत्तव्वए य० चउभंगो, अहवा परमाणुपोग्गले य दुपएसिए य अणाणुपुव्वी य अवत्तव्वए य० चउभंगो, अहवा तिपएसिए य परमाणुपोग्गले य दुपएसिए य आणुपुव्वी य अणाणुपुव्वी य अवत्तव्वए य अहवा तिपएसिए य परमाणुपोग्गले य दुपएसिए य आणुपुव्वी य अणाणुपुव्वी य अवत्तव्वयाइं च अहवा तिपएसिए य परमाणुपुग्ले य दुपएसिए य आणुपुव्वी य अणाणुपुव्वीओ य अवत्तव्वए य अहवा तिपएसिए य परमाणुपोग्गला य दुपएसिए य आणुपुव्वी य अणाणुपुव्वीओ य अवत्तव्वए य अहवा तिपएसिए य परमाणुपोग्गले य दुपएसिए य आणुपुव्वीओ य अणाणुपुव्वी य अवत्तव्वए य अहवा तिपएसिए य परमाणुपोग्गले य दुपएसिए य आणुपुव्वीओ य अणाणुपुव्वी अवत्तव्वयाइं च अहवा तिपएसिए य परमाणुपोग्गला य दुपएसिए य आणुपुव्वीओ य अणाणुपुव्वीओ य अवत्तव्वए य अहवा तिपएसिए य परमाणुपोग्गला य दुपएसिए य आणुपुव्वीओ य अणाणुपुव्वीओ य अवत्तव्वयाइं च। से तं नेगमववहाराणं भंगोवदंसणया। ७८। से किं तं समोयारे?, नेगमववहाराणं आणुपुव्वीदव्वाइं कहिं समोअरंति किं आणुपुव्वीदव्वेहिं समोअरंति अणाणुपुव्वीदव्वेहिं समोअरंति अवत्तव्वयदव्वेहिं समोअरंति?, नेगमववहाराणं आणुपुव्वीदव्वाइं आणुपुव्वीदव्वेहिं समोअरंति नो अणाणुपुव्वीदव्वेहिं समोअरंति नो अवत्तव्वयदव्वेहिं समोअरंति,

॥ श्री अनुयोगद्वारसूत्रं ॥

१३

पू. सागरजी म. संशोधित

नेगमववहाराणं अणाणुपुव्वी दव्वाइं कहिं समोअरंति किं आणुपुव्वीदव्वेहिं समोअरंति अणाणुपुव्वीदव्वेहिं समोअरंति अवत्तव्वयदव्वेहिं समोअरंति?, नो आणुपुव्वीदव्वेहिं समोअरंति अणाणुपुव्वीदव्वेहिं समोअरंति नो अवत्तव्वयदव्वेहिं समोअरंति, नेगमववहाराणं अवत्तव्वयदव्वाइं कहिं समोअरंति किं आणुपुव्वीदव्वेहिं समोअरंति अणाणुपुव्वीदव्वेहिं समोअरंति अवत्तव्वयदव्वेहिं समोअरंति?, नो आणुपुव्वीदव्वेहिं समोअरंति नो अणाणुपुव्वीदव्वेहिं समोअरंति अवत्तव्वयदव्वेहिं समोअरंति, से तं समोआरे १७९। से किं तं अणुगमे?, नवविहे पं० तं०-संतपयपरूवणया दव्व पमाणं च खित्त फुसणा य। कालो य अंतरं भाग भाव अप्पाबहं चेव ॥८॥८०॥ नेगमववहाराणं आणुपुव्वीदव्वाइं किं अत्थि नत्थि?, णियमा अत्थि, नेगमववहाराणं अणाणुपुव्वीदव्वाइं किं अत्थि णत्थि?, णियमा अत्थि, नेगमववहाराणं अवत्तव्वगदव्वाइं किं अत्थि णत्थि?, नियमा अत्थि ॥८१॥ नेगमववहाराणं आणुपुव्वीदव्वाइं किं संखिज्जाइं असंखिज्जाइं अणंताइं?, नो संखिज्जाइं नो असंखिज्जाइं अणंताइं, एवं अणाणुपुव्वीदव्वाइं अवत्तव्वगदव्वाइं च अणंताइं भाणियव्वाइं ॥८२॥ नेगमववहाराणं आणुपुव्वीदव्वाइं लोगस्स किं संखिज्जइभागे होज्जा असंखिज्जइभागे होज्जा संखेज्जेसु भागेसु होज्जा असंखेज्जेसु भागेसु होज्जा सव्वलोए होज्जा?, एगं दव्वं पडुच्च संखेज्जइभागे वा होज्जा असंखेज्जइभागे वा होज्जा संखेज्जेसु भागेसु वा होज्जा असंखिज्जेसु भागेसु वा होज्जा सव्वलोए वा होज्जा, णाणादव्वाइं पडुच्च नियमा सव्वलोए होज्जा। नेगमववहाराणं अणाणुपुव्वीदव्वाइं किं लोयस्स संखिज्जइभागे होज्जा जाव सव्वलोए वा होज्जा?, एगं दव्वं पडुच्च नो संखेज्जइभागे

होज्जा असंखेज्जइ भागे होज्जा नो संखेजेसु भागेसु होज्जा नो असंखेजेसु भागेसु होज्जा नो सव्वलोए होज्जा, णाणादव्वाइं पडुच्च नियमा सव्वलोए होज्जा, एवं अवत्तव्वगदव्वाइं भाणियव्वाइं।८३। नेगमववहाराणं आणुपुव्वीदव्वाइं लोगस्स किं संखेज्जइभागं फुसंति असंखेज्जइभागं फुसंति संखेजे भागे फुसंति असंखेजे भागे फुसंति सव्वलोगं फुसंति?, एगं दव्वं पडुच्च लोगस्स संखेज्जइभागं वा फुसंति जाव सव्वलोगं वा फुसंति, णाणादव्वाइं पडुच्च नियमा सव्वलोगं फुसंति। णेगमववहाराणं अण्णपुव्वीदव्वाइं लोयस्स किं संखेज्जइभागं फुसंति जाव सव्वलोगं फुसंति?, एगं दव्वं पडुच्च नो संखिज्जइभागं फुसंति असंखिज्जइभागं फुसंति नो संखिजे भागे फुसंति नो असंखिजे भागे फुसंति नो सव्वलोयं फुसंति, नाणादव्वाइं पडुच्च नियमा सव्वलोयं फुसंति, एवं अवत्तव्वगदव्वाइं भाणियव्वाइं (एवं फुसणावि णायव्वा पा०)।८४। णेगमववहाराणं आणुपुव्वीदव्वाइं कालओ केवच्चिरं होइ?, एगं दव्वं पडुच्च जहण्णेणं एगं समयं उक्कोसेणं असंखेज्जं कालं, णाणादव्वाइं पडुच्च णियमा सव्वद्धा, अण्णपुव्वीदव्वाइं अवत्तव्वगदव्वाइं च एवं चेव भाणियव्वाइं।८५। णेगमववहाराणं आणुपुव्वीदव्वाणं अंतरं कालओ केवच्चिरं होइ?, एगं दव्वं पडुच्च जहन्नेणं एगं समयं उक्कोसेणं अणंतं कालं, नाणादव्वाइं पडुच्च णत्थि अंतरं, णेगमववहाराणं अण्णपुव्वीदव्वाणं अंतरं कालओ केवच्चिरं होइ?, एगं दव्वं पडुच्च जहण्णेणं एगं समयं उक्कोसेणं असंखेज्जं कालं, नाणादव्वाइं पडुच्च णत्थि अंतरं, णेगमववहाराणं अवत्तव्वगदव्वाणं अंतरं कालओ केवच्चिरं होइ?, एगं दव्वं पडुच्च जहन्नेणं एगं समयं

उक्कोसेणं अणंतं कालं, नाणादव्वाइं पडुच्च णत्थि अंतरं, (अवत्तव्वयाइं जथा आणुपुव्वीदव्वाइं पा०) ॥८६॥ णेगमववहाराणं आणुपुव्वीदव्वाइं सेसदव्वाणं कइभागे होज्जा किं संखिज्जइभागे होज्जा असंखिज्जइभागे होज्जा संखेजेसु भागेसु होज्जा असंखेजेसु भागेसु होज्जा?, नो संखिज्जइभागे होज्जा नो असंखिज्जइभागे होज्जा नो संखेजेसु भागेसु होज्जा, नियमा असंखेजेसु भागेसु होज्जा, णेगमववहाराणं अणाणुपुव्वीदव्वाइं सेसदव्वाणं कइभागे होज्जा किं संखिज्जइभागे होज्जा असंखिज्जइभागे होज्जा संखेजेसु भागेसु होज्जा असंखेजेसु भागेसु होज्जा?, नो संखेज्जइभागे होज्जा असंखेज्जइभागे होज्जा नो संखेजेसु भागेसु होज्जा नो असंखेजेसु भागेसु होज्जा, एवं अवत्तव्वगदव्वाणिवि भाणियव्वाणि ॥८७॥ णेगमववहाराणं आणुपुव्वीदव्वाइं कतरंमि भावे होज्जा? किं उदइए भावे होज्जा उवसमिए भावे होज्जा खाइए भावे होज्जा खाओवसमिए भावे होज्जा पारिणामिए भावे होज्जा संनिवाइए भावे होज्जा?, णियमा साइपारिणामिए भावे होज्जा, अणाणुपुव्वीदव्वाणि अवत्तव्वगदव्वाणि य एवं चेव भाणियव्वाणि ॥८८॥ एएसिं णं भंते! णेगमववहाराणं आणुपुव्वीदव्वाणं अणाणुपुव्वीदव्वाणं अवत्तव्वगदव्वाणि य दव्वट्ठयाए पएसट्ठयाए दव्वट्ठपएसट्ठयाए कयरे कयरेहिंतो अप्पा वा बहुया वा तुल्ला वा विसेसाहिया वा?, गोयमा! सव्वत्थोवाइं णेगमववहाराणं अवत्तव्वगदव्वाइं दव्वट्ठयाए अणाणुपुव्वीदव्वाइं दव्वट्ठयाए विसेसाहियाइं आणुपुव्वीदव्वाइं दव्वट्ठयाए असंखेज्जगुणाइं, पएसट्ठयाए णेगमववहाराणं सव्वत्थोवाइं अणाणुपुव्वीदव्वाइं अपएसट्ठयाए अवत्तव्वगदव्वाइं पएसट्ठयाए विसेसाहियाइं आणुपुव्वीदव्वाइं पएसट्ठयाए

अणंतगुणाइं, दव्वट्टपएसट्टयाए सव्वथोवाइं णेगमववहाराणं अवत्तव्वगदव्वाइं दव्वट्टयाए अणाणुपुव्वीदव्वाइं दव्वट्टयाए अपएसट्टयाए विसेसाहियाइं अवत्तव्वगदव्वाइं पएसट्टयाए विसेसाहियाइं आणुपुव्वीदव्वाइं दव्वट्टयाए असंखेज्जगुणाइं ताइं चेव पएसट्टयाए अणंतगुणाइं, से तं अणुगमे, से तं नेगमववहाराणं अणोवणिहिया दव्वाणुपुव्वी।८९। से किं तं संगहस्स अणोवणिहिया दव्वाणुपुव्वी?, २ पंचविहा पं० तं०-अट्टपयपरूवणया भंगसमुक्कित्तणया भंगोवदंसणया समोयारे अणुगमे।९०। से किं तं संगहस्स अट्टपयपरूवणया?, २ तिपएसिए आणुपुव्वी चउप्पएसिए जाव दसपएसिए संखिज्जपएसिए असंखिज्जपएसिए० अणंतपएसिए आणुपुव्वी परमाणुपोग्गले अणाणुपुव्वी दुपएसिए अवत्तव्वए, से तं संगहस्स अट्टपयपरूवणया।९१। एयाए णं संगहस्स अट्टपयपरूवणयाए किं पओयणं?, एयाए णं संगहस्स अट्टपयपरूवणयाए संगहस्स भंगसमुक्कित्तणया कज्जइ, से किं तं संगहस्स भंगसमुक्कित्तणया?, अत्थि आणुपुव्वी अत्थि अणाणुपुव्वी अत्थि अवत्तव्वए अहवा अत्थि आणुपुव्वी य अणाणु० य अहवा अत्थि आणु० य अवत्तव्वए य अहवा अत्थि अणाणु० य अवत्तव्वए य अहवा अत्थि आणुपुव्वी य अणाणुपुव्वी य अवत्तव्वए य एवं सत्त भंगा, से तं संगहस्स भंगसमुक्कित्तणया, एयाए णं संगहस्स भंगसमुक्कित्तणयाए किं पओयणं?, एयाए णं संगहस्स भंगसमुक्कित्तणयाए संगहस्स भंगोवदंसणया कीरइ।९२। से किं तं संगहस्स भंगोवदंसणया?, २ तिपएसिया आणुपुव्वी परमाणुपोग्गला अणाणुपुव्वी दुपएसिया अवत्तव्वए, अहवा तिपएसिया य परमाणुपोग्गला य आणुपुव्वी य अणाणुपुव्वी य अहवा

तिपएसिया य दुपएसिया य आणुपुव्वी य अवत्तव्वए य अहवा परमाणुपोग्गला य दुपेसिया य अणाणुपुव्वी य अवत्तव्वए य अहवा तिपएसिया य परमाणुपोग्गला य दुपएसियाय आणुपुव्वी य अणाणुपुव्वी य अवत्तव्वए य, से तं संगहस्स भंगोवदंसणया।१३। से किं तं संगहस्स समोयारे?, संगहस्स आणुपुव्वीदव्वाइं कहिं समोयरंति किं आणुपुव्वीदव्वेहिं समोयरंति अणाणुपुव्वीदव्वेहिं समोयरंति अवत्तव्वगदव्वेहिं समोयरंति?, संगहस्स आणुपुव्वीदव्वाइं आणुपुव्वीदव्वेहिं समोयरंति नो अणाणुपुव्वीदव्वेहिं समोयरंति नो अवत्तव्वगदव्वेहिं समोयरंति, एवं दोत्रिवि सट्ठाणे सट्ठाणे समोयरंति, से तं समोयारे।१४। से किं तं अणुगमे?, २ अट्ठविहे पं०तं०-संतपयपरूवणया दव्वपमाणं च खित्त फुसणा य। कालो य अंतरं भाग भावे अप्पाब्हं नत्थि॥९॥ संगहस्स आणुपुव्वीदव्वाइं किं अत्थि णत्थि?, नियमा अत्थि, एवं दोत्रिवि, संगहस्स आणुपुव्वीदव्वाइं किं संखिज्जाइं असंखेज्जाइं अणंताइं?, नो संखेज्जाइं नो असंखेज्जाइं नो अणंताइं, नियमा एगो रासी, एवं दोत्रिवि, संगहस्स आणुपुव्वीदव्वाइं लोगस्स कइभागे होज्जा किं संखेज्जइभागे होज्जा असंखेज्जइभागे होज्जा संखेजेसु भागेसु होज्जा असंखेजेसु भागेसु होज्जा सव्वलोए होज्जा?, नो संखेज्जइभागे नो असंखेज्जइभागे नो संखेजेसु भागेसु नो असंखेजेसु भागेसु, नियमा सव्वलोए होज्जा, एवं दोत्रिवि, संगहस्स आणुपुव्वीदव्वाइं लोगस्स किं संखेज्जइभागं फुसंति असंखेज्जइभागं फुसंति संखिज्जे० असंखिज्जे० सव्वलोगं फुसंति?, नो संखेज्जइभागं फुसंति जाव नियमा सव्वलोगं फुसंति, एवं दोत्रिवि, संगहस्स आणुपुव्वीदव्वाइं कालओ केवच्चिरं होति?, सव्वद्धा,

एवं दोण्णिवि, संगहस्स आणुपुव्वीदव्वाणं कालतो केवच्चिरं अंतरं होति?, नत्थि अंतरं, एवं दोण्णिवि, संगहस्स आणुपुव्वीदव्वाणं सेसदव्वाणं कइभागे होज्जा किं संखेज्जइभागे असंखेज्जइभागे संखेजेसु भागेसु असंखेजेसु भागेसु होज्जा?, नो संखेज्जइभागे नो असंखेज्जइभागे नो संखेजेसु भागेसु नो असंखेजेसु भागेसु, नियमा तिभागे, एवं दोत्रिवि, संगहस्स आणुपुव्वीदव्वाणं कयरंमि भावे होज्जा?, नियमा साइपारिणामिए भावे होज्जा, एवं दोत्रिवि, अप्पाबहुं नत्थि। से तं अणुगमे, से तं संगहस्स अणोवणिहिया दव्वाणुपुव्वी, से तं अणोवणिहिया दव्वाणुपुव्वी।१५। से किं तं उवणिहिया दव्वाणुपुव्वी? २ तिविहा पं० तं०-पुव्वाणुपुव्वी पच्छाणुपुव्वी अण्णणुपुव्वी य।१६। से किं तं पुव्वाणुपुव्वी?, २ धम्मत्थिकाए अधम्म० आगास० जीव० पोग्गलत्थिकाए अब्बासमए, से तं पुव्वाणुपुव्वी, से किं तं पच्छाणुपुव्वी?, २ अब्बासमए पोग्गलत्थिकाए जीव० आगास० अहम्म० धम्मत्थिकाए, से तं पच्छाणुपुव्वी, से किं तं अण्णणुपुव्वी, २ एयाए चेव एगाइआए एगुत्तरिआए छगच्छगयाए सेढीए अण्णमण्णव्भासो दुरूवूणो, से तं अण्णणुपुव्वी।१७। अहवा उवणिहिआ दव्वाणुपुव्वी तिविहा पं० तं०-पुव्वाणुपुव्वी पच्छाणुपुव्वी अण्णणुपुव्वी, से किं तं पुव्वाणुपुव्वी?, २ परमाणुपोग्गले दुपएसिए तिपएसिए जाव दसपएसिए संखिज्जपएसिए असंखिज्जपएसिए अणंतपएसिए, से तं पुव्वाणुपुव्वी, से किं तं पच्छाणुपुव्वी?, २ अणंतपएसिए असंखिज्जपएसिए संखिज्जपएसिए जाव दसपएसिए जाव तिपएसिए दुपएसिए परमाणुपोग्गले, से तं पच्छाणुपुव्वी, से किं तं अण्णणुपुव्वी?, २ एआए चेव एगाइआए एगुत्तरिआए अणंतगच्छगयाए

सेढीए अन्नमण्णब्भासो दुरूवूणो, से तं अणाणुपुब्बी, से तं उवणिहिआ दव्वाणुपुब्बी, से तं जाणग० वइरित्ता दव्वाणुपुब्बी, से तं नोआगमओ दव्वाणुपुब्बी, से तं दव्वाणुपुब्बी।९८। से किं तं खेत्ताणुपुब्बी?, २ दुविहा पं तं०-उवणिहिया य अणोवणिहिया य।९९। तत्थ णं जा सा उवणिहिया सा ठप्पा, तत्थ णं जा सा अणोवणिहिया सा दुविहा पं० तं०-णेगमववहाराणं संगहस्स य।१००। से किं तं णेगमववहाराणं अणोवणिहिया खेत्ताणुपुब्बी?, २ पंचविहा पं० तं०-अट्ठपयपरूवणया भंगसमुक्कित्तणया भंगोवदंसणया समोयारे अणुगमे, से किं तं णेगमववहाराणं अट्ठपयपरूवणया?, २ तिपएसोगाढे आणुपुब्बी जाव दसपएसोगाढे आणुपुब्बी जाव संखिज्जपएसोगाढे आणुपुब्बी असंखिज्जपएसोगाढे आणुपुब्बी, एगपएसोगाढे अणाणुपुब्बी, दुपएसोगाढे अवत्तव्वए, तिपएसोगाढा आणुपुब्बीओ जाव दसपएसोगाढा आणुपुब्बीओ जाव असंखिज्जपएसोगाढा आणुपुब्बीओ एगपएसोगाढा अणाणुपुब्बीओ, दुपएसोगाढा अवत्तव्वगाइं, से तं णेगमववहाराणं अट्ठपयपरूवणया, एयाए णं अट्ठपयपरूवणयाए किं पओयणं?, एयाए णेगमववहाराणं अट्ठपयपरूवणयाए णेगमववहाराणं भंगसमुक्कित्तणया कज्जइ, से किं तं णेगमववहाराणं भंगसमुक्कित्तणया?, २ अत्थि आणुपुब्बी अत्थि अणाणुपुब्बी अत्थि अवत्तव्वए, एवं दव्वाणुपुब्बिगमेणं खेत्ताणुपुब्बीएऽवि ते चेव छव्वीसं भंगा भाणियव्वा, जाव से तं णेगमववहाराणं भंगसमुक्कित्तणया, एयाए णं णेगमववहाराणं भंगसमुक्कित्तणयाए किं पओयणं?, एयाए णं णेगमववहाराणं भंगसमुक्कित्तणयाए णेगमववहाराणं भंगोवदंसणया कज्जइ, से किं तं णेगमववहाराणं

भंगोवदंसणया?, २ तिपएसोगाढे आणुपुव्वी एगपएसोगाढे अणाणुपुव्वी दुपएसोगाढे अवत्तव्वए तिपएसोगाढा आणुपुव्वीओ एगपएसोगाढा अणाणुपुव्वीओ दुपएसोगाढा अवत्तव्वगाइं अहवा तिपएसोगाढे य एगपएसोगाढे य आणुपुव्वी य अणाणुपुव्वी य एवं तहा चेव दव्वाणुपुव्वीगमेणं छव्वीसं भंगा भाणिअव्वा जाव से तं णेगमववहाराणं भंगोवदंसणया। से किं तं समोयारे?, २ णेगमववहाराणं आणुपुव्वीदव्वाइं कहिं समोयरंति किं आणुपुव्वीदव्वेहिं समोअरंति अणाणुपुव्वीदव्वेहिं समोअरंति अवत्तव्वगदव्वेहिं समयरंति?, आणुपुव्वीदव्वाइं आणुपुव्वीदव्वेहिं समोयरंति नो अणाणुपुव्वीदव्वेहिं नो अवत्तव्वयदव्वेहिं, एवं तिण्णिवि सट्ठाणे समोयरंतित्ति भाणिअव्वं, से तं समोयारे। से किं तं अणुगमे?, २ नवविहे पं० तं०-संतपयपरूवणया जाव अप्पाबहुं चेव॥१०॥ णेगमववहाराणं आणुपुव्वीदव्वाइं किं अत्थि णत्थि?, णियमा अत्थि, एवं दुण्णिवि, णेगमववहाराणं आणुपुव्वीदव्वाइं किं संखिज्जाइं असंखिज्जाइं अणंताइं?, नो संखिज्जाइं नो असंखिज्जाइं अणंताइं, एवं दुण्णिवि, णेगमववहाराणं आणुपुव्वीदव्वाइं लोगस्स किं संखिज्जइभागे होज्जा असंखिज्जइभागे होज्जा जाव सव्वलोए होज्जा?, एगं दव्वं पडुच्च लोगस्स संखिज्जइभागे वा होज्जा असंखिज्जइभागे वा होज्जा संखेज्जेसु० असंखेज्जेसु भागेसु वा होज्जा देसूणे वा लोए होज्जा, नाणादव्वाइं पडुच्च नियमा सव्वलोए होज्जा, णेगमववहाराणं अणाणुपुव्वीदव्वाणं पुच्छाए एगं दव्वं पडुच्च नो संखिज्जइभागे होज्जा असंखिज्जइभागे होज्जा नो संखेज्जेसु नो असंखेज्जेसु नो सव्वलोए होज्जा, नाणादव्वाइं पडुच्च नियमा सव्वलोए होज्जा, एवं

अवत्तव्वगदव्वाणिवि भाणिअव्वाणि। णेगमववहाराणं आणुपुव्वीदव्वाइं लोगस्स किं संखेज्जइभागं फुसंति असंखिज्जइभागं फुसंति संखेज्जे भागे फुसंति जाव सव्वलोयं फुसंति?, एगं दव्वं पडुच्च संखिज्जइभागं वा फुसइ संखिज्जे भागे वा असंखेज्जे भागे वा देसूणं वा लोगं फुसइ, णाणादव्वाइं पडुच्च णियमा सव्वलोयं फुसंति, अणाणुपुव्वीदव्वाइं अवत्तव्वगदव्वाइं च जहा खेत्तं नवरं फुसणा भाणियव्वा। णेगमववहाराणं आणुपुव्वीदव्वाइं कालओ केवच्चिरं होइ?, एवं तिण्णिवि एगं दव्वं पडुच्च जहन्नेणं एगं समयं उक्कोसेणं असंखिज्जं कालं, नाणादव्वाइं पडुच्च णियमा सव्वद्धा, णेगमववहाराणं आणुपुव्वीदव्वाणमंतरं कालओ केवच्चिरं होइ?, तिण्हंपि एगं दव्वं पडुच्च जहण्णेणं एक्कं समयं उक्कोसेणं असंखेज्जं कालं, नाणादव्वाइं पडुच्च णत्थि अंतरं, णेगमववहाराणं आणुपुव्वीदव्वाइं सेसदव्वाणं कइभागे होज्जा?, तिण्णिवि जहा दव्वाणुपुव्वीए, णेगमववहाराणं आणुपुव्वीदव्वाइं कयरंमि भावे होज्जा?, णियमा साइपारिणामिए भावे होज्जा, एवं दोण्णिवि, एएसिं णं भंते! णेगमववहाराणं आणुपुव्वीदव्वाणं अणाणुपुव्वीदव्वाणं अवत्तव्वगदव्वाण य दव्वट्ठयाए पएसट्ठयाए दव्वट्ठपएसट्ठयाए कथरे कथरेहिंतो अप्पा वा बहुआ वा तुल्ला वा विसेसाहिया वा?, गोयमा! सव्वत्थोवाइं णेगमववहाराणं अवत्तव्वगदव्वाइं दव्वट्ठयाए अणाणुपुव्वीदव्वाइं दव्वट्ठयाए विसेसाहियाइं आणुपुव्वीदव्वाइं दव्वट्ठयाए असंखेज्जगुणाइं, पएसट्ठयाए सव्वत्थोवाइं णेगमववहाराणं अणाणुपुव्वीदव्वाइं अपएसट्ठयाए अवत्तव्वगदव्वाइं पएसट्ठयाए विसेसाहियाइं आणुपुव्वीदव्वाइं पएसट्ठयाए असंखेज्जगुणाइं, दव्वट्ठपएसट्ठयाए

सव्वत्थोवाइं णेगमववहाराणं अवत्तव्वगदव्वाइं दव्वट्ठयाए अणाणुपुव्वीदव्वाइं दव्वट्ठयाए अपएसट्ठयाए विसेसाहियाइं अवत्तव्वगदव्वाइं पएसट्ठयाए विसेसाहियाइं आणुपुव्वीदव्वाइं दव्वट्ठयाए असंखेज्जगुणाइं ताइं चेव पएसट्ठयाए असंखेज्जगुणाइं, से तं अणुगमे। से तं णेगमववहाराणं अणोवणिहिया खेत्ताणुपुव्वी।१०१। से किं तं संगहस्स अणोवणिहिया खेत्ताणुपुव्वी?, २ पंचविहा पं० तं० अट्ठपयपरूवणया भंगसमुक्कित्तणया भंगोवदंसणया समोयारे अणुगमे, से किं तं संगहस्स अट्ठपयपरूवणया?, तिपएसोगाढे आणुपुव्वी चउप्पएसोगाढे आणुपुव्वी जाव दसपएसोगाढे आणुपुव्वी संखिज्जपएसोगाढे आणुपुव्वी असंखिज्जपएसोगाढे आणुपुव्वी एगपएसोगाढे अणाणुपुव्वी दुपएसोगाढे अवत्तव्वए, से तं संगहस्स अट्ठपयपरूवणया, एयाए णं संगहस्स अट्ठपयपरूवणयाए किं पओयणं?, संगहस्स अट्ठपयपरूवणयाए संगहस्स भंगसमुक्कित्तणया कीरइ, से किं तं संगहस्स भंगसमुक्कित्तणया?, २ अत्थि आणुपुव्वी अत्थि अणाणु० अत्थि अवत्तवए, अहवा अत्थि आणु० य अणाणु० य एवं जहा दव्वाणुपुव्वीए संगहस्स तहा भाणियव्वं जाव से तं संगहस्स भंगसमुक्कित्तणया। एयाए णं संगहस्स भंगसमुक्कित्तणयाए किं पओयणं?, एयाए णं संगहस्स भंगसमुक्कित्तणयाए संगहस्स भंगोवदंसणया कज्जइ, से किं तं संगहस्स भंगोवदंसणया?, २ तिपएसोगाढे आणुपुव्वी एगपएसोगाढे अणाणुपुव्वी दुपएसोगाढे अवत्तव्वए अहवा तिपएसोगाढे य एगपएसोगाढे य आणुपुव्वी य अणाणुपुव्वी य एवं जहा दव्वाणुपुव्वीए संगहस्स तहा खेत्ताणुपुव्वीएवि भाणियव्वं जाव से तं संगहस्स भंगोवदंसणया।

से किं तं समोयारे?, २ संगहस्स आणुपुव्वीदव्वाइं कहिं समोयरंति?, किं आणुपुव्वीदव्वेहिं समोयरंति अणाणुपुव्वीदव्वेहिं अवत्तव्वगदव्वेहिं?, तिण्णिवि सट्ठाणे समोयरंति, से तं समोयारे। से किं तं अणुगमे?, २ अट्ठविहे पं० तं०-संतपयपरुवणया जाव अप्पाबहुं नत्थि॥११॥ संगहस्स आणुपुव्वीदव्वाइं किं अत्थि णत्थि?, नियमा अत्थि, एवं तिण्णिवि, सेसगदाराइं जहा दव्वाणुपुव्वीए संगहस्स तहा खेत्ताणुपुव्वीएवि भाणियव्वाइं जाव से तं अणुगमे, से तं संगहस्स अणोवणिहिया खेत्ताणुपुव्वी, से तं अणोवणिहिया खेत्ताणुपुव्वी॥१०२॥ से किं तं उवणिहिआ खेत्ताणुपुव्वी?, २ तिविहा पं० तं०-पुव्वाणुपुव्वी पच्छाणुपुव्वी अणाणुपुव्वी, से किं तं पुव्वाणुपुव्वी?, २ अहोलोए तिरिअलोए उड्ढलोए, से तं पुव्वाणुपुव्वी, से किं तं पच्छाणुपुव्वी?, २ उड्ढलोए तिरिअलोए अहोलोए, से तं पच्छाणुपुव्वी, से किं तं अणाणुपुव्वी?, २ एआए चेव एगाइआए एगुत्तरिआए तिगच्छगयाए सेढीए अन्नमन्नब्भासो दुरुवूणो, से तं अणाणुपुव्वी, अहोलोअखेत्ताणुपुव्वी तिविहा पं० तं०-पुव्वाणुपुव्वी पच्छाणुपुव्वी अणाणुपुव्वी, से किं तं पुव्वाणुपुव्वी? २ रयणप्पभा सक्करप्पभा वालुअप्पभा पंकप्पभा धूमप्पभा तमप्पभा तमतमप्पभा, से तं पुव्वाणुपुव्वी, से किं तं पच्छाणुपुव्वी? २ तमतमप्पभा जाव रयणप्पभा, से तं पच्छाणुपुव्वी, से किं तं अणाणुपुव्वी?, २ एआए चेव एगाइआए एगुत्तरियाए सत्तगच्छगयाए सेढीए अन्नमन्नब्भासो दुरुवूणो, से तं अणाणुपुव्वी, तिरिअलोअखेत्ताणुपुव्वी तिविहा पं० तं० पुव्वाणुपुव्वी पच्छाणुपुव्वी अणाणुपुव्वी, से किं तं पुव्वाणुपुव्वी?, २ जंबुद्दीवे लवणे घायइ कालोय पुक्खरे वरुणे।

खीर घय खोय नंदी अरुणवरे कुंडले रुयगे ॥१२॥ आभरणवत्थगंधे उप्पलतिलए य पुढविनिहिरयणे। वासहरदहनईओ विजया वक्खार कप्पिंदा ॥३॥ कुरुमंदरआवासा कूडा नक्खत्तचंदसूरा य। देवे नागे जक्खे भूए य सयंभूरमणे य ॥१४॥ से तं पुव्वाणुपुव्वी, से किं तं पच्छाणुपुव्वी?, सयंभूरमणे य जाव जंबुद्दीवे, से तं पच्छाणुपुव्वी, से किं तं अणाणुपुव्वी?, २ एयाए चेव एगाइयाए एगुत्तरियाए असंखेज्जगच्छगयाए सेढीए अण्णमण्णब्भासो दुरुवूणो, से तं अणाणुपुव्वी, उड्ढलोअखेत्ताणुपुव्वी तिविहा पं० तं०- पुव्वाणुपुव्वी पच्छाणुपुव्वी अणाणुपुव्वी, से किं तं पुव्वाणुपुव्वी?, २ सोहम्मे ईसाणे सणंकुमारे माहिंदे बंभलोए लंतए महासुक्के सहस्सारे आणए पाणए आरणे अच्चुए गेवेज्जविमाणा अणुत्तरविमाणा ईसिपब्भारा, से तं पुव्वाणुपुव्वी, से किं तं पच्छाणुपुव्वी?, २ ईसिपब्भारा जाव सोहम्मे, से तं पच्छाणुपुव्वी, से किं तं अणाणुपुव्वी?, २ एआए चेव एगाइयाए एगुत्तरियाए पन्नरसगच्छगयाए सेढीए अन्नमन्नब्भासो दुरुवूणो, से तं अणाणुपुव्वी, अहवा उवणिहिया खेत्ताणुपुव्वी तिविहा पं० तं०- पुव्वाणुपुव्वी पच्छाणुपुव्वी अणाणुपुव्वी, से किं तं पुव्वाणुपुव्वी?, २ एगपएसोगाढे दुपएसोगाढे० दसपएसोगाढे संखिज्जपएसोगाढे जाव असंखिज्जपएसोगाढे, से तं पुव्वाणुपुव्वी, से किं तं पच्छाणुपुव्वी?, २ असंखिज्जपएसोगाढे संखिज्जपएसोगाढे जाव एगपएसोगाढे, से तं पच्छाणुपुव्वी, से किं तं अणाणुपुव्वी?, २ एआए चेव एगाइयाए एगुत्तरियाए असंखिज्जगच्छगयाए सेढीए अन्नमन्नब्भासो दुरुवूणो, से तं अणाणुपुव्वी, से तं उवणिहिया खेत्ताणुपुव्वी, से तं खेत्ताणुपुव्वी ॥१०३॥ से किं तं कालाणु०?

॥ श्री अनुयोगद्वारसूत्रं ॥

२५

पू. सागरजी म. संशोधित

२ दुविहा पं० तं० उवणिहिया य अणोवणिहिया य ॥१०॥ तत्थ णं जा सा उवणिहिया सा ठप्पा, तत्थ णं जा सा अणोवणिहिया सा दुविहा पं० तं०-णेगमववहाराणं संगहस्स य ॥१०५॥ से किं तं णेगमववहाराणं अणोवहिया कालाणु०?, २ पंचविहा पं० तं०-अट्ठपयपरूवणया भंगसमुक्कित्तणया भंगोवदंसणया समोआरे अणुगमे ॥१०६॥ से किं तं णेगमववहाराणं अट्ठपयपरूवणया?, २ तिसमयट्ठिइए आणु० जाव दससमयट्ठिइए आणु० संखिज्जसमयट्ठिइए आणु० असंखिज्जसमयट्ठिइए आणु० एगसमयट्ठिइए अणाणु० दुसमयट्ठिइए अवत्तव्वए, तिसमयठिइयाओ आणुपुव्वीओ एगसमयट्ठिइयाओ अणाणुपुव्वीओ दुसमयट्ठिइओ अवत्तव्वगाइं, से तं णेगमववहाराणं अट्ठपयपरूवणया, एयाए णं णेगमववहाराणं अट्ठपयपरूवणयाए किं पओयणं? एयाए णं णेगमववहाराणं अट्ठपयपरूवणयाए णेगमववहाराणं भंगसमुक्कित्तणया कज्जइ ॥१०७॥ से किं तं णेगमववहाराणं भंगसमुक्कित्तणया? २ अत्थि आणु० अत्थि अणाणु० अत्थि अवत्तव्वए, एवं दव्वाणुपुव्वीगमेणं कालाणुपुव्वीएवि ते चेव छव्वीसं भंगा भाणिअव्वा जाव से तं णेगमववहाराणं भंगसमुक्कित्तणया, एयाए णं एगमववहाराणं भंगसमुक्कित्तणयाए किं पओयणं?, एयाए णं णेगमववहाराणं भंगसमुक्कित्तणयाए णेगमववहाराणं भंगोवदंसणया कज्जई ॥१०८॥ से किं तं णेगमववहाराणं भंगोवदंसणया? २ तिसमयट्ठिइए आणु० एगसमयट्ठिइए अणाणु० दुसमयट्ठिइए अवत्तव्वए, तिसमयट्ठिइआ आणुपुव्वीओ एगसमयट्ठिइआ अणाणुपुव्वीओ दुसमयट्ठिइआ अवत्तव्वगाइं, अहवा तिसमयट्ठिइए य एगसमयट्ठिइए य आणु० अणाणु० य एवं तहा चेव

दव्वाणुपुव्वीगमेणं छव्वीसं भंगा भाणिअव्वा जाव से तं णेगमववहाराणं भंगोवदंसणया ११०९१ से किं तं समोयारे? २ णेगमववहाराणं आणु० दव्वाइं कहिं समोयरंति? किं आणु० दव्वेहिं समोयरंति अणाणुपुव्वीदव्वेहिं अवत्तव्वग०?, एवं तिण्णिवि सट्ठाणे समोयरंति इति भाणिअव्वं, से तं समोयारे १११०१ से किं तं अणुगमे?, २ णवविहे पं० तं०-संतपयपरुवणया जाव अप्पाबहुं चेव ॥१५॥ णेगमववहाराणं आणुपुव्वीदव्वाइं किं अत्थि णत्थि?, नियमा तिण्णिवि अत्थि, णेगमववहाराणं आणु० दव्वाइं किं संखेज्जाइं असंखेज्जाइं अणंताइं?, तिण्णिवि नो संखिज्जाइं असंखेज्जाइं नो अणंताइं, णेगमववहाराणं आणु० दव्वाइं लोगस्स किं संखिज्जइभागे होज्जा असंखिज्जइभागे होज्जा संखेज्जेसु भागेसु वा होज्जा असंखेज्जेसु भागेसु वा होज्जा सव्वलोए वा होज्जा?, एगं दव्वं पडुच्च संखेज्जइभागे वा होज्जा असंखेज्जइभागे वा होज्जा संखेज्जेसु वा भागेसु होज्जा असंखेज्जेसु वा भागेसु होज्जा देसूणे वा लोए होज्जा, नाणादव्वाइं पडुच्च नियमा सव्वलोए होज्जा, एवं अणाणुपुव्वीदव्वं, आएसंतरेण वा सव्वपुच्छासु होज्जा, एवं अवत्तव्वगदव्वाणिवि जहा खेत्ताणुपुव्वीए फुसणा कालाणुपुव्वीएवि तहा चेव भाणिअव्वा। णेगमववहाराणं आणुपुव्वीदव्वाइं कालओ केवच्चिरं होति?, एगं दव्वं पडुच्च जहणणेणं तिण्णि समया उक्कोसेणं असंखेज्जं कालं, नाणादव्वाइं पडुच्च सव्वद्धा, णेगमववहाराणं अणाणुपुव्वीदव्वाइं कालओ केवच्चिरं होई?, एगं दव्वं पडुच्च अजहन्नमणुक्कोसेणं एक्कं समयं, नाणादव्वाइं पडुच्च सव्वद्धा, अवत्तव्वगदव्वाणं पुच्छा, एगं दव्वं पडुच्च अजहणमणुक्कोसेणं

दो समया, नाणादव्वाइं पडुच्च सव्वन्दा, णेगमववहाराणं आणुपुव्वीदव्वाणमंतरं कालओ केवच्चिरं होइ?, एगं दव्वं पडुच्च जहण्णेणं एगं समयं उक्कोसेणं दो समया, नाणादव्वाइं पडुच्च नत्थि अंतरं, णेगमववहाराणं अणाणुपुव्वीदव्वाणमंतरं कालओ केवच्चिरं होइ? एगं दव्वं पडुच्च जहण्णेणं दो समया उक्कोसेणं असंखेज्जं कालं, नाणादव्वाइं पडुच्च नत्थि अंतरं, णेगमववहाराणं अवत्तव्वगदव्वाणं पुच्छा, एगं दव्वं पडुच्च जहण्णेणं एगं समयं उक्कोसेणं असंखेज्जं कालं, नाणादव्वाइं पडुच्च नत्थि अंतरं, भाग भाव अप्पाब्बुं चेव जहा खेत्ताणुपुव्वीए तहा भाणियव्वाइं, जाव से तं अणुगमे, से तं णेगमववहाराणं अणोवणिहिया कालाणुपुव्वी १११। से किं तं संगहस्स अणोवणिहिया कालाणुपुव्वी? २ पंचविहा पं० तं०-अट्ठपयपरूवणया भंगसमुक्कित्तणया भंगोवदंसणया समोयारे अणुगमे ११२। से किं तं संगहस्स अट्ठपयपरूवणया?, २ एयाइं पंचवि दाराइं जहा खेत्ताणुपुव्वीए संगहस्स तहा कालाणुपुव्वीएवि भाणियव्वाणि, णवरं तिइअभिलावो जाव से तं अणुगमे, से तं संगहस्स अणोवणिहिया कालाणुपुव्वी ११३। से किं तं उवणिहिया कालाणुपुव्वी? २ तिविहा पं० तं०-पुव्वाणु० पच्छाणु० अणाणु०, से किं तं पुव्वाणु०?, २ एगसमयतिइए दुसमयतिइए तिसमयतिइए जाव दससमयतिइए संखिज्जसमयतिइए असंखिज्जसमयतिइए, से तं पुव्वाणुपुव्वी, से किं तं पच्छाणुपुव्वी?, २ असंखिज्जसमयद्विइए जाव एगसमयद्विइए, से तं पच्छाणुपुव्वी, से किं तं अणाणुपुव्वी? २ एयाए चेव एगाइयाए एगुत्तरियाए असंखिज्जगच्छायाए सेढीए अन्नमन्नम्भासो दुरूवूणो, से तं अणाणुपुव्वी, अहवा उवणिहिया

કાલાણુપુવ્વી તિવિહા પં૦ તં૦- પુવ્વાણુપુવ્વી પચ્છાણુપુવ્વી અણાણુપુવ્વી, સે કિં તં પુવ્વાણુપુવ્વી?, ૨ સમણ આવલિયા આણપાણુ થોવે લવે મુહત્તે અહોરત્તે પવ્થે માસે ૩૩ અયણે સંવચ્છરે જુગે વાસસણ વાસસહસ્સે વાસસયસહસ્સે પુવ્વંગે પુવ્વે તુડિઅંગે તુડિણ અડડંગે અડડે અવવંગે અવવે હુહુઅંગે હુહુણ ૩પ્પલંગે ૩પ્પલે પડમંગે પડમે ણલિણંગે ણલિણે અચ્છિનિઝરંગે અચ્છિનિઝરે અડઅંગે અડણ નડઅંગે નડણ પડઅંગે પડણ ચૂલિઅંગે ચૂલિયા સીસપહેલિઅંગે સીસપહેલિયા પલિઓવમે સાગરોવમે ઓસપ્પિણી ઉસસપ્પિણી પોગ્ગલપરિયટ્ટે અતીતદ્ધા અણાગતદ્ધા સવ્વદ્ધા, સે તં પુવ્વાણુપુવ્વી, સે કિં તં પચ્છાણુ૦?, ૨ સવ્વદ્ધા અણાગતદ્ધા જાવ સમણ, સે તં પચ્છાણુ૦, ૨ સે કિં તં અણાણુ૦?, ૨ ણ્યાણ ચેવ ણગાઙ્યાણ ણગુત્તરિયાણ અણાંતગચ્છગ્યાણ સેઢીણ અણ્ણમણ્ણભ્માસો દુરુવૂણો, સે તં અણાણુપુવ્વી, સે તં ઉવણિહિયા કાલાણુપુવ્વી, સે તં કાલાણુપુવ્વી ૧૧૪૧ સે કિં ઉક્કિત્તણાણુપુવ્વી?, ૨ તિવિહા પં૦ તં૦-પુવ્વાણુપુવ્વી પચ્છાણુપુવ્વી અણાણુપુવ્વી, સે કિં તં પુવ્વાણુપુવ્વી? ૨ ઉસથે અજિણ સંથવે અથિણાંદણે સુમતી પડમપ્પહે સુપાસે ચંદપ્પહે સુવિહી સીતલે સેજ્જંસે વાસુપૂજે વિમલે અણાંતે ધમ્મે સંતી કુંથૂ અરે મહ્લી મુણિસુવ્વણ ણમી અરિદ્ધણેમી પાસે વદ્ધમાણે, સે તં પુવ્વાણુપુવ્વી, સે કિં તં પચ્છાણુપુવ્વી?, ૨ વદ્ધમાણે જાવ ઉસથે, સે તં પચ્છાણુપુવ્વી, સે કિં તં અણાણુપુવ્વી? ૨ ણ્યાણ ચેવ ણગાઙ્યાણ ણગુત્તરિયાણ ચડવીસગચ્છગ્યાણ સેઢીણ અણ્ણમણ્ણભ્માસો દુરુવૂણો, સે તં અણાણુપુવ્વી, સે તં ઉક્કિત્તણાણુપુવ્વી ૧૧૫૧ સે કિં તં ગણાણુપુવ્વી? ૨ તિવિહા પં૦ તં૦-પુવ્વાણુપુવ્વી પચ્છાણુપુવ્વી અણાણુપુવ્વી, સે કિં તં પુવ્વાણુપુવ્વી?, ૨

॥ શ્રી અનુયોગદ્વારસૂત્રં ॥

૨૯

પૂ. સાગરજી મ. સંશોધિત

एगो दस सयं सहस्सं दस सहस्साइं सयसहस्सं दस सयसहस्साइं कोडी दस कोडीओ कोडीसयं दस कोडिसयाइं, से तं पुव्वाणुपुव्वी, से किं तं पच्छाणुपुव्वी? २ दसकोडिसयाइं जाव एक्को, से तं पच्छाणुपुव्वी, से किं तं अणाणुपुव्वी?, २ एयाए चेव एगाइआए एगुत्तरियाए दसकोडिसयगच्छगयाए सेढीए अन्नमन्नब्भासो दुरूवूणो, से तं अणाणुपुव्वी, से तं गणणाणुपुव्वी ॥११६॥ से किं तं संठाणाणुपुव्वी?, २ तिविहा पं० तं०-पुव्वाणुपुव्वी पच्छाणुपुव्वी अणाणुपुव्वी, से किं तं पुव्वाणुपुव्वी?, २ समचउरंसे निग्गोहमंडले सादी खुजे वामणे हुंडे, से तं पुव्वाणुपुव्वी, से किं तं पच्छाणुपुव्वी?, २ हुंडे जाव समचउरंसे, से तं पच्छाणुपुव्वी, से किं तं अणाणुपुव्वी?, २ एयाए चेव एगाइयाए एगुत्तरियाए छगच्छगयाए सेढीए अन्नमन्नब्भासो दुरूवूणो, से तं अणाणुपुव्वी, से तं संठाणाणुपुव्वी, ॥११७॥ से किं तं सामायारीआणुपुव्वी?, २ तिविहा पं० तं०-पुव्वाणुपुव्वी पच्छाणुपुव्वी अणाणुपुव्वी, से किं तं पुव्वाणुपुव्वी?, २ इच्छा मिच्छा तहक्कारो, आवस्सिया य निसीहिया। आपुच्छणा य पडिपुच्छा, छंदणा य निमंतणा ॥११८॥ उवसंपया य काले सामायारी भवे दसविहा ३, से तं पुव्वाणुपुव्वी, से किं तं पच्छाणुपुव्वी?, २ उवसंपया जाव इच्छागारो, से तं पच्छाणुपुव्वी, से किं तं अणाणुपुव्वी?, २ एयाए चेव एगाइयाए एगुत्तरियाए दसगच्छगयाए सेढीए अन्नमन्नब्भासो दुरूवूणो, से तं अणाणुपुव्वी, से तं सामायारीआणुपुव्वी ॥११९॥ से किं तं भावाणुपुव्वी? २ तिविहा पं० तं०-पुव्वाणुपुव्वी पच्छाणुपुव्वी अणाणुपुव्वी, से किं तं पुव्वाणुपुव्वी?, २ उदइए उवसमिए खाइए खओवसमिए पारिणाभिए संनिवाइए से तं पुव्वाणुपुव्वी,

॥ श्री अनुयोगद्वारसूत्र ॥

३०

पू. सागरजी म. संशोधित

से किं तं पच्छाणुपुव्वी?, २ सन्निवाइए जाव उदइए, से तं पच्छाणुपुव्वी, से किं तं अणाणुपुव्वी?, २ एयाए चेव एगाइयाए एगुत्तरियाए छगच्छगयाए सेढीए अन्नमन्नब्भासो दुरूवूणो, से तं अणाणुपुव्वी से तं भावाणुपुव्वी, से तं आणुपुव्वी।११९। से किं तं णामे?, णामे दसविहे पं० तं०-एगणामे दुणामे तिणामे चउणामे पंचणामे छणामे सत्तणामे अट्ठणामे णवणामे दंसणामे।१२०। से किं तं एगणामे?, २ णामाणि जाणि काणिवि दव्वाण गुणाण पज्जवाणं च। तेसिं आगमनिहसे नामंति परूविया सण्णा।११७। से तं एगणामे।१२१। से किं तं दुनामे?, २ दुविहे पं० तं०, एगक्खरिए य अणेगक्खरिए य, से किं तं एगक्खरिए?, २ अणेगविहे पं० तं०-ह्रीः श्रीः धीः स्त्री, से तं एगक्खरिए, से किं तं अणेगक्खरिए?, २ कन्ना वीणा लता माला, से तं अणेगक्खरिए, अहवा दुणामे दुविहे पं० तं०-जीवनामे य अजीवनामे य से किं तं जीवणामे?, २ अणेगविहे पं० तं०-देवदत्तो जण्णदत्तो विण्हदत्तो सोमदत्तो, से तं जीवनामे, से किं तं अजीवनामे?, २ अणेगविहे पं० तं० घडो पडो कडो रहो, से तं अजीवनामे, अहवा दुनामे दुविहे पं० तं०-विसेसिए य अविसेसिए य, अविसेसिए दव्वे विसेसिए जीवदव्वे य अजीवदव्वे य, अविसेसिए जीवदव्वे विसेसिए णेरइए तिरिक्खजोणिए मणुस्से देवे, अविसेसिए णेरइए विसेसिए रयणप्पहाए सक्करप्प० वालुअ० पंक० धूम० तमाए तमतमाए, अविसेसिए रयणप्पहापुढवीणेरइए विसेसिए पज्जत्तए य अपज्जत्तए य, एवं जाव अविसेसिए तमतमापुढवीणेरइए विसेसिए पज्जत्तए य अपज्जत्तए य, अविसेसिए तिरिक्खजोणिए विसेसिए एगिंदिए बेइंदिए तेइंदिए चउरिंदिए पंचिंदिए, अविसेसिए एगिंदिए विसेसिए

॥ श्री अनुयोगद्वारसूत्रं ॥

३१

पू. सागरजी म. संशोधित

पुढवी० आउ० तेउ० वाउ० वणस्सइकाइए अविसेसिए पुढवी० विसेसिए सुहुमपुढवी० य बादरपुढवी० य, अविसेसिए सुहुमपुढवीकाइए विसेसिए पज्जत्तयसुहुमपुढवी० य अपज्जत्तयसुहुमपुढवीकाइए य, अविसेसिए बादरपुढवीकाइए विसेसिए पज्जत्तयबादरपुढवी० य अपज्जत्तयबादरपुढवी० य, एवं आउकाइए तेउकाइए वाउकाइए वणस्सइकाइए अविसेसिए अविसेसिए अपज्जत्तय अपज्जत्तय भेदेहिं भाणियव्वा, अविसेसिए बेइंदिए विसेसिए पज्जत्तय बेइंदिए य अपज्जत्तय बेइंदिए य, एवं तेइंदिय चउरिंदियावि भाणियव्वा, अविसेसिए पंचिंदियतिरिक्खजोणिए विसेसिए जलयरपंचिंदिय० थलयरपंचिंदि० खहयरपंचिंदि० य, अविसेसिए जलयरपंचिंदि० विसेसिए संमुच्छिमजलयर० य गब्भवक्कंतिय० य, अविसेसिए संमुच्छिमजलयर० विसेसिए पज्जत्तयसंमुच्छिमजलयर० य अपज्जत्तयसंमुच्छिमजलयर० य, अविसेसिए गब्भवक्कंतियजलयर० विसेसिए पज्जत्तयगब्भवक्कंतियजलयर० य अपज्जत्तयगब्भवक्कंतिय० य, अविसेसिए थलयरपंचिं० विसेसिए चउप्पयथलयरपंचिं० य परिसप्पथलयर० य, अविसेसिए चउप्पयथलयरपं० विसेसिए संमुच्छिमचउप्पय० य गब्भवक्कंतिअचउप्पय० य, अविसेसिए संमुच्छिमचउप्पयथलयर० विसेसिए पज्जत्तयसंमुच्छिमचउप्पयथ० य अपज्जत्तयसंमुच्छिमच० य, अविसेसिए गब्भवक्कंतिअचउप्पय० विसेसिए पज्जत्तयगब्भवक्कंतिअचउप्पय० य अपज्जत्तयगब्भवक्कंतिअचउप्पय० य, अविसेसिए परिसप्पथलयर० विसेसिए उरपरिसप्पथलयर० य भुअपरिसप्पथलयरपंचिंदिअतिरिक्खजोणिए य, एतेऽवि संमुच्छिमा पज्जत्तगा अपज्जत्तगा य,

गम्भवक्कंतिआवि पज्जत्तगा अपज्जत्तगा य भाणिअव्वा, अविसेसिए खहयरपंचिंदिय० विसेसिए संमुच्छिमखहयरपंचिंदि० य गम्भवक्कंतिअखहयर० य, अविसेसिए संमुच्छिमखहयरपंचि० विसेसिए पज्जत्तयसंमुच्छिमखहयर० य अपज्जत्तसंमुच्छिमखहयर० य अविसेसिए गम्भवक्कंतिअखहयरपंचि० विसेसिए पज्जत्तयगम्भवक्कंतिअखहयर० य अपज्जत्तयगम्भवक्कंतिअखहयर० य, अविसेसिए मणुस्से विसेसिए संमुच्छिममणुस्से गम्भवक्कंतिअमणुस्से य, अविसेसिए गम्भवक्कंतियमणुस्से विसेसिए कम्मभूमओ य अकम्मभूमओ य अंतरदीवओ य, संखिज्जवासाउयअसंखिज्जवासाउयपज्जत्तापज्जत्तओ, अविसेसिए देवे विसेसिए भवणवासी वाणमंतरे जोइसिए वेमाणिए य, अविसेसिए भवणवासी विसेसिए असुरकुमारे नाग० सुवण्ण० विज्जु० अग्गि० दीव० उदधि दिसा० वाउ० थणिअकुमारे, सव्वेसिंपि अविसेसिअविसेसिअपज्जत्तगअपज्जत्तगभेदा भाणियव्वा, अविसेसिए वाणमंतरे विसेसिए पिसाए भूए जक्खे रक्खसे किण्णरे किंपुरिसे महोरगे गंधव्वे, एतेसिंपि अविसेसिअविसेसियपज्जत्तयअपज्जत्तगभेदा भाणियव्वा, अविसेसिए जोइसिए विसेसिए चंदे सूर गहगणे नक्खत्ते तारारूवे, एतेसिंपि अविसेसियविसेसियपज्जत्तयअपज्जत्तयभेदा भाणियव्वा, अविसेसिए वेमाणिए विसेसिए कप्पोवगे य कप्पातीतगे य, अविसेसिए कप्पोवगे विसेसिए सोहम्माए ईसाणए सणंकुमारए माहिंदए बंभलोयए लंतयए महासुक्कए सहस्सारए आणयए पाणयए आरणए अच्चुयए, एतेसिंपि अविसेसिअविसेसियपज्जत्तगअपज्जत्तगभेदा भाणियव्वा, अविसेसिए कप्पातीतए विसेसिए गेवेज्जए य अणुत्तरोववाइए य, अविसेसिए

॥ श्री अनुयोगद्वारसूत्रं ॥

३३

पू. सागरजी म. संशोधित

गेवेजए विसेसिए हेट्टिमहेट्टिमगेवेजए हिट्टिममज्झिम० हिट्टिमउवरिमगेवेजए, अविसेसिए मज्झिमगेविजए विसेसिए मज्झिमहिट्टिमगेविजए मज्झिममज्झिमगेवेजए मज्झिमउवरिमगेवेजए, अविसेसिए उवरिमगेवेजए विसेसिए उवरिमहेट्टिमगेवेजए उवरिममज्झिमगेवेजए उवरिमउवरिमगेवेजए, एतेसिंपि सव्वेसिं अविसेसिअविसेसिअपजत्तगापजत्तगभेदा भाणियव्वा, अविसेसिए अणुत्तरोववाइए विसेसिए विजयए वेजयंतए जयंतए अपराजियए सव्वट्टसिद्धए य, एतेसिंपि सव्वेसिं अविसेसिअविसेसिअपजत्तगापजत्तगभेदा भाणियव्वा, अविसेसिए अजीवदव्वे विसेसिए धम्मत्थिकाए अधम्मत्थिकाए आगासत्थिकाए पोग्गलत्थिकाए अब्बासमए य, अविसेसिए पोग्गलत्थिकाए विसेसिए परमाणुपोग्गले दुपएसिए तिपएसिए जाव अणंतपएसिए य, से तं दुनामे।१२२। से किं तं तिनामे?, २ तिविहे पं० तं०-दव्वणामे गुणणामे पज्जवणामे य, से किं तं दव्वणामे?, २ छव्विहे पं० तं०-धम्मत्थिकाए अधम्म० आगास० जीव० पुग्गलत्थिकाए अब्बासमए य, से तं दव्वणामे, से किं तं गुणणामे?, २ पंचविहे पं० तं०-वण्णणामे गंध० रस० फास० संठाणणामे, से किं तं वण्णणामे?, २ पंचविहे पं० तं०-कालवण्णणामे नील० लोहिअ० हालिद० सुक्खिलवण्णणामे, से तं वण्णणामे, से किं तं गंधणामे?, २ दुविहे पं० तं०-सुरभिगंधणामे य दुरभिगंधणामे य, से तं गंधणामे, से किं तं रसणामे?, २ पंचविहे पं० तं०-तित्तरसणामे कडुअ० कसाय० अंबिल० महररसणामे य, से तं रसणामे, से किं तं फासणामे?, २ अट्टविहे पं० तं०-कक्खडफासणामे मउअ० गरुअ० लहुअ० सीत० उसिण० णिद्ध० लुक्खफासणामे, से तं फासणामे, से

॥ श्री अनुयोगद्वारसूत्रं ॥

३४

पू. सागरजी म. संशोधित

किं तं संठाणनामे?, २ पंचविहे पं० तं०-परिमंडल० वट्ट० तंस० चउरंस० आयतसंठाणणामे, से तं संठाणनामे, से तं गुणणामे।
 से किं तं पज्जवणामे?, २ अणेगविहे पं तं०-एगगुणकालए दुगुण तिगुण० जाव दसगुण० संखिज्जगुण० असंखिज्जगुण०
 अणंतगुणकालए, एवं नीललोहियहालिदसुक्किल्लावि भाणियव्वा, एगगुणसुरभिगंधे दुगुणसुरभिगंधे तिगुण० जाव अणंतगुणसुरभिगंधे,
 एवं दुरभिगंधोऽविभाणियव्वो, एगगुणतित्ते जाव अणंतगुणतित्ते, एवं कडुयकसायअंबिलमहरावि भाणियव्वा, एगगुणकक्खडे
 जाव अणंतगुणकक्खडे, एवं मउअगरुअलहुअसीतउसिणाणिद्धलुक्खावि भा०, से तं पज्जवणामे। तं पुण णामं तिविहं इत्थी
 पुरिसं णपुंसं चेव। एएसिं तिणहंपिय अंतंमि परूवणं वोच्छं ॥१८॥ तत्थ पुरिसस्स अंता आईऊओ हवंति चत्तारि। ते चेव इत्थियाओ
 हवंति ओकारपरिहीणा ॥१॥ अंतिअइंतिअउंतिअअंता उ णपुंसगस्स बोद्धव्वा। एतेसिं तिणहंपिय वोच्छामि निदंसणे एत्तो ॥२०॥
 आगारंतो राया ईगारंतो गिरी य सिहरी य। ऊगारंतो विण्हू दुमो य अंता उ पुरिसाणं ॥१॥ आगारंता माला ईगारंता सिरी य लच्छी
 य। ऊगारंता जंबू वहू य अंता उ इत्थीणं ॥२॥ अंकारंतं धन्नं इंकारंतं नपुंसं अच्छिं। उंकारंतो पीलुं महं च अंतो णपुंसाणं ॥२३॥
 से तं तिणामे। १२३। से किं तं चउणामे?, २ चउव्विहे पं० तं०-आगमेणं लोवेणं पयईए विगारेणं, से किं तं आगमेणं?, २
 पद्धानि पयांसि कुण्डानि, से तं आगमेणं, से किं तं लोवेणं? २ ते अत्र तेऽत्र पटो अत्र पटोऽत्र कटो अत्र कटोऽत्र, से तं लोवेणं,
 से किं तं पगईए?, २ अग्नी एतौ पटू इमौ शाले एते माले इमे, से तं पगईए, से किं तं विगारेणं?, २ दण्डस्य अग्रं दण्डाग्रं

॥ श्री अनुयोगद्वारसूत्रं ॥

३५

पू. सागरजी म. संशोधित

सा आगता साऽऽगता दधि इदं दधीदं नदी इह नदीह मधु उदकं मधूदकं वधू ऊढा वधूढा, से तं विगारेणं, से तं चउनामे। १२४।
 से किं तं पंचनामे?, २ पंचविहे पं० तं०-नामिकं नैपातिकं आख्यातिकं औपसर्गिकं मिश्रं, अश्व इति नामिकं खल्विति नैपातिकं
 धावतीत्याख्यातिकं परीत्यौपसर्गिकं संयत इति मिश्रं, से तं पंचनामे। १२५। से किं तं छण्णामे?, २ छव्विहे पं० तं०-उदइए
 उवसमिए खइए खओवसमिए पारिणामिए संनिवाइए, से किं तं उदइए?, २ दुविहे पं० तं०-उदइए य उधयनिष्फण्णे य, से
 किं तं उदइए?, २ अट्ठण्हं कम्मपयडीणं उदएणं, से तं उदइए, से किं तं उदयनिष्फन्ने?, २ दुविहे पं० तं० जीवोदयनिष्फन्ने
 य अजीवोदयनिष्फन्ने य, से किं तं जीवोदयनिष्फन्ने? २ अनेगविहे पं० तं०-णेरइए तिरिक्खजोणिए मणुस्से देवे पुढवीकाइए
 जाव तसकाइए कोहकसाई जाव लोहकसाई इत्थीवेदए पुरिसवेयए णपुसंगवेदए कण्हलेसे जाव सुक्कलेसे मिच्छादिट्ठी० अविरए
 असण्णी अण्णाणी आहारए छउमत्थे सजोगी संसारत्थे असिद्धे, से तं जीवोदयनिष्फन्ने, से किं तं अजीवोदयनिष्फन्ने?, २ अणेगविहे
 पं० तं०-उरालिअं वा सरीरं उरालिअसरीरपओगपरिणामियं वा दव्वं वेउव्वियं वा सरीरं वेउव्वियसरीरपओगपरिणामियं वा दव्वं,
 एवं आहारगसरीरं तेयगसरीरं कम्मगसरीरं च भाणिअव्वं, पओगपरिणामिए वण्णे गंधे रसे फासे, से तं अजीवोदयनिष्फण्णे,
 से तं उदयनिष्फण्णे, से तं उदइए। से किं तं उवसमिए?, २ दुविहे पं० तं०-उवसमे य उवसमनिष्फण्णे य, से किं तं उवसमे?,
 २ मोहणिज्जस्स कम्मस्स उवसमेणं, से तं उवसमे, से किं तं उवसमनिष्फण्णे?, २ अणेगविहे पं० तं०-उवसंतकोहे जाव उवसंतलोभे

॥ श्री अनुयोगद्वारसूत्रं ॥

३६

पू. सागरजी म. संशोधित

उवसंतपेजे उवसंतदोसे उवसंतदंसणमोहणिजे उवसंतमोहणिजे उवसमिया सम्भत्तलब्धी उवसमिया चरित्तलब्धी
 उवसंतकसायछउमत्थवीयरगे, से तं उवसमनिष्फण्णे, से तं उवसमिए, से किं तं खइए?, २ दुविहे पं० तं०-खइए य खयनिष्फण्णे
 य, से किं तं खइए?, २ अट्ठण्हं कम्मपयडीणं खए, से तं खइए, से किं तं खयनिष्फण्णे?, २ अणेगविहे पं० तं०
 उप्पण्णणाणदंसणधरे अरहा जिणे केवली खीणआभिणिबोहिअणाणावरणे खीणसुअ० खीणओहि० खीणमणपज्जव०
 खीणकेवलणाणावरणे अणावरणे निरावरणे खीणा० णाणावरणिज्जकम्मविप्पमुक्के केवलदंसी सब्बदंसी खीणनिदे खीणनिदानिदे
 खीणपयले खीणपयलापयले खीणथीणगिब्धी खीणचक्खुदंसणावरणे खीणअचक्खु० खीणओहि० खीणकेवलदंसणावरणे
 अणावरणे निरावरणे खीणावरणे दरिसणावरणिज्जकम्मविप्पमुक्के खीणसायावेअणिजे खीणअसायावेयणिजे अवेअणे निब्बेअणे
 खीणवेअणे सुभासुभवेअणिज्जकम्मविप्पमुक्के खीणकोहे जाव खीणलोहे खीणपेजे खीणदोसे खीणदंसणमोहणिजे
 खीणचरित्तमोहणिजे अमोहे निम्मोहे खीणमोहे मोहणिज्जकम्मविप्पमुक्के खीणणेरइआउए खीणतिरिक्खजोणिआउए खीणमणुस्साउए
 खीणदेवाउए अणाउए निराउए खीणाउए आउकम्मविप्पमुक्के गइजाइसरीरंगोवंगबंधणसंघायणसंघयणसंठाणअणेगबोदिविंद-
 संघायविप्पमुक्के खीणसुभनामे खीणअसुभणामे अणामे निण्णामे खीणनामे सुभासुभणामकम्मविप्पमुक्के खीणउच्चागोए
 खीणणीआगोए अगोए निग्गोए खीणगोए उच्चणीयगोत्तकम्मविप्पमुक्के खीणदाणंतराए खीणलाभ० खीणभोग० खीणउवभोग०

खीणविरिय० अणंतराए णिरंतराए खीणंतराए अंतर पकम्म विप्पमुक्के सिद्धे बुद्धे मुत्ते परिणिव्वुए अंतगडे सव्वदुक्खप्पहीणे, से तं खयनिप्फण्णे, से तं खइए। से किं तं खओवसमिए?, २ दुविहे पं० तं०-खओवसमिए य खओवसमनिप्फण्णे य, से किं तं खअ वसमे?, २ चउण्हं घाइकम्माणं खओवसमेणं, तं०-णाणावरणिज्जस्स दंसणावरणिज्जस्स मोहणिज्जस्स अंतरायस्स खओवसमेणं, से तं खओवसमे, से किं तं खओवसमनिप्फण्णे?, २ अणेगविहे पं० तं०-खओवसमिया आभिणिबोहियणाणलब्धी जाव खओ० मणपज्जव० खओवसमिया मइअ० खओ० सुयअ० खओ० विभंगना० खओवसमिया चक्खुदंसणलब्धी अचक्खुदं० ओहि० एवं सम्म० मिच्छा० सम्ममिच्छा० खओवसमिया सामाइयचरित्तलब्धी एवं छेदोवद्धावणलब्धी परिहारविसुद्धियलब्धी सुहुमसंपरायचरित्तलब्धी एवं चरित्ताचरित्तलब्धी खओवसमिया दाणलब्धी एवं लाभ० भोग० उवभोग० खओवसमिया वीरियलब्धी एवं पंडियवीरियलब्धी बालवीरियलब्धी बालपंडियवीरियलब्धी खओवसमिया सोइंदियलब्धी जाव खओवसमिया फासिंदियलब्धी खओवसमिए आयारंगधरे एवं सुयगडंगधरे ठाणंगधरे समवायंगधरे विवाहपण्णत्तिधरे नायाधम्मकहा० उवासगदसा अंतगडदसा० अणुत्तरोववाइयदसा० पण्हावागरणधरे विवागसुयधरे खओवसमिए दिट्ठिवायधरे खओवसमिए णवपुव्वी खओवसमिए जाव चउद्दसपुव्वी खओवसमिए गणी खओवसमिए वायए, से तं खओवसमनिप्फण्णे, से तं खओवसमिए, से किं तं पारिणामिए?, २ दुविहे पं० तं०-साइपारिणामिए य अणाइपारिणामिए य, से किं तं साइपारिणामिए?,

२ अणेगविहे पं० तं०-जुण्णसुरा जुण्णगुलो जुण्णघयं जुण्णतंदुला चेव। अब्भा य अब्भरुक्खा संझा गंधव्वणगरा यो॥२४॥
 उक्कावाया दिसादाहा गज्जियं विज्जू णिग्घाया जूवया जक्खादित्ता धूमिआ महिआ रयुग्घाया चंदोवरागा सूरुवरागा चंदपरिवेसा
 सूरपरिवेसा पडिचंदा पडिसूरा इंदधणू उदगमच्छा कविहसिया अमोहा वासा वासधरा गामा णगरा घरा पव्वता पायला भवणा
 निरया रयण० सक्कर० वालुअ० पंक० धूम० तम० तमतमप्पहा सोहम्मे जाव अच्चुए गेवेजे अणुत्तरे ईसिप्पब्भारा परमाणुपोग्गले
 दुपएसिए जाव अणंतपएसिए, से तं साइपारिणामिए, से किं तं अणाइपारिणामिए?, २ धम्म० अधम्म० आगास० जीव०
 पुग्गलत्थिकाए अब्बासमए लोए अलोए जाव जीवा अजीवा भवसिद्धिआ अभवसिद्धिआ, से तं अणाइपारिणामिए, से तं
 पारिणामिए, से किं तं सण्णिवाइए?, एएसिं चेव उदइअउवसमिअखइअखओवसमिअपारिणामिआणं भावाणं दुग० तिय० चउक्क०
 पंचगसंजोएणं जे निप्फज्जन्ति सव्वे ते सन्निवाइए नामे, तत्थ णं दस दुअसंजोगा दस तिअसंजोगा पंच चउक्कसंजोगा एगे पंचकसंजोगे,
 एत्थ णं जे ते दस दुगसंजोगा ते णं इमे अत्थि णामे उदइएउवसमनिप्फण्णे अत्थि णामे उदइएखाइग० अत्थि णामे उदइएखओवसम०
 अत्थि णामे उदइएपारिणामिअ० अत्थि णामे उवसमिएखय० अत्थि णामे उवसमिएखओवसम० अत्थि णामे उवसमिएपारिणामिअ०
 अत्थि णामे खइएखओवसम० अत्थि णामे खइएपारिणामिअ० अत्थि णामे खओवसमिएपारिणामिअनिप्फण्णे१०, कयरे से
 नामे उदइएउवसमनिप्फण्णे?, उदइएत्ति माणुस्से उवसंता कसाया, एस णं से णामे उदइएउवसमनिप्फण्णे, कयरे से णामे उदइए

॥ श्री अनुयोगद्वारसूत्रं ॥

३९

पू. सागरजी म. संशोधित

खयनिष्फण्णे?, उदइएत्ति माणुस्से खइअं सम्भत्तं, एस णं से णामे उदइए खयनिष्फण्णे, कयरे से णामे उदइए खओवसमनिष्फण्णे?,
 उदइएत्ति माणुस्से खओवसमिआइं इंदियाइं, एस णं से णामे उदइएखओवसमनिष्फण्णे, कयरे से णामे उदइएपरिणामिअनिष्फण्णे?,
 उदइएत्ति माणुस्से पारिणामिए जीवे, एस णं से णामे उदइएपारिणामिअनिष्फण्णे, कयरे से णामे उवसमिएखयनिष्फण्णे?, उवसंता
 कसाया खइअं सम्भत्तं, एस णं से णामे उवसमिएखयनिष्फण्णे, कयरे से णामे उवसमिएखओवसमनिष्फण्णे?, उवसंता कसाया
 पारिणामिए जीवे, एस णं से णामे उवसमिएपारिणामिअनिष्फण्णे, कयरे से णामे खइएखओवसमनिष्फण्णे?, खइयं सम्भत्तं
 खओवसमियाइं इंदियाइं, एस णं से णामे खइएखओवसमनिष्फण्णे, कयरे से णामे खइएपारिणामिअनिष्फण्णे?, खइयं सम्भत्तं
 पारिणामिए जीवे, एस णं से णामे खइएपारिणामिअनिष्फण्णे, कयरे से णामे खओवसमिएपारिणामिअनिष्फण्णे?, खओवसमियाइं
 इंदियाइं पारिणामिए जीवे, एस णं से णामे खओवसमिएपारिणामिअनिष्फण्णे १०, तत्थ णं जे ते दस तिगसंजोगा ते णं इमे
 अत्थि णामे उदइएउवसमिएखयनिष्फण्णे अत्थि णामे उदइएउवसमिएखओवसम० अत्थि णामे उदइएउवसमिएपारिणामिअ० अत्थि
 णामे उदइएखइएखओवसम० अत्थि णामे उदइएखइएपारिणामिअ० अत्थि णामे उदइएखओवसमिएपारिणामिअ० अत्थि णामे
 उवसमिएखइएखओवसम० अत्थि णामे उवसमिएखइएपारिणामिअ० अत्थि णामे उवसमिएखओवसमिएपारिणामिअ० अत्थि
 णामे खइएखओवसमिएपारिणामिअनिष्फण्णे १०, कयरे से णामे उइएउवसमिएखयनिष्फण्णे?, उदइएत्ति माणुस्से उवसंता कसाया

खड़यं सम्भत्तं, एस णं से णामे उदइएउवसमिएखयनिष्फण्णे कयरे से णामे उइएउवसमिएखओवसमनिष्फण्णे?, उदइएत्तिमाणुस्से उवसंता कसाया खओवसमिआइं इंदियाइं, एस णं से णामे उइएउवसम०, कयरे से णामे उदइएउवसमिएपारिणामिय०?, उदइएत्ति माणुस्से उवसंता कसाया पारिणामिए जीवे, एस णं से णामे उदइएउवसमिएपारिणामिय०, कयरे से णामे उदइएखड़एखओवसम०?, उदइएत्ति माणुस्से खड़यं सम्भत्तं खओवसमिआइं इंदियाइं, एस णं से णामे उदइएखड़एखओवसम०, कयरे णामे उइएखड़एपारिणामियनिष्फण्णे?, उदइएत्ति माणुस्से खड़यं सम्भत्तं पारिणामिए जीवे, एस णं से णामे उदइएखड़एपारिणामियनिष्फण्णे, कयरे से णामे उदइएखओवसमिएपारिणामियनिष्फण्णे?, उदइएत्ति माणुस्से खओवसमियाइं इंदियाइं पारिणामिए जीवे, एस णं से णामे उदइएखओवसमिएपारिणामियनिष्फण्णे, कयरे से णामे उवसमिएखड़एखओवसमनिष्फण्णे?, उवसंता कसाया खड़यं सम्भत्तं खओवसमियाइं इंदियाइं, एस णं से णामे उवसमिएखड़एखओवसमनिष्फण्णे, कयरे से णामे उवसमिएखड़एपारिणामियनिष्फण्णे?, उवसंता कसाया खड़यं सम्भत्तं पारिणामिए जीवे, एस णं से णामे उवसमिएखड़एपारिणामियनिष्फण्णे, कयरे से णामे उवसमिएखओवसमिएपारिणामियनिष्फण्णे?, उवसंता कसाया खओवसमियाइं इंदियाइं पारिणामिए जीवे, एस णं से णामे उवसमिएखओवसमिएपारिणामियनिष्फण्णे, कयरे से णामे खड़एखओवसमिएपारिणामियनिष्फण्णे?, खड़यं सम्भत्तं खओवसमियाइं इंदियाइं पारिणामिए जीवे, एस णं से णामे खड़एखओवसमिएपारिणामियनिष्फण्णे १०,

॥ श्री अनुयोगद्वारसूत्रं ॥

४१

पू. सागरजी म. संशोधित

तत्थ णं जे ते पंच चउक्कसंजोगा ते णं इमे अत्थि णामे उदइएउवसमिएखइएखओवसमनिप्फण्णे अत्थि णामे उदइएउवसमिएखइए-
 पारिणामिय० अत्थि णामे उदइएउवसमिएखओवसमिएपारिणामिय० अत्थि णामे उदइएखइएखओवसमिएपारिणामि० अत्थि णामे
 उवसमिएखइएखओवसमिएपारिणामियनिप्फण्णे, कयरे से णामे उदइएउवसमिएखइएखओवसमनिप्फण्णे?, उदइएत्ति माणुस्से
 उवसंता कसाया खइयं सम्भत्तं खओवसमिआइं इंदिआइं, एस णं से णामे उदइएउवसमिएखइएखओवसमनिप्फण्णे, कयरे से
 नामे उदइएउवसमिएखइएपारिणामिअनिप्फण्णे?, उदइएत्ति माणुस्से उवसंता कसाया खइअं सम्भत्तं पारिणामिए जीवे, एस णं
 से णामे उदइएउवसमिएखइएपारिणामिअनिप्फण्णे, कयरे से णामे उदइएउवसमिएखओवसमिएपारिणामिअनिप्फण्णे?, उदइएत्ति
 माणुस्से उवसंता कसाया खओवसमिआइं इंदिआइं पारिणामिए जीवे, एस णं से णामे उदइएउवसमिएखओवसमिए-
 पारिणामियणिप्फण्णे, कयरे से णामं उदइएखइएखओवसमिएपारिणामिअणिप्फण्णे?, उदइएत्ति माणुस्से खइअं सम्भत्तं
 खओवसमिआइं इंदिआइं पारिणामिए जीवे, एस णं से नामे उदइएखइएखओवसमिएपारिणामिअनिप्फन्ने, कयरे से नामे
 उवसमिएखइएखओवसमिएपारिणामिअनिप्फन्ने?, उवसंता कसाया खइअं सम्भत्तं खओवसमिआइं इंदियाइं पारिणामिए जीवे,
 एस णं से नामे उवसमिएखइएखओवसमिएपारिणामिअनिप्फण्णे, तत्थ णं जे से एक्के पंचगसंजोए से णं इमे अत्थि नामे
 उदइएउवसमिएखओवसमिएखइएपारिणामिअनिप्फण्णे, कयरे से नामे उदइएउवसमिएखइएखओवसमिएपारिणामिअनिप्फण्णे?,

उदइएत्ति माणुस्से उवसंता कसाया खइअं सम्भत्तं खओवसमिआइं इंदिआइं पारिणामिए जीवे, एस णं से णामे जाव पारिणामिअनिष्फण्णे, से तं सत्तिवाइए, से तं छण्णामे॥१२६॥ से किं तं सत्तनामे?, २ सत्तसरा पं० तं०-सज्जे रिसहे गंधारे, मज्झिमे पंचमे सरं। धे(रे)वए चेव नेसाए, सरा सत्त वियाहिआ॥१२५॥ एएसिं णं सत्तण्हं सराणं सत्त सरट्ठाणा पं० तं०-सज्जं च अग्गजीहाए, उरेण रिसहं सरं। कंदुग्गएण गंधारं, मज्झजीहाए मज्झिमं॥६॥ नासाए पंचमं बूआ, दंतोद्वेण य रेवतं। भमुहकखेवेण णेसाहं, सरट्ठाणा वियाहिआ॥७॥ सत्त सरा जीवणिससिया पं० तं०-सज्जं रवइ मऊरो, कुक्कुडो रिसभं सरं। हंसो रवइ गंधारं, मज्झिमं च गवेलगा॥८॥ अह कुसुमसंभवे काले, कोइला पंचमं सरं। छट्ठं च सारसा कुंचा, नेसायं सत्तमं गओ॥९॥ सत्त सरा अजीवणिससिया पं० तं०-सज्जं रवइ मुअंगो, गोमुही रिसहं सरं। संखो रवइ गंधारं, मज्झिमं पुण झल्लरी॥३०॥ चउसरणपइट्ठाणा, गोहिया पंचमं सरं। आडंबरो रेवइयं, महाभेरी य सत्तमं॥१॥ एएसिं णं सत्तण्हं सराणं सत्त सरलक्खणा पं० तं०-सज्जेण लहई वित्तिं, कयं च न विणस्सइ गावो पुत्ता य भित्ता य, नारीणं होइ वल्लहो॥२॥ रिसहेण उ एसज्जं(पेसज्जं), सेणावच्चं धणाणि य। वत्थगंधमलंकारं, इत्थिओ सयणाणि य॥३॥ गंधारे गीतजुत्तिण्णा, वज्जवित्ती कलाहिया। हवंति कइणो पण्णा, जे अण्णे सत्थपारगा॥४॥ मज्झिमसरभता उ, हवंति सुहजीविणो। खायई पियई देई, मज्झिमस्सरमस्सिओ॥५॥ पंचमसरभंता उ, हवंति पुहवीवई। सूरा संगहकत्तारो, अणेगगणनायगा॥६॥ रेवयसरभंता उ, हवंति दुहजीविणो। कुचेला य कुवित्ती य, चोरा चंडाल मुड्डिया(साउणिया

वाउरिया, सोयरिया मच्छबंधा य पा०)॥७॥ णिसायसरमंता उ, होति कलहकारगा। जंधाचरा लेहवाहा, हिंडगा भारवाहगा॥८॥
 एएसिं णं सत्तण्हं सराणं तओ गामा पं० तं०-सज्जगामे मज्झिमगामे गंधारगामे, सज्जगामस्स णं सत्त मुच्छणाओ पं० तं०-मग्गी
 कोरविया हरिया, रयणी य सारकंता य। छट्ठी य सारसी नाम, सुद्धसज्जा य सत्तमा॥९॥ मज्झिमगामस्स णं सत्त मुच्छणाओ
 पं० तं०-‘उत्तरमंदा रयणी, उत्तरा उत्तरासमा। समोक्कंता य सोवीरा, अभिरूवा होइ सत्तमा॥१०॥ गंधारगामस्स णं सत्त मुच्छणाओ
 पं० तं०-नंदी य खुडिडया पूरिमा य चउत्थी य सुद्धगंधारा। उत्तरगंधाराविय सा पंचमिया हवइ मुच्छा॥१॥ सुटुत्तरमायामा सा
 छट्ठी सव्वओ य णायव्वा। अह उत्तरायया कोडिमा य सा सत्तमा मुच्छा॥२॥ सत्त सरा कओ हवंति? गीयस्स का हवइ जोणी?।
 कइसमया ओसासा?, कइ वा गीयस्स आगारा?॥३॥ सत्त सरा नाभीओ हवंति गीयं च रुइयजोणी उ। पायसमा ऊसासा तिणिण
 य गीयस्स आगारा॥४॥ आइ मउ आरभंता समुव्वहन्ता य मज्झयारंमि। अवसाणे उज्झंता तिन्निवि गीयस्स आगारा॥५॥ छट्ठोसे
 अट्ठगुणे तिणिण य वित्ताइं दो य भणिईओ। जो नाही सो गाहिइ, सुसिक्खिओ रंगमज्झंमि॥६॥ भीयं दुयं उप्पिच्छं उत्तालं च
 कमसो मुणेअव्वं। कागस्सरमणुणासं छट्ठोसा होति गेयस्स॥७॥ पुण्णं रत्तं च अलं कियं य वत्तं च तहेवमविघुट्ठं। महरं समं सुललियं
 अट्ठ गुणा होति गेयस्स॥८॥ उरकंठसिरविसुद्धं च गिज्जंते मउअरिभिअपदबद्धं। समतालपदुक्खेवं सत्तस्सरसीभरं गीयं॥९॥
 अक्खरसमं पदसमं तालसमं लयसमं च गेहसमं। नीससिओससियसम, संचारसमं सरा सत्त॥५०॥ निदोसं सारमंतं च,

हेउजुत्तमलंकिंयं। उवणीयं सोवयारं च, भियं महरमेव य॥१॥ समं अद्धसमं चेव, सव्वत्थ विसमं च जं। तिणिण वित्तपयाराणि, चउत्थं नोवलब्धइ॥२॥ सक्कया पायया चेव, भणिईओ होति दोणिण वा। सरमंडलंमि गिज्जंते, पसत्था इसिभासिया॥३॥ केसी गायइ महरं केसी गायइ खरं च रुक्खं च। केसी गायइ चउरं केसी य विलंबियं दुतं केसी?॥४॥ विस्सरं पुण केरिसी?। गोरी गायति महरं सामा गायइ खरं च रुक्खं च। काली गायइ चउरं काणा य विलंबियं दुतं मंदा॥५॥ विस्सरं पुण पिंगला। सत्त सरा तओ गामा, मुच्छणा इक्कवीसई। ताणा एगूणपण्णासं, समत्तं सरमंडलं॥६॥ से तं सत्तनामे।१२७। से किं तं अट्टनामे?, २ अट्टविहा वयणविभत्ती पं० तं०-निद्देसे पढमा होइ, बितिया उवएसणे। तइया करणंमि कया, चउत्थी संपयावणे॥७॥ पंचमी य अवायाणे, छट्ठी सस्साभिवायणे। सत्तमी सणिणहाणत्थे, अट्टमाऽऽमंतणी भवे॥८॥ तत्थ पढमा विभत्ती निद्देसे सो इमो अहं वत्ति। बिइया पुण उवएसणे भण कुणसु इमं व तं वत्ति॥९॥ तइआ करणंमि कया भणियं च कयं च तेण व मए वा। हंदि णमो साहाए हवइ चउत्थी पयाणंमि॥१०॥ अवणय गिण्ह य एत्तो इउत्ति वा पंचमी अवायाणे। छट्ठी तस्स इमस्स व गयस्स वा सामिसंबंधे॥११॥ हवइ पुण सत्तमी तं इमंमि आहारकालभावे य। आमंतणी भवे अट्टमी उ जहा हे जुवाणत्ति॥१२॥ से तं अट्टणामे।१२८। से किं तं नवनामे?, २ णव कव्वरसा पं० तं०-वीरो सिंगारो अब्भुओ य रोद्धे य होइ बोद्धव्वो। वेलणओ बीभच्छो हासो कलुणो पसंतो य॥१३॥ तत्थ परिच्चायंमि य तवचरणे सत्तुयणविणासे य। अणणुसयधितिपरक्कमलिंगो वीरो रसो होइ॥१४॥

॥ श्री अनुयोगद्वारसूत्रं ॥

४५

पू. सागरजी म. संशोधित

वीरो रसो जहा सो नाम महावीरो जो रज्जं पयहिऊण पव्वइओ। कामकोहमहासत्तूपक्खनिग्घायणं कुणइ ॥५॥ संगारो नाम रसो
 रतिसंजोगाभिलाससंजणणो। मंडणविलासबिब्बोअहासलीलारमणलिंगो ॥६॥ सिंगारो रसो जहा महरविलाससललिअं हियउम्मादणकरं
 जुवाणाणं। सामा सददुदामं दाएती मेहलादामं ॥७॥ विम्हयकरो अपुव्वो अणुभूअपुव्वो य जो रसो होइ। हरिसविसाउप्पत्तिलक्खणो
 अब्भुओ नाम ॥८॥ अब्भुओ रसो जहा अब्भुअतरमिह एत्तो अन्नं किं अत्थि जीवलोगंमि। जं जिणवयणे अत्था तिकालजुत्ता
 मुणिज्जंति? ॥९॥ भयजणणरूवसदंधयारचिंताकहासमुप्पण्णो। संमोहसंभमविसायमरणलिंगो रसो रोदो ॥१०॥ रोदो रसो जहा
 भिउडीविडंबियमुहो संदट्ठोदुइयरुहिरमोकिण्णो। हणसि पसुं असुराभिभो भीमरसिय अइरोद! रोदोऽसि ॥११॥ विणओवयारगुज्झगुरुदार-
 मेरावइक्कमुप्पण्णो। वेलणओ नाम रसो लज्जासंकाकरणलिंगो ॥१२॥ वेलणओ रसो जहा किं लोइयकरणीओ लज्जणीअतरंति
 लज्जयामुत्ति। वारिज्जमी गुरुयणो परिवंदइ जं बहुप्पोत्तं ॥१३॥ असुइकुणिमदुदंसणसंजोगब्भासगंधनिप्फण्णो। निव्वेयऽविहिंसालक्खणो
 रसो होइ बीभच्छो ॥१४॥ बीभच्छो जहा असुइमलभरियनिज्झरसभावदुग्गंधि सव्वकालंपि। धण्णा उ सरीरकलिं बहुमलकलुसं
 विमुंचंति ॥१५॥ रूववयवेसभासाविवरीअविंबणासमुप्पण्णो। हासो मणप्पहासो पगासलिंगो रसो होइ ॥१६॥ हासो रसो जहा
 पासुत्तमसीमंडिअपडिबुद्धं देवरं पलोअंती। ही जह थणभरकंपणपणमिअमज्झा हसइ सामा ॥१७॥ पिअविप्पओगबंधवहवाहि-
 विणिवायसंभमुप्पण्णो। सोइअविलविअपम्हाणरुण्णलिंगो रसो करुणो ॥१८॥ करुणो रसो जहा पज्झायकिलामिअयं

॥ श्री अनुयोगद्वारसूत्रं ॥

४६

पू. सागरजी म. संशोधित

बाहागयपप्पुअच्छियं बहुसो। तस्स विओगे पुत्तिय! दुब्बलयं ते मुहं जायं॥९॥ निदोसमणसमाहाणसंभवो जो पसन्तभावेण।
 अविकारलक्खणो सो रसो पसंतोत्ति णायव्वो॥८०॥ पसंतो रसो जह। सभ्भावनिव्विगारं उवसंतपसंतसोमदिट्ठीयं। ही जह मुणिणो
 सोहइ मुहकमलं पीवरसिरीयं॥१॥ एए नव कव्वरसा बत्तीसादोसविहिसमुप्पण्णा। गाहाहिं मुणेयव्वा हवन्ति सुद्धा व मीसा वा॥७२॥
 से तं नवनामे १२९। से किं तं दसनामे?, २ दसविहे पं० तं०-गोण्णे नोगोण्णे आयाणपएणं पडिवक्खपएणं पहाणयाए
 अणाइअसिद्धंतेणं नामेणं अवयवेणं संजोगेणं पमाणेणं, से किं तं गोण्णे?, २ खमइत्ति खमणो तवइत्ति तवणो जलइत्ति जलणो
 पवइत्ति पवणो, से तं गोण्णे, से किं तं नोगुण्णे ?, अकुंतो सकुंतो अमुग्गो समुग्गो अमुदो समुदो अलालं पलालं अकुलिया
 सकुलिया नो पलं असइत्ति पलासो अमाइवाहए माइवाहए अबीअवावए बीयवावए नो इंदगोवए इंदगोवए, से तं नोगोण्णे,
 से किं तं आयाणपएणं?, २(धम्मोमंगलं, चूलिआ) आवंती चाउरंगिज्जं असंखयं अहातत्थिज्जं अहइज्जं जण्णइज्जं पुरिसइज्जं
 (उसुकारिज्जं) एलइज्जं वीरियं धम्मो मग्गो समोसरणं गंथो जम्मइअं, से तं आयाणपएणं, से किं तं पडिवक्खपएणं?, २ नवेसु
 गामागरणगरखेडकव्वडमडंबदोणमुहपट्टणासमसंवाहसन्निवेसेसु संनिविस्समाणेसु असिवा सिवा अग्गी सीअलो विसं महुरं
 कल्लालघरेसु अंबिलं साउयं जे रत्तए से अलत्तए जे लाउए से अलाउए जे सुंभए से कुसुंभए आलवंते विवलीअभासए, से तं
 पडिवक्खपएणं, से किं तं पाहण्णयाए, असोगवणे सत्तवण्ण चंपग० चूअ० नाग० पुन्नाग०उच्छु० दक्ख० सालिवणे, से तं

॥ श्री अनुयोगद्वारसूत्रं ॥

४७

पू. सागरजी म. संशोधित

पाहणयाए, से किं तं अणाइयसिद्धंतेणं?, धम्मत्थिकाए अधम्म० आगास० जीव० पुग्गलत्थिकाए अब्बासमए, से तं अणाइयसिद्धंतेणं, से किं तं नामेणं?, २ पिउपिआमहस्स नामेणं उन्नामिज्जइ, से तं णामेणं, से किं तं अवयवेणं?, २ सिंगी सिही विसाणी दाढी पक्खी खुरी नही वाली। दुप्पयचउपयबहुपया नंगुली केसरी कउही॥७३॥ परिअरबंधेण भडं जाणिजा महिलियं निवसणेणं। सित्थेण दोणवायं कविं च इक्काए गाहाए॥७४॥ से तं अवयवेणं, से किं तं संजोएणं?, संजोगे चउव्विहे पं० तं०-दव्वसंजोगे खेत्त० काल० भावसंजोगे, से किं तं दव्वसंजोगे?, २ तिविहे पं० तं०-सचित्ते अचित्ते मीसए, से किं तं सचित्ते?, २ गोहिं गोमिए महिसीहिं माहिसए ऊरणीहिं ऊरणीए उट्टीहिं उट्टीवाले, से तं सचित्ते, से किं तं अचित्ते?, २ छत्तेण छत्ती दंडेण दंडी पडेण पडी घडेण घडी कडेण कडी, से तं अचित्ते, से किं तं मीसए?, २ हलेणं हालिए सगडेणं सागडिए रहेणं रहिए नावाए नाविए, से तं मीसए, से तं दव्वसंजोगे, से किं तं खित्त संजोगे?, २ भारहे एरवए हेमवए एरण्णवए हरिवासए रम्मगवासए देवकुरुए उत्तरकुरुए पुव्वविदेहए अवरविदेहए अहवा मागहे मालवए सोरट्टए मरहट्टए कुंकणए, से तं खेत्तसंजोगे, से किं तं कालसंजोगे?, २ सुसम्मसुसमाए सुसमाए सुसमदूसमाए दूसमसुसमाए दूसमाए दूसमदूसमाए, अहवा पावसए वासारत्तए सरदए हेमंतए वसंतए गिम्हए, से तं कालसंजोगे, से किं तं भावसंजोगे?, २ दुविहे पं० तं०-पसत्थे य अपसत्थे य, से किं तं पसत्थे?, २ नाणेणं नाणी दंसणेणं दंसणी चरित्तेणं चरित्ती, से तं पसत्थे, से किं तं अपसत्थे?, २ कोहेणं कोही माणेणं

॥ श्री अनुयोगद्वारसूत्रं ॥

४८

पू. सागरजी म. संशोधित

माणी मायाए मायी लोहेणं लोही, से तं अपसत्थे, से तं भावसंजोगे, से तं संजोएणं, से किं तं पमाणेणं?, २ चउव्विहे पं० तं०-नामप्पमाणे ठवण० दव्व० भावप्पमाणे, से किं तं नामप्पमाणे?, २ जस्स णं जीवस्स वा अजीवस्स वा जीवाण वा अजीवाण वा तदुभयस्स वा तदुभयाण वा पमाणेति नामं कज्जइ से तं णामप्पमाणे, से किं तं ठवणप्पमाणे?, २ सत्तविहे पं० तं०-णक्खत्त देवय कुले पासंड गणे य जीवियाहेउं। आभिप्पाइयणामे ठवणानामं तु सत्तविहं ॥८५॥ से किं तं णक्खत्तणामे?, २ कित्तियाहिं जाए कित्तिए कित्तियादिण्णे कित्तियाधम्मे कित्तियासम्मे कित्तियादेवे कित्तियादासे कित्तियासेणे कित्तियारक्खिए रोहणीहिं जाए रोहिणिए रोहिणिदिन्ने रोहिणिधम्मे रोहिणिसम्मे रोहिणिदेवे रोहिणिदासे रोहिणिसेणे रोहिणिरक्खिए य, एवं सव्वनक्खत्तेसु नामा भाणियव्वा, एत्थं संगहणिगाहाओ कित्तिय रोहिणि भिगसिर अद्दा य पुणव्वसू य पुस्से य। तत्तो य अस्सिलेसा महा उ दो फग्गुणीओ य ॥८६॥ हत्थो चित्ता साती विसाहा तह य होइ अणुराहा। जेट्टामूला पुव्वासाढा तह उत्तरा चेव ॥८७॥ अभिर्इ सवण घणिट्ठा सतभिसदा दो य होति भद्दवया। रेवइ अस्सिणि भरणी एसा नक्खत्तपरिवाडी ॥८८॥ से तं नक्खत्तणामे, से किं तं देवयाणामे?, २ अग्गिदेवयाहिं जाए अग्गिए अग्गिदिण्णे अग्गिसम्मे अग्गिधम्मे अग्गिदेवे अग्गिदासे अग्गिसेणे अग्गिरक्खिए, एवं सव्वनक्खत्तदेवयानामा भाणियव्वा, एत्थंपि संगहणिगाहाओ अग्गि पयावइ सोमे रुद्धो अदिती विहस्सई सप्पे। पित्ति भग अज्जम सविया तट्ठा वाऊ य इंदग्गी ॥८९॥ मित्तो इंदो निरई आऊ विस्सो य बंभ विण्हू या। वसु वरुण अयविवद्धि पूसे आसे जमे चेव ॥९०॥ से तं देवयाणामे।

से किं तं कुलनामे?, २ उगगे भोगे रायणणे खत्तिए इक्खागे णाते कोरव्वे, से तं कुलनामे, से किं तं पासंडनामे?, २-समणे य पंडुरंगे भिक्खू कावालिए य तावसए, परिवायगे, से तं पासंडनामे, से किं तं गणनामे?, २ मल्ले मल्लदित्रे मल्लधम्मं मल्लसम्मं मल्लदेवे मल्लदासे मल्लसेणे मल्लरक्खिए, से तं गणनामे, से किं तं जीवियाहेउ?, २ अवकरए उक्कुरुडए उज्झिए कज्जवए सुप्पए, से तं जीवियाहेउ, से किं तं आभिप्पाइअनामे?, २ अंबए निंबए बकुलए पलासए सिणए पिलूए करीरए, से तं आभिप्पाइअनामे, से तं ठवणप्पमाणे। से किं तं दव्वप्पमाणे?, २ छव्विहे पं० तं०-धम्मत्थिकाए जाव अब्बासमए, से तं दव्वप्पमाणे, से किं तं भावप्पमाणे?, २ चउव्विहे पं० तं०-सामासिए तद्धिए धाउए निरुत्तिए, से किं तं सामासिए?, २ सत्त समासा भवन्ति, तं०-दंदे य बहुव्वीही, कम्मधारय दिग्गु य। तप्पुरिस अव्वईभावे, एक्कसेसे य सत्तमे॥९१॥ से किं तं दंदे?, २ दन्ताश्च ओष्ठौ च दन्तोष्ठं, स्तनौ च उदरं च स्तनोदरं, वस्त्रं च पात्रं च वस्त्रपात्रं, अश्वाश्च महिषाश्च अश्वमहिषं, अहिश्च नकुलश्च अहिनकुलं, से तं दंदे समासे, से किं तं बहुव्वीहीसमासे?, २ फुल्ला इमंमि गिरिंमि कुडय कयंबा सो इमो गिरी फुल्लियकुडयकयंबो, से तं बहुव्वीहीसमासे, से किं तं कम्मधारए?, २ धवलो वसहो धवलवसहो, किण्हो मियो किण्हमियो, सेतो पडो सेतपडो, रत्तो पडो रत्तपडो, से तं कम्मधारए, से किं तं दिगुसमासे?, २ तिण्णि कडुगाणि तिकडुगं, तिण्णि म्हराणि तिमहरं, तिण्णि गुणाणि तिगुणं, तिण्णि पुराणि तिपुरं, तिण्णि सराणि तिसरं, तिण्णि पुक्खराणि तिपुक्खरं, तिण्णि बिंदुआणि तिबिंदुअं, तिण्णि पहाणि तिपहं, पंच

॥ श्री अनुयोगद्वारसूत्रं ॥

५०

पू. सागरजी म. संशोधित

नईओ पंचणयं, सत्त गया सत्तगयं, नव तुरंगा नवतुरंगं, दस गामा दसगामं, दस पुराणि दसपुरं, से तं दिगुसमासे। से किं तं तप्पुरिसे?, २ तित्थे कागो तित्थकागो, वणे हत्थी वणहत्थी, वणे वराहो वणवराहो, वणे महिसो वणमहिसो, वणे मयूरो वणमयूरो, से तं तप्पुरिसे, से किं तं अव्वईभावे?, २ अणुगामं अणुणइयं अणुफरिहं अणुचरियं, से तं अव्वईभावे समासे, से किं तं एगसेसे?, २ जहा एगो पुरिसो तहा बहवे पुरिसा जहा बहवे पुरिसा तहा एगो पुरिसो, जहा एगो करिसावणो तहा बहवे करिसावणा जहा बहवे करिसावणा तहा एगो करिसावणो, जहा एगो साली तहा बहवे साली जहा बहवे साली तहा एगो साली, से तं एगसेसे समासे, से तं सामासिए। से किं तं तद्धितए?, २ अट्ठविहे पं० तं०-कम्मे सिप्प सिलोए संजोग समीवओ य संजूहो। इस्सरिय अवच्चेण य तद्धितणामं तु अट्ठविहं ॥९२॥ से किं तं कम्मणामे?, २ तणहारए कट्ठहारए पत्तहारए दोसिए सोत्तिए कप्पासिए भंडवेआलिए कोलालिए, से तं कम्मनामे, से किं तं सिप्पनामे?, २ तुण्णए तंतुवाए पट्टकारे उएट्टे बरुडे मुंजकारे कट्ठ० छत्त० वज्झ पोत्थ० चित्त० दंत० लेप्प० सेल० कोट्टिमकारे, से तं सिप्पनामे, से किं तं सिलोअनामे?, २ समणे माहणे सव्वातिही, से तं सिलोअनामे, से किं तं संजोगनामे?, २ रण्णो ससुरए रण्णो जामाउए रण्णो साले रण्णो भाउए रण्णो भगिणीवई, से तं संजोगनामे, से किं तं समीवनामे?, २ गिरिसमीवे णयरं गिरिणयरं विदिसासमीवे णयरं विदिसं नयरं बेत्ताए समीवे णयरं बेत्तायडं तगराए समीवे णयरं तगरायडं, से तं समीवनामे, से किं तं संजूहनामे?, २ तरङ्गवड्कारे मलयवड्कारे अत्ताणुसट्टिकारे बिंदुकारे,

॥ श्री अनुयोगद्वारसूत्रं ॥

५१

पू. सागरजी म. संशोधित

से तं संजूहनामे, से किं तं ईसरिअनामे?, २ राईसरे तलवरे माडंबिए कोडुंबिए इब्भे सेट्टी सत्थवाहे सेणावई, से तं ईसरिअनामे, से किं तं अवच्चनामे?, २ अरिहंतमाया चक्कवट्टि० बलदेव० वासुदेव० राय० मुणि० वायगमाया, से तं अवच्चनामे, से तं तद्धितए, से किं तं धाउए?, भू सत्तायां परस्मैभाषा एध वृद्धौ स्पृहं संहर्षे गाधू प्रतिष्ठालिप्सयोग्रन्थे च बाधू लोडने, से तं धाउए, से किं तं निरुत्तिए?, २ मह्यां शेते महिषः, भ्रमति च रौति च भ्रमरः, मुहुर्मुहुर्लसतीति मुसलं, कपेरिव लम्बते त्थेति च करोति कपित्थं, चिदिति करोति खल्लं च भवति चिक्खल्लं, ऊर्ध्वकर्णः उलूकः, मेखस्य माला मेखला, से तं निरुत्तिए, से तं भावप्पमाणे, से तं पमाणनामे, से तं दसनामे, से तं नामे।१३०। से किं तं पमाणे?, २ चउव्विहे पं० तं०-दव्वप्पमाणे खेत्त० काल० भावप्पमाणे।१३१। से किं तं दव्वप्पमाणे?, २ दुविहे पं० तं०-पएसनिप्फण्णे य विभागनिप्फण्णे य, से किं तं पएसनिप्फण्णे? २ परमाणुपोग्गले दुपएसिए जाव दसपएसिए संखिज्जपएसिए असंखिज्जपएसिए अणंतपएसिए, से तं पएसनिप्फण्णे, से किं तं विभागनिप्फण्णे?, २ पंचविहे पं० तं०-माणे उम्माणे अवमाणे गणिमे पडिमाणे, से किं तं माणे?, २ दुविहे पं० तं०-धत्तमाणप्पमाणे य रसमाणप्पमाणे य, से किं तं धत्तमाणप्पमाणे?, २ दो असईओ पसई दो पसईओ सेतिया चत्तारि सेइयाओ कुलओ चत्तारि कुलया पत्थो चत्तारि पत्थया आढगं चत्तारि आढगाइं दोणो सट्ठिं आढयाइं जहन्नए कुंभे असीई आढयाइं मज्झिमए कुंभे आढयसयं उक्कोसए कुंभे अट्ठ य आढयसइए वाहे, एएणं धण्णमाणप्पमाणेणं किं पओयणं?, एएणं धण्णमाणप्पमाणेणं मुत्तोलीमुखइदु (इ)

रअलिंदओचारसंसियाणं धण्णाणं धण्णमाणप्पमाणनिव्वित्तिलक्खणं भवइ, से तं धण्णमाणपमाणे, से किं तं रसमाणप्पमाणे?,
 २ धण्णमाणप्पमाणाओ चउभागविवट्ठिए अब्भितरसिहाजुत्ते रसमाणप्पमाणे विहिज्जइ, तं०-चउसट्ठिआ (चउपलपमाणा)
 बत्तीसिआ सोलसिया अट्ठभाइया चउभाइआ अद्धमाणी माणी, दो चउसट्ठियाओ बत्तीसिया दो बत्तीसियाओ सोलसिया दो
 सोलसियाओ अट्ठभाइआ दो अट्ठभाइयाओ चउभाइया दो चउभाइयाओ अद्धमाणी दो अद्धमाणीओ माणी, एएणं रसमाणपमाणेणं
 किं पओयणं?, एएणं रसमाणेणं वारकघडककरककलसिअगागरिदइअकरोडिअकुंडिअसंसियाणं रसाणं रसमाणप्पमाणनिव्वित्ति-
 लक्खणं भवइ, से तं रसमाणपमाणे, से तं माणे। से किं तं उम्माणे?, २ जण्णं उम्मिणिज्जइ, तं०-अद्धकरिसो करिसो अद्धपलं
 पलं अद्धतुला तुला अद्धभारो भारो, दो अद्धकरिसा करिसो दो करिसा अद्धपलं दो अद्धपलाइं पलं पलसइआ तुला दस तुलाओ
 अद्धभारो वीसं तुलाओ भारो, एएणं उम्माणपमाणेणं किं पओयणं?, एएणं उम्माणपमाणेणं पत्ताअगरतगरचोअअकुंकुमखंडगुल-
 मच्छंडियाईणं दव्वाणं उम्माणपमाणनिव्वित्तिलक्खणं भवइ, से तं उम्माणपमाणे, से किं तं ओमाणे?, २ जण्णं ओमिणिज्जइ,
 तं०-हत्थेण वा दंडेण वा धणुक्केण वा जुगेण वा नालिआए वा अक्खेण वा मुसलेण वा 'दंड धणू जुग नालिया य अक्ख
 मुसलं च चउहत्थं। दसनालियं च रज्जु वियाण ओमाणसण्णाए॥९३॥ वत्थुंमि हत्थमेज्जं खित्ते दंडं धणुं च पंथंमि। खायं च
 नालियाए वियाण ओमाणसण्णाए॥९४॥ एएणं अवमाणपमाणेणं किं पओयणं?, एएणं अवमाणपमाणेणं खायचिअकरकचिय-

॥ श्री अनुयोगद्वारसूत्रं ॥

५३

पू. सागरजी म. संशोधित

कडपडभित्तिपरिक्खेवसंसियाणं दव्वाणं अवमाणपमाणनिव्वित्तिलक्खणं भवइ, से तं अवमाणे, से किं तं गणिमे?, २ जण्णं गणिज्जइ, तं०-एगो दस सयं सहस्सं दस सहस्साइं सयसहस्सं दस सयसहस्साइं कोडी, एएणं गणिमप्पमाणेणं किं पओयणं?, एएणं गणिमप्पमाणेणं भित्तगभित्तिभत्तवेअणआयव्वयसंसियाणं दव्वाणं गणियप्पमाणनिव्वित्तिलक्खणं भवइ, से तं गणिमे। से किं तं पडिमाणे?, २ जण्णं पडिमिणिज्जइ, तं०-गुंजा कागणी निप्फावो कम्ममासओ मंडलओ सुवण्णो, पंच गुंजाओ कम्ममासओ कागण्यपेक्षया चत्तारि कागणीओ कम्ममासओ तिन्नि निप्फावा कम्ममासओ एवं चउक्को कम्ममासओ काकण्यपेक्षयेत्यर्थः बारस कम्ममासया मंडलओ एवं अडयालीसं कागणीओ मंडलओ सोलस कम्ममासया सुवण्णो एवं चउसट्ठी कागणीओ सुवण्णो, एवं एएणं पडिमाणपमाणेणं किं पओअणं?, एएणं पडिमाणपमाणेणं सुवण्णरजतमणिमोत्ति असंखसिलप्पवालाईणं दव्वाणं पडिमाणप्पमाणनिव्वित्तिलक्खणं भवइ, से तं पडिमाणे, से तं विभागनिप्फण्णे, से तं दव्वपमाणे। १३२। से किं तं खेत्तपमाणे?, दुविहे पं० तं०-पएसणिप्फण्णे य विभागणिप्फणअणे य, से किं तं पएसणिप्फण्णे?, २ एगपएसो गाढे दुपएसोगाढे तिपएसोगाढे संखिज्जप० असंखिज्जप०, से तं पएसणिप्फण्णे, से किं तं विभागणिप्फण्णे?, २ अंगुल विहत्थि रयणी कुच्छी धणु गाउअं च बोद्धव्वं। जोयण सेढी पयरं लोगमलोगेऽविय तहेव ॥१५॥ से किं तं अंगुले?, २ तिविहे पं० तं०-आयंगुले उस्सेहंगुले पमाणंगुले, से किं तं आयंगुले?, २ जे णं जया मणुस्सा भवंति तेसिं णं तथा अप्पणो अंगुलेणं दुवालस अंगुलाइं मुहं नव मुहाइं पुरिसे

॥ श्री अनुयोगद्वारसूत्रं ॥

५४

पू. सागरजी म. संशोधित

પમાણજુત્તે ભવઙ્ગ દોળિણે પુરિસે માણજુત્તે ભવઙ્ગ અબ્દભારં તુલ્લમાણે પુરિસે ઉમ્માણજુત્તે ભવઙ્ગ માણુમ્માણપમાણજુત્તા
 લક્ષણવંજણગુણેહિ ઉવવેઆ । ઉત્તમકુલપ્પસૂઆ ઉત્તમપુરિસા મુણેયવ્વા ॥૬॥ હોંતિ પુણ અહિયપુરિસા અદ્વસયં અંગુલાણ ઉવ્વિદ્ધા ।
 છળ્લણઁ અહમપુરિસા ચઉત્તરં મજ્ઞિમિલ્લા ૩ ॥૭॥ હીણા વા અહિયા વા જે ચ્ચલુ સરસત્તસારપરિહીણા । તે ઉત્તમપુરિસાણં અવસ્સ
 પેસત્તણમુવેતિ ॥૯૮॥ એણં અંગુલપમાણેણં છ અંગુલાઙ્ગ પાઓ દો પાયા વિહત્થી દો વિહત્થીઓ રયણી દો રયણીઓ કુચ્છી દો
 કુચ્છીઓ દંડં ધણૂ જુગે નાલિયા અચ્ચે મુસલે દો ધણુસહસ્સાઙ્ગ ગાઉયં ચત્તારિ ગાઉયાઙ્ગ જોયણં, એણં આયંગુલપમાણેણં કિં
 પઓયણં?, ૨ એણં આયંગુલેણં જે ણં જયા મણુસ્સા હવંતિ તેસિં ણં તયા ણં આયંગુલેણં અગડતલાગદહનદીવાવિપુચ્ચરિણીદીહિય-
 ગુંજાલિયાઓ સરા સરપંતિયાઓ સરસરપંતિયાઓ ચિલપંતિયાઓ આરામુજ્જાણકાણવણવણસંડવણરાઈઓ દેઁલસભાપવાથૂભચ્ચાઙ્ગ-
 અપરિહાઓ પાગારઅદટાલયચરિઅદારગોપુરપાસાયધરસરણલયણઆવણસિંઘાડગતિગચઉચ્ચચચ્ચરચઉમ્મુહમહાપહપહસગડરહ-
 જાણજુગ્ગગિલ્લિથિલ્લિસિવિઅસંદમાણિયાઓ લોહીલોહકડાહકડિલ્લયમંડમત્તોવગરણમાઈણિ અજ્જકાલિયાઙ્ગ ચ જોયણાઙ્ગ મવિજ્જંતિ,
 સે સમાસઓ તિવિહે પં૦ તં૦ સૂઙ્ગઅંગુલે પયરંગુલે ઘણંગુલે, અંગુલાયયા એગપ્પેસિયા સેઢી સૂઙ્ગઅંગુલે, સુઙ્ગ સૂઙ્ગુણિયા પયરંગુલે,
 પયરં સૂઙ્ગે ટુણિતં ધણંગુલે, એસિ ણં મંતે! સૂઙ્ગઅંગુલપયરંગુલઘણંગુલાણં કયરે કયરેહિંતો અપ્પા વા બહુયા વા તુલ્લા વા વિસેસાહિયા
 વા?, સવ્વથોવે સૂઙ્ગઅંગુલે પયરંગુલે અસંચેજ્જગુણે ઘણંગુલે અસંચિજ્જગુણે સે તં આયંગુલે । સે કિં તં ઉસેસેહંગુલે?, ૨ અણેગવિહે

॥ શ્રી અનુયોગદ્વારસૂત્રં ॥

૫૫

પૂ. સાગરજી મ. સંશોધિત

पं० तं०-परमाणू तसरेणू रहरेणू अगगयं च वालस्स। लिक्खा जूआ य जवो अट्टगुणविवडिढआ कमसो ॥९९॥ से किं तं परमाणू?, २ दुविहे पं० तं०-सुहुमे य ववहारिए य, तत्थ णं जे से सुहुमे से ठप्पे, तत्थ णं जे से ववहारिए से णं अणंताणंताणं सुहुमपोग्गलाणं समुदयसमितिसमागमेणं ववहारिए परमाणुपोग्गले निप्फज्जइ, से णं भंते! असिधारं वा खुरधारं वा ओगाहेज्जा?, हन्ता ओगाहेज्जा, से णं तत्थ छिज्जेज्ज वा भिज्जेज्ज वा?, नो इणट्ठे समट्ठे, नो खलु तत्थ सत्थं कमइ, से णं भंते! अगणिकायस्स मज्झंमज्झेणं वीडवएज्जा?, हंता वीडवएज्जा, से णं भंते! तत्थ डज्जेज्जा?, नो इणट्ठे समट्ठे, नो खलु तत्थ सत्थं कमइ, से णं भंते! पुक्खरसंवट्ठगस्स महामेहस्स मज्झंमज्झेणं वीडवएज्जा?, हंता वीडवएज्जा, से णं तत्थ उदउल्लेसिआ?, नो इणट्ठे समट्ठे, णो खलु तत्थ सत्थं कमइ, से णं भंते! गंगाए महाणईए पडिसोयं हव्वमागच्छेज्जा?, हंता हव्वमागच्छेज्जा, से णं तत्थ विणिघायभावज्जेज्जा?, नो इणट्ठे समट्ठे, णो खलु तत्थ सत्थं कमइ, से णं भंते! उदगावत्तं वा उदगबिंदुं वा ओगाहेज्जा?, हंता ओगाहेज्जा, से णं तत्थ कुत्थेज्जा वा परियावज्जेज्ज वा?, णो इणट्ठे समट्ठे, नो खलु तत्थ सत्थं कमइ, सत्थेण सुत्तिकखेणवि छित्तुं भेतुं च जं किर न सक्का। तं परमाणुं सिद्धा वयंति आइं पमाणाणं ॥१००॥ अणंताणं ववहारियपरमाणुपोग्गलाणं समुदयसमितिसमागमेणं सा एगा उसण्हसण्हियाइ वा सण्हसण्हियाइ वा उडढरेणूइ वा तसरेणूइ वा रहरेणूइ वा, अट्ठ उसण्हसण्हियाओ सा एगा सण्हसण्हिया, अट्ठ सण्हसण्हियाओ सा एगा उडढरेणू, अट्ठ उडढरेणूओ सा एगा तसरेणू अट्ठ तसरेणूओ सा एगा रहरेणू, अट्ठ रहरेणूओ

॥ श्री अनुयोगद्वारसूत्रं ॥

45

पू. सागरजी म. संशोधित

देवकुरुउत्तरकुरुणं मणुआणं से एगे वालगगे, अट्ट देवकुरुउत्तरकुरुणं मणुआणं वालगगा हरिवासरम्मगवासाणं मणुआणं से एगे वालगगे, अट्ट हरिवस्सरम्मगवासाणं मणुस्साणं वालगगा हेमवयहेरणवयाणं मणुस्साणं से एगे वालगगे, अट्ट हेमवयहेरणवयाणं मणुस्साणं वालगगा पुव्वविदेहअवरविदेहाणं मणुस्साणं से एगे वालगगे, अट्ट पुव्वविदेहअवरविदेहाणं मणुस्साणं वालगगा भरहएरवयाणं मणुस्साणं से एगे वालगगे, अट्ट भरहेरवयाणं मणुस्साणं वालगगा सा एगा लिक्खा, अट्ट लिक्खाओ सा एगा जूआ, अट्ट जूआओ एगे जवमज्जे, अट्ट जवमज्जे से एगे अंगुले, एएणं अंगुलपमाणेण छ अंगुलाइं पादो बारस अंगुलाईं विहत्थी चउवीसं अंगुलाइं रयणी अडयालीसं अंगुलाइं कुच्छी, छन्नवई अंगुलाइं से एगे दंडेइ वा धणूइ वा जुगेइ वा नालिआइ वा अक्खेइ वा मुसलेइ वा, एएणं धणुप्पमाणेणं दो धणुसहस्साइं गाउअं चत्तारि गाउआइं जोअणं, एएणं उस्सेहंगुलेणं किं पओअणं?, एएणं उस्सेहंगुलेणं णेरइअतिरिक्खजोणियमणुस्सदेवाणं सरीरोगाहणा भविज्जति, णेरइआणं भंते! केमहालिआ सरीरोगाहणा पं०?, गोयमा! दुविहा पं० तं०-भवधारणिज्जा य उत्तरवेउव्विआ य, तत्थ णं जा सा भवधारणिज्जा सा णं जहण्णेणं अंगुलस्स असंखेज्जइभागं उक्कोसेणं पंच धणुस्साइं, तत्थ णं जा सा उत्तरवेउव्विआ सा जहण्णेणं अंगुलस्स संखेज्जइभागं उक्कोसेणं धणुसहस्सं, रयणप्पहाए पुढवीए नेरइआणं भंते! केमहालिआ सरीरोगाहणा पं० ?, गो०! दुविहा पं० तं०-भवधारणिज्जा य उत्तरवेउव्विआ य, तत्थ णं जा सा भवधारणिज्जा सा जहन्नेणं अंगुलस्स असंखिज्जइभागं उक्कोसेणं सत्त धणूइं तिणिण रयणीओ

॥ श्री अनुयोगद्वारसूत्रं ॥

५७

पू. सागरजी म. संशोधित

छच्च अंगुलाइं, तत्थ णं जा सा उत्तरवेउव्विआ सा जहन्नेणं अंगुलस्स संखेज्जइभागं उक्कोसेणं पण्णरस धणू दोत्रि रयणीओ
 बारस अंगुलाइं, सक्करप्पहापुढवीए णेरइआणं भंते! केमहालिआ सरीरोगाहणा पं०?, गो०! दुविहा पं० तं०-भवधा० उत्तरवे०,
 तत्थ णं जा सा० सा ज० अंगुलस्स असं० उक्कोसेणं पण्णरस धणूइं दुण्णि रयणीओ बारस अंगुलाइं, तत्थ णं जा सा उत्तरवेउव्विआ
 सा जहन्नेणं अंगुलस्स संखेज्जइभागं उक्कोसेणं एकतीसं धणूइं इक्का रयणी य, वालुअप्पहापुढवीए णेरइयाणं भंते! केमहालिआ
 सरीरोगाहणा पं०?, गो०! दुविहा पं० तं०-भवधा० उत्तरवे०, तत्थ णं जा सा भव० सा ज० अंगुलस्स असं० उक्कोसेणं एकतीसं
 धणूइं इक्का रयणी य, तत्थ णं जा सा उत्तर० सा अंगुलस्स संखेज्जइभागं उक्कोसेणं बासट्ठी धणूइं दो रयणीओ य, एवं सव्वासिं
 पुढवीणं पुच्छा भाणियव्वा, पंकप्पहाए पुढवीए भवधारणिज्जा जहन्नेणं अंगुलस्स असं० उक्कोसेणं बासट्ठी धणूइं दो रयणीओ
 य, उत्तरवे० जहन्नेणं० अ० सं० उक्कोसेणं पणवीसं धणुसयं, धूमप्पहाए भवधा० अंगुल० असं० उक्कोसेणं पणवीसं धणुसयं,
 उत्तरवे० अंगुलस्स संखे० उक्कोसेणं अड्ढाइज्जाइं धणुसयाइं, तमाए भवधारणिज्जा अंगुलस्स असं० उक्कोसेणं अड्ढाइज्जाइं
 धणुसयाइं, उत्तरवे० अंगुलस्स सं० उक्कोसेणं पंच धणुसयाइं, तमतमाए पुढवीए नेरइयाणं भंते! केमहालिआ सरीरोगाहणा पं०?,
 गो०! दुविहा पं० तं०-भवधारणिज्जा य उत्तरवे०, तत्थ णं जा सा भवधारणिज्जा सा जहन्नेणं अंगुलस्स असं० उक्कोसेणं पंच
 धणुसयाइं, तत्थ णं जा सा उत्तरवेउव्विआ सा जहन्नेणं अंगुलस्स सं० उक्कोसेणं धणुसहस्सं, असुरकुमाराणं भंते! केमहालिआ

॥ श्री अनुयोगद्वारसूत्रं ॥

५८

पू. सागरजी म. संशोधित

सरीरोगाहणा पं०?, गो०! दुविहा पं० तं०-भवधारणिज्जा य उत्तरवेउव्विआ य, तत्थ णं जा सा भवधारणिज्जा सा जहन्नेणं
 अं० अ० उक्कोसेणं सत्त रयणीओ उत्तरवेउव्विआ सा जहन्नेणं अंगुलस्स सं० उक्कोसेणं जोयणसयसहस्सं, एवं असुरकुमारगमेणं
 जाव थणियकुमाराणं भाणिअव्वं। पुढवीकाइयाणं भंते! केमहालिया सरीरोगाहणा पं०?, गो०! जहन्नेणं अंगुलस्स असंखेज्जइभागं
 उक्कोसेणवि अं० अ०, एवं सुहुमाणं ओहियाणं अपज्जत्तगाणं पज्जत्तगाणं च भाणियव्वं, एवं जाव बादरवाउकाइयाणं पज्जत्तगाणं
 भाणियव्वं, वणस्सइकाइयाणं भंते! केमहा० पं०?, गो०! जहन्नेणं अंगुलस्स असं० उक्कोसेणं सातिरेगं जोयणसहस्सं,
 सुहुमवणस्सइकाइयाणं ओहियाणं अपज्जत्तगाणं पज्जत्तगाणं तिण्हंपि जहन्नेणं अंगुलस्स असंखेज्जइभागं उक्कोसेणवि अंगुलस्स
 अ०, बादरवणस्सइकाइयाणं जहन्नेणं अंगुलस्स अ० उक्कोसेणं सातिरेगं जोयणसहस्सं, अपज्जत्तगाणं ज० अंगुलस्स असं०
 उक्कोसेणवि अंगुलस्स अ०, पज्जत्तगाणं जहन्नेणं अंगुलस्स अ० उक्कोसेणं सातिरेगं जोयणसहस्सं, बेइंदियाणं पुच्छा, गो०! जहन्नेणं
 अंगुलस्स असं० उक्कोसेणं बारस जोयणाइं, अपज्जत्तगाणं जहन्नेणं अंगुलस्स अ० उक्कोसेणवि अंगुलस्स अ०, पज्जत्तगाणं ज०
 अंगुलस्स सं० उक्कोसेणं बारस जोयणाइं, तेइंदियाणं पुच्छा, गो०! जहन्नेणं अंगुलस्स अ० उक्कोसेणं तिणिण गाउयाइं, अपज्जत्तगाणं
 जहन्नेणं अंगुलस्स अ० उक्कोसेणवि अंगु० अ०, पज्जत्तगाणं जहन्नेणं अंगुलस्स सं० उक्कोसेणं तिणिण गाउआइं, चउरिंदियाणं
 पुच्छा, गो०! जहन्नेणं अंगुलस्स अं० अ० उक्कोसेणं चत्तारि गाउआइं अपज्जत्तगाणं जहन्नेणवि उक्कोसेणवि अंगुलस्स अ०,

॥ श्री अनुयोगद्वारसूत्रं ॥

५९

पू. सागरजी म. संशोधित

पज्जत्तगाणं ज० अंगुल० सं० उक्कोसेणं चत्तारि गाउयाइं, पंचेदियतिरि० महालिया० पं०?, गो०! जहन्नेणं अं० अ० उक्कोसेणं जोयणसहस्सं, जलयरपंचिंदियति० पुच्छा, गो०! एवं चेव, संमुच्छिमजलयरपंचिंदियति० पुच्छा, गो०! जहन्नेणं अंगु० अ० उक्कोसेणं जोयणसहस्सं, अपज्जत्तगसंमुच्छिमजलयरपंचिंदियपुच्छा, गो०! जहन्नेणं अंगुलस्स असंखिज्जइभागं उक्कोसेणवि अंगुलस्स अ०, पज्जत्तगसंमुच्छिमजलयर० पुच्छा, गो०! जहन्नेणं अ० सं० उक्कोसेणं जोयणसहस्सं, गब्भवक्कंतियजलयरपंचिंदियपुच्छा, गो०! जहन्नेणं अंगुलस्स असंखिज्जइभागं उक्कोसेणं जोयणसहस्सं, अपज्जत्तगब्भ० जह० उक्कोसेणवि अंगु० अ०, पज्जत्तगगब्भवक्कंतिअजलयरपुच्छा, गो०! जहन्नेणं अंगु० सं० उक्कोसेणं जोअणसहस्सं, चउप्पयथलयरपंचिंदियपुच्छा, गो०! जहन्नेणं अंगुलस्स अ० उक्कोसेणं छ गाउआइं, संमुच्छिमचउप्पयथलयरपुच्छा, गो०! जहन्नेणं अंगुलस्स असं० उक्कोसेणं गाउअपुहुत्तं, अपज्जत्तगसंमुच्छिमचउप्पयथलयरपुच्छा, गो०! जहन्नेणं अं० अ० उक्कोसेणवि अ० अ०, पज्जत्तग० संमु० पुच्छा० गो०! ज० अंगुलस्स सं० उक्को० गाउअपुहुत्तं, गब्भवक्कंतिअचउप्पयथलयरपुच्छा, गो०! जहन्नेणं अंगुलस्स अ० उक्को० छ गाउआइं, अपज्जत्तगगब्भवक्कंतिअचउप्पयथलयरपुच्छा, गो०! जहन्नेणं अंगुलस्स अ० उक्कोसेणवि अंगुलस्स असं०, पज्जत्तगगब्भवक्कंतिअचउप्पयथलयरपुच्छा, गो०! जहन्नेणं अंगुलस्स सं० उक्को० छ गाउआइं, उरपरिसप्पथलयरपंचिंदियपुच्छा, गो०! जह० अंगु० असं० उक्कोसेणं जोयणसहस्सं, संमुच्छिमउरपरिसप्पथलयरपुच्छा, गो०! जह० अंगुल० असंखे० उक्को०

॥ श्री अनुयोगद्वारसूत्रं ॥

६०

पू. सागरजी म. संशोभित

जोयणपुहुत्तं, अपज्जत्तगसंमुच्छिमउरपरिसप्पथलयरपुच्छा गो०! जह० अंगु० असंखे० उक्कोसेणवि अं० अ०, पज्जत्तग० उर० पुच्छा, गो०! ज० अं० अ० उक्को० जोयणपुहुत्तं, गम्भवक्कंतियउरपरिसप्पथलयरपुच्छा, गो०! जहन्नेणं अंगु० असं० उक्को० जोयणसहस्सं. अपज्जत्तगगम्भवक्कंतियउरपरिसप्पथलयरपुच्छा, गो०! जहन्नेणं अंगुलस्स अ० उक्कोसेणवि अं० असं०, पज्जत्तगगम्भवक्कंतियउरप० पुच्छा, गो०! जहन्नेणं अंगु० संखेज्जइभागं उक्कोसेणं जोयणसहस्सं. भुअपरिसप्पथलयरपंचिंदियाणं पुच्छा. गो०! जह० अंगु० अ० उक्कोसेणं गाउअपुहुत्तं, संमुच्छिमभुअ० पुच्छा, गो०! जह० अंगु० असं० उक्को० धणुपुहुत्तं, अपज्जत्तगसंमुच्छि०, गो०! जहन्नेणं अंगु० अ० उक्कोसेणवि अंगु० असं० पज्जत्तगसंमुच्छिमभु०. गो०! ज० अं० सं० उक्को० धणुपुहुत्तं, गम्भ० भुअ० थल०? गो०! जह० अं० असं० उक्को० गाउयपुहुत्तं, अपज्ज० भुअप०, गो०! जहन्नेणं अं० असं० उक्कोसेणवि अं० अ०, पज्जत्त० भुअप० पुच्छा. गो०! जह० अंगु० संखे० उक्को० गाउअपुहुत्तं. खहयरपंचिंदियपुच्छा, गो०! जह० अंगु० असं० उक्को० धणुपुहुत्तं, संमुच्छिमखहयराणं जहा भुअगपरिसप्पसंमुच्छिमाणं तिसुवि गमेसु तहा भाणियव्वं, गम्भवक्कंतिअखहयरपुच्छा. गो०! जह० अंगु० असं० उक्को० धणुपुहुत्तं. अपज्जत्तगग० खहयरपुच्छा, गो०! जह० अं० असं० उक्कोसेणवि अं० अ०, पज्जत्तगग० ख०, गो०! जह० अं० संखे० उक्को० धणु०, एत्थ संगहणिगाहाओ भवन्ति. तंजहा जोयणसहस्स गाउयपुहुत्त तत्तो य जोयणपुहुत्तं। दोण्हं तु धणुपुहुत्तं समुच्छिमे होइ उच्चत्तं ॥१०१॥ जोयणसहस्स छग्गाउआइं तत्तो य जोयणसहस्सं। गाउयपुहुत्त भुअगे पक्खीसु

॥ श्री अनुयोगद्वारसूत्रं ॥

६१

पू. सागरजी म. संशोधित

भवे धणुपुहुत्तं ॥२॥ मणुस्साणं भंते! केमहालिआ सरीरोगाहणा पं०?. गो०! जह० अंगुलस्स अ० उक्कोसेणं तिणिण गाउआइं,
 संमुच्छिममणुस्साणं पुच्छा, गो०! जह० अंगु० असंखे० उक्कोसेणवि अंगु० असं०, अपजत्तगगम्भवक्कंतियमणुस्साणं पुच्छा, गो०!
 जह० अंगु० असं० उक्कोसेणवि अंगु० असं०, पजत्तगग० पुच्छा. गो०! जह० अंगुल० सं० उक्कोसेणं तिणिण गाउआइं।
 वाणमंतराणं भवधारणिज्जा य उत्तरवेउव्विया य जहा असुरकुमाराणं तहा भाणियव्वा, जहा वाणमंतराणं तहा जोइसियाणवि.
 सोहम्मे कप्पे देवाणं भंते! केमहालिआ० पं०?. गो०! दुविहा पं० तं०-भवधारणिज्जा य उत्तरवेउव्विया य, तत्थ णं जा सा
 भव० सा जह० अंगुलस्स अ० उक्को० सत्त रयणीओ, तत्थ णं जा सा उत्तर० सा जह० अं० संखे० उक्कोसेणं जोयणसयसहस्सं.
 एवं ईसाणकप्पेऽवि भाणियव्वं, जहा सोहम्मकप्पाणं देवाणं पुच्छा तहा सेसकप्पदेवाणं पुच्छा भाणियव्वा जाव अच्चुअकप्पो,
 सणंकुमारे भव० जह० अंगु० असं० उक्कोसेणं छ रयणीओ, उत्तर० जहा सोहम्मे, भव० जहा सणंकुमारे तहा माहिंदेवि भाणियव्वा,
 बंभलंतगेसु भवधारणिज्जा जह० अं० असं० उक्को० पंच रयणीओ, उत्तरवेउव्विया जहा सोहम्मे, महासुक्कसहस्सारेसु भवधारणिज्जा
 जह० अंगुलस्स असं० उक्को० चत्तारि रयणीओ. उत्तर० जहा सोहम्मे, आणतपाणतआरणअच्चुएसु चउसुवि भवधारणिज्जा जह०
 अंगु० असंखे० उक्कोसेणं तिणिण रयणीओ, उत्तरवेउव्विया जहा सोहम्मे, गेवेज्जगदेवाणं भंते! केमहालिया सरीरोगाहणा पं०?.
 गो०! एगे भवधारणिज्जे सरीरगे पं०, से जह० अंगुलस्स असं० उक्कोसेणं दो रयणीओ, अणुत्तरोववाइअदेवाणं भंते! केम०

॥ श्री अनुयोगद्वारसूत्रं ॥

६२

पू. सागरजी म. संशोधित

पं०? गो०! एगे भव० से जह० अंगु० असं० उक्को० एगा रयणी ३, (एवं सव्वाणं दुविहा भवधारणिज्जा जहन्नेणं अंगुलस्स असंखेज्जइभागो उक्कोसेणं दुगुणा २, उत्तरवेउव्विया जहन्नेणं अंगुलस्स संखेज्जइभागं उक्कोसेणं दुगुणा दुगुणं, एवं असुरकुमाराईणं जाव अणुत्तरविमाणवासीणं सगसगसरीरावगाहणा भाणियव्वा पा०) से समासओ तिविहे पं० तं०-सूइअंगुले पयरंगुले धणंगुले, एगंगुलायया एगपएसिया सेढी सूईअंगुले, सूई सूईए गुणिया पयरंगुले, पयरं सूईए गुणियं घणंगुले, एएसिं णं सूईअंगुलपयरंगुलघणंगुलाणं कयरे कयरेहिंतो अप्पे वा बहुए वा तुल्ले वा विसेसाहिए वा?, सव्वथोवे सूईअंगुले, पयरंगुले असंखेज्जगुणे घणंगुले असंखेज्जगुणे, से तं उस्सेहंगुले, से किं तं पमाणंगुले?, एगमेगस्स रण्णो चाउरंतचक्कवट्टिस्स अट्टसोवणिणए कागणीरयणे छत्तले दुवालसंसिए अट्टकणिणए अहिगरणिसंठाणसंठिए पं०, तस्स णं एगमेगा कोडी उस्सेहंगुलविक्खंभा तं समणस्स भगवओ महावीरस्स अब्दंगुलं तं सहस्सगुणं पमाणंगुलं भवइ, एएणं अंगुलपमाणेणं छ अंगुलाइं पादो दुवालसंगुलाइं विहत्थी दो विहत्थीओ रयणी दो रयणीओ कुच्छी दो कुच्छीओ धणू दो धणुसहस्साइं गाउयं चत्तारि गाउयाइं जोयणं, एएणं पमाणंगुलेणं किं पओयणं? एएणं पमाणंगुलेणं पुढवीणं कंडाणं पातालाणं भवणाणं भवणपत्थडाणं निरयाणं निरयावलीणं निरयपत्थडाणं कप्पाणं विमाणाणं विमाणावलिyaणं विमाणपत्थडाणं टंकाणं कूडाणं सेलाणं सिहरीणं पब्भाराणं विजयाणं वक्खाराणं वासाणं वासहराणं वासहरपव्वयाणं वेलाणं (वलयाणं) वेइयाणं दाराणं तोरणाणं दीवाणं समुहाणं

॥ श्री अनुयोगद्वारसूत्रं ॥

६३

पू. सागरजी म. संशोधित

आयामविक्रंभोच्चतोव्येहपरिक्रवेवा मविज्जंति, से समासओ तिविहे पं० तं०-सेढीअंगुले पयरंगुले घणंगुले, असंखेज्जाओ जोयणकोडाकोडीओ सेढी. सेढी सेढीए गुणिवा पयरं, पयरं सेढीए गुणियं लोगो. संखेज्जएणं लोगो गुणिओ संखेज्जा लोगा, असंखेज्जएणं लोगो गुणिओ असंखेज्जा लोगा, अणंतेणं लोगो गुणिओ अणंता लोगा, एएसिं णं सेढीअंगुलपयरंगुलघणंगुलाणं कयरे कयरेहिंतो अप्पे वा बहुए वा तुल्ले वा विसेसाहिए वा?. सव्वथोवे सेढीअंगुले पयरंगुले असंखेज्जगुणे घणंगुले असंखिज्जगुणे, से तं पमाणंगुले, से तं विभागनिष्फण्णे, से तं खेत्तप्पमाणे ॥१३३॥ से किं तं कालप्पमाणे?, २ दुविहे पं० तं०-पएसनिष्फण्णे अ विभागनिष्फण्णे य॥१३४॥ से किं तं पएसणिष्फण्णे?, २ एगसमयट्ठिइए दु० ति० जाव दस० संखेज्ज० असंखिज्जसमयट्ठिइए, से तं पएसनिष्फण्णे॥१३५॥ से किं तं विभागनिष्फण्णे?, समयाऽऽवलिअ मुहुत्ता दिक्ख अहोरेत्त पक्ख मासा य॥ संवच्छर जुग पलिआ सागर ओसप्पि परिअट्ठा ॥१०३॥ १३६॥ से किं तं समए?, समयस्स णं परूवणं करिस्सामि, से जहानामए तुण्णागदारए सिआ तरूणे बलवं जुगवं जुवाणे अप्पातंके थिरग्गहत्थे दढपाणिपायपासपिट्ठंतरोरुपरिणते तलजमलजुयलपरिघणिभवाह चम्पेद्वगदुहणमुट्ठिअसमाहतनिचितगत्तकाए उरस्सबलसमण्णागए लंघणपवणजइणवायामसमत्थे छेए दक्खे पत्तट्ठे कुसले मेहावी निउणे निउणसिप्पोवणए एगं महत्तीं पंडसाडियं (वा) पट्टसाडियं वा गहाय सयराहं हत्थमेत्तं ओसारेज्जा, तत्थ चोयए पण्णवयं एवं वयासी जेणं कालेणं तेणं तुण्णागदारएणं तीसे पंडसाडियाए वा पट्टसाडियाए वा सयराहं हत्थमेत्ते ओसारिए से समए भवइ?,

नो इण्डे समड्डे कम्हा?. जम्हा संखेज्जाणं तंतूणं समुदयसमितिसमागमेणं एगा पडसाडिया निप्फज्जइ, उवरिल्लमि तंतुमि अच्छिण्णे हिड्डिल्ले तंतू न छिज्जइ, अण्णंमि काले उवरिल्ले तंतू छिज्जइ अण्णंमि काले हिड्डिल्ले तंतू छिज्जइ, तम्हा से समए न भवइ, एवं वयंतं पण्णवयं चोयए एवं वयासी जेणं कालेणं तेणं तुण्णागदारएणं तीसे पडसाडियाए वा पट्टसाडियाए वा उवरिल्ले तंतू छिण्णे से समए भवइ?, न भवइ, कम्हा?, जम्हा संखेज्जाणं पम्माणं समुदयसमितिसमागमेणं एगे तंतू निप्फज्जइ, उवरिल्ले पम्हे अच्छिन्ने हेड्डिल्ले पम्हे न छिज्जइ, अण्णंमि काले उवरिल्ले पम्हे छिज्जइ अण्णंमि काले हेड्डिल्ले पम्हे छिज्जइ, तम्हा से समए न भवइ, एवं वयंतं पण्णवयं चोयए एवं वयासी जेणं कालेणं तेणं तुण्णागदारएणं तस्स तंतुस्स उवरिल्ले पम्हे छिण्णे से समए भवइ?, न भवइ, कम्हा?, जम्हा अणंतणं संघायाणं समुदयसमितिसमागमेणं एगे पम्हे निप्फज्जइ, उवरिल्ले संघाए अविसंघाइए हेड्डिल्ले संघाए न विसंघाइज्जइ, अण्णंमि काले उवरिल्ले संघाए विसंघाइज्जइ अण्णंमि काले हिड्डिल्ले संघाए विसंघाइज्जइ, तम्हा से समए न भवइ, एत्तोऽविय णं सुहुमतराए समए पं० समणाउसो!, असंखिज्जाणं समयाणं समुदयसमितिसमागमेणं सा एगा आवलिअत्ति वुच्चइ, संखेज्जाओ आवलियाओ ऊसासो, संखिज्जाओ आवलियाओ नीसासो हट्ठस्स अणवगल्लस्स निरुवकिट्ठस्स जंतुणो। एगे ऊसासनीसासे, एस पाणुत्ति वुच्चइ ॥४॥ सत्त याणूणि से थोवे, सत्त थोवाणि से लवे। लवाणं सत्तहत्तरीए, एस मुहुत्ते विआहिए ॥५॥ तिण्णि सहस्सा सत्त य सयाइं तेहुत्तरिं च ऊसासा। एस मुहुत्तो भणिओ सब्बेहिं अणंतनाणीहिं ॥१०६॥ एएणं मुहुत्तपमाणेणं

॥ श्री अनुयोगद्वारसूत्रं ॥

६५

पू. सागरजी म. संशोधित

तीसं मुहुत्ता अहोरत्नं पण्णरस अहोरत्ता पक्खो दो पक्खा मासो दो मासा ऊऊ तिण्णि ऊऊ अयणं दो अयणाइं संवच्छरे पंच संवच्छरे जुगे वीसं जुगाइं वाससयं दस वाससयाइं वाससहस्सं सयं वाससहस्साणं वाससयसहस्सं चोरासीई वाससयसहस्साइं से एगे पुव्वंगे चउरासीई पुव्वंगसयसहस्साइं से एगे पुव्वे, चउरासीई पुव्वसयसहस्साइं से एगे तुडिअंगे चउरासीई तुडिअंगसयसहस्साइं से एगे तुडिए चउरासीई तुडिअसयसहस्साइं से एगे अडडंगे चोरासीई अडडंगसयसहस्साइं से एगे अडडे, एवं अववंगे अववे हुहुअंगे हुहुए उप्पलंगे उप्पले पउमंगे पउमे नल्लिणंगे नल्लिणे अच्छिनिऊरंगे अच्छिनिऊरे अउअंगे अउए पउअंगे पउए णउअंगे णउए चूलिअंगे चूलिया सीसपहेलियंगे चउरासीई सीसपहेलियंगसयसहस्साइं सा एगा सीसपहेलिआ, एयावया चेव गणिए एयावया चेव गणिअस्स विसए एत्तोवरं ओवमिए पवत्तइ १३७। से किं तं ओवमिए?, २ दुविहे पं० तं०-पलिओवमे य सागरोवमे य, से किं तं पलिओवमे?, २ तिविहे पं० तं०-उद्धारपलिओवमे अद्धापलिओवमे खेत्तपलिओवमे य, से किं तं उद्धारपलिओवमे?, २ दुविहे पं० तं०-सुहुमे य वावहारिए य, तत्थ णं जे सुहुमे से ठप्पे, तत्थ णं जे से वावहारिए से जहानामए पळे सिआ जोयणं आयामविक्खंभेणं जोअणं उड्ढंउच्चत्तेणं तं तिगुणं सविसेसं परिकखेवेणं, से णं पळे एगाहिअबेआहिअतेआहियजावउक्कोसेणं-सत्तरत्तपरूढाणं संसट्ठे संनिचिते भरिए वालगगकोडीणं, ते णं वालगगा नो अग्गी डहेज्जा नो वाऊ हरेज्जा नो कुहेज्जा नो पल्लिविद्धंसिज्जा णो पूइत्ताए हव्वभागच्छेज्जा, तओ णं समए २ एगमेगं वालगगं अवहाय जावइएणं कालेणं से पळे खीणे नीरए

॥ श्री अनुयोगद्वारसूत्रं ॥

६६

पू. सागरजी म. संशोधित

निल्लेवे णिट्टिए भवइ, से तं वावहारिए उब्दारपलिओवमे, एएसिं पल्लाणं कोडीकोडी हवेज्ज दसगुणिया। तं ववहारिअस्स उब्दारसागरोवमस्स एगस्स भवे परिमाणं॥१०७॥ एएहिं वावहारिअउब्दारपलिओवमसागरोवमेहिं किं पओयणं?, एएहिं० णत्थि किंचिप्पओयणं, केवलं पण्णवणा पण्णविज्जइ, से तं वावहारिए उब्दारपलिओवमे। से किं तं सुहुमे उब्दारपलिओवमे?, २ से जहानामए पल्ले सिआ जोअणं आयामविक्खंभेणं जोअणं उब्बेहेणं तं तिगुणं सविसेसं परिक्खेवेणं, से णं पल्ले एगाहिअबेआहिअतेआहियउक्कोसेणंसत्तरत्तपरूढाणं संसट्ठे संनिचिते भरिए वालगगकोडीणं, तत्थ णं एगमेगे वालगगे असंखिज्जाइं खंडाइं कज्जइ, ते णं वालग्गा दिट्ठीओगाहणाओ असंखेज्जइभागमेत्ता सुहुमस्स पणगजीवस्स सरीरोगाहणाउ असंखेज्जगुणा, ते णं वालग्गा णो अग्गी डहेज्जा णो वाऊ हरेज्जा णो कुहेज्जा णो पल्लिविद्धंसिज्जा णो पूइत्ताए हव्वमागच्छेज्जा, तओ णं समए २ एगमेगं वालगगं अवहाय जावइएण कालेणं से पल्ले खीणे नीरए निल्लेवे णिट्टिए भवइ, से तं सुहुमे उब्दारपलिओवमे, एएसिं पल्लाणं कोडाकोडी०! तं सुहुमस्स उब्दारसागरो वमस्स० ॥१०८॥ एएहिं सुहुमउब्दारपलिओवमसागरोवमेहिं किं पओअणं?, एएहिं० गरोवमेहिं दीवसमुद्दाणं उब्दारो घेप्पइ, केवइया णं भंते! दीवसमुद्दा उब्दारेणं पं०?, गो०! जावइयाणं अइढाइज्जाणं उब्दारसाग० उब्दारसमया एवइया णं दीवसमुद्दा उब्दारेणं पं०, से तं सुहुमे उब्दारपलिओवमे, से तं उब्दा०। से किं तं अब्दा०?, २ दुविहे पं० तं०-सुहुमे य वावहारिए य, तत्थ णं जे से सुहुमे से ठप्पे, तत्थ णं जे से वाव० से जहा० पल्ले० जोअणं आया०

जोयणं ३० तं तिगुणं सवि० परि०, से णं पल्ले एगाहिअवेआहिअतेआहियजावभरिए वालगगकोडीणं, ते णं वालगगा णो अग्गी डहेज्जा जाव णो पलिविद्धंसिज्जा नो पूइत्ताए हव्वमागच्छेज्जा, तओ णं वाससए २ एगमेगं वालगं अवहाय जावइएणं कालेणं से पल्ले खीणे नीरए निल्लेवे निट्टिए भवइ, से तं वावहारिए अद्धापलिओवमे, एएसिं पल्लाणं कोडाकोडी०। तं ववहारिअस्स अद्धासा० एगस्स भवे परिमाणं ॥९॥ एएहिं वावहारिएहिं अद्धा० ५० सागरो० किं ५०?, एएहिं० नत्थि किंचिप्पओयणं, केवलं पण्णव०, से तं वावहारिए अद्धाप०, से किं तं सुहुमे अद्धाप०?, २ पल्ले सिया जोयणं आया० जोयणं उड्ढं० तं तिगुणं सविसे० परि०, से णं पल्ले एगाहियवेया० जावभरिए वालगगकोडीणं, तत्थ णं एगमेगे वालगे असंखेज्जाइं खंडाइं कज्जइ, ते णं वालगगा दिट्ठीओगाहणाओ असंखेज्जइभागमेत्ता सुहुमस्स पणग० सरीरोगाहणाओ असंखेज्जगुणा, ते णं वालगगा णो अग्गी जाव नो पलिविद्धंसिज्जा नो पूइत्ताए हव्वमा०, तओ णं वाससए २ एगमेगं वालगं अवहाय जावइएणं कालेणं से ५० खी० नी० निल्लेवे णिट्टिए भवइ, से तं सुहुमे अद्धा०, एएसिं पल्लाणं०! तं सुहुमस्स अद्धासा० एगस्स भवे परिमाणं ॥११०॥ एएहिं सुहुमेहिं अद्धाप० सागरोवमेहिं किं पओयणं? एएहिं० नेरइयतिरिक्खजोणियमणुस्सदेवाणं आउयं मविज्जइ। १३८। णेरइयाणं भंते! केवइयं कालं ठिई पं०? गो०! जहन्नेणं दस वाससहस्साइं उक्कोसेणं तेत्तीसं सागरोवमाइं, रयणप्पहापुढवीणेरइयाणं भंते! केवइयं कालं ठिई पं०?, गो०! जहं दस वा० उक्को० एगं सागरोवमं, अपज्जत्तगरयणप्पहापुढवीणेरइयाणं भंते! केवइयं० पं०?, गो०! जहन्नेणवि

उक्कोसेणवि अंतोमुहुत्तं, पज्जत्तगरयणप्पं नेइयाणं भंते! केवइ पं०?, गो०! जह० दस वा० अंतोमुहुत्तूणाइं उक्को० एगं सागरोवमं
 अंतोमुहुत्तोणं, सक्करप्पहापुढवीनेइयाणं भंते! केवइ० पं०?, गो०! जह० एगं सागरोवमं उक्को० तिण्णि सागरोवमाइं, एवं
 सेसपुढवीसु पुच्छा भाणियव्वा, वालुअप्पहापुढवीनेइयाणं जह० तिण्णि सागरोवमाइं उक्को० सत्त सागरोवमाइं पंकप्पहापु०
 जह० सत्त० उक्को० दस सा० धूमप्पहापु० जह० दस सा० उक्को० सत्तरस सागरोवमाइं तमप्पहापु० जह० सत्तरस० उक्को०
 बावीस० तमतमापुढवीनेइयाणं भंते! के०?, गो०! जह० बावीसं साग० उक्को० तेत्तीसं सागरोवमाइं, असुरकुमाराणं भंते!
 केवइयं कालं ठिई पं०?, गो०! जहन्नेणं दस वाससहस्साइं उक्को० सातिरेगं सागरोवमं, असुरकुमारदेवीणं भंते! केवइ० पं०?,
 गो०! जह० दस० वा० उक्को० अब्धपंचमाइं पलिओवमाइं, नागकुमाराणं भंते! केव० पं०?, गो०! जह० दस० वास० उक्को०
 देसूणाइं दुण्णि पलिओवमाइं, नागकुमारीणं भंते! केव० पं०?, गो०! ज० दस वास० उक्को० देसूणं पलिओवमं, एवं जहा णाग०
 देवाणं देवीण य तहा जाव थणियकुमाराणं देवाणं देवीण य भाणियव्वं, पुढवीकाइयाणं भंते! के०?, गो०! जह० अंतोमु०
 उक्को० बावीसं वाससहस्साइं, सुहुमपुढवीकाइयाणं ओहियाणं अपज्जत्तयाणं पज्जत्तयाण य तिण्हवि पुच्छा, गो०! जह०
 उक्कोसेणवि अंतोमुहुत्तं, बादरपुढवीकाइयाणं पुच्छा, गो०! जह० अंतोमुहुत्तं उक्को० बावीसं वाससहस्साइं, अपज्जत्तगबादरपु०
 पुच्छा, गो०! जहण्णेणवि उक्कोसेणवि अं०, पज्जत्तगबादरपु० पुच्छा, गो०! जह० अंतोमुहुत्तं उक्को० बावीसं वा० अंतोमुहुत्तूणाइं,

॥ श्री अनुयोगद्वारसूत्रं ॥

६९

पू. सागरजी म. संशोधित

एवं सेसकाइयाणांपि पुच्छावयणं भाणियव्वं, आउकाइयाणं जह० अंतो० उक्को० सत्त वासस०, सुहुमआउकाइ० ओहियाणं
 अपज्जत्तगाणं पज्जत्तगाणं तिण्हवि जहण्णेणवि उक्कोसेणवि अं०, बादरआउका० जहा ओहियाणं, अपज्जत्तगबादरआ० जहन्नेणवि
 उक्कोसेणवि अं०, पज्जत्तगबादरआ० जह० अंतोमुहुत्तं उक्को० सत्तवाससहस्साइं अंतोमुहुत्तूणाइं, तेउकाइयाणं जह० अं० उक्को०
 तिण्णि राइंदिआणं, सुहुमते० ओहिआणं अपज्जत्तगाणं पज्जत्तगाणं तिण्हवि जहण्णेणवि उक्कोसेणवि अं०, बादरतेउकाइयाणं
 ज० अंतो० उक्कोसेणं तिण्णि रा०, अपजत्तबा० ते० जहन्नेणवि उक्को० अंतो०, पज्जत्तगबाद० जह० अंतोमु० उक्को० तिण्णि
 रा० अंतोमुहुत्तूणा, वाउका० जहन्नेणं अंतोमुहुत्तं उक्को० तिण्णि वाससहस्साइं, सुहुमवाउ० ओहियाणं अपज्जत्तगाणं पज्जत्तगाण
 य तिण्हवि जह० उक्को० अंतो० बादरवा० ज० अंतो० उक्को० तिण्णि वा०, अपज्जत्तगबादरवाउकाइ० जह० अं० उक्कोसेणवि
 अं०, पज्जत्तगबादरवाउ० जह० अंतोमुहुत्तं उक्को० तिण्णि वासस० अंतोमु०, वणस्सइकाइआणं जहन्नेणं अं० उक्को० दस
 वाससहस्साइं, सुहुमवणस्सइका० ओहिआणं अपज्जत्तगाणं पज्जत्तगाण य तिण्हवि जहण्णेणवि उक्कोसे० अं०, बादरवणस्सइकाइआणं
 जह० अंतो० उक्को० दस वासस०, अपज्जत्तगबा० जह० उक्को० अंतो०, पज्जत्तगबादरवण० जहन्नेणं अं० उक्कोसेणं दस
 वास० अंतोमुहुत्तूणाइं, बेइंदिआणं भंते! केव० पं०?, गो०! जहन्नेणं अंतोमुहुत्तं उक्को० बारस संवच्छराणि, अपज्जत्तगबेइंदिआणं
 पुच्छा, गो०! जहन्नेणं अंतोमुहुत्तं उक्कोसेणवि अं०, पज्जत्तगबेइं० जह० अं० उक्को० बारससं० अंतोमुहुत्तूणाइं, तेइंदिआणं

॥ श्री अनुयोगद्वारसूत्रं ॥

७०

पू. सागरजी म. संशोधित

पुच्छा, गो०! जह० अं० उक्को० एगूणपण्णासं राइंदियाणं, अपज्जत्तगतेइंदियाणं पुच्छा, गो०! जहण्णेणवि अंतो० उक्को० अं०, पज्जत्तगतेइं० पुच्छा, गो०! जह० अंतोमुहुत्तं उक्को० एगूणपण्णासं राइंदियाइं अंतोमुहुत्तूणाइं, चउरिंदियाणं भंते! केवइ० पं०?, गो०! जह० अंतो० उक्को० छम्मासा, अपज्जत्तगचउरिंदियाणं पुच्छा, गो०! जहन्नेण उक्कोसेणवि अंतो०, पज्जत्तगचउरिंदियाणं पुच्छा, गो०! जहन्नेणं अं० उक्को० छम्मासा अंतो०, पंचिदियतिरिक्खजोणियाणं भंते! केवइ० पं०?, गो०! जह० अंतोमुहुत्तं उक्को० तिण्णि पलिओवमाइं, जलयरपंचिंदियतिरिक्खजोणियाणं भंते! केवइयं कालं ठिई पं०?, गो०! जहन्नेणं अंतोमुहुत्तं उक्कोसेणं पुव्वकोडी, संमुच्छिमजलयरपंचिंदियपुच्छा, गो०! जहन्नेणं अंतो० उक्को० पुव्वकोडी, अणज्जत्तयसंमुच्छिमजलयरपंचिंदियपुच्छा, गो०! जहन्नेण उक्कोसेणवि अंतो०, पज्जत्तयसंमुच्छिमजलयरपंचिंदियपुच्छा, गो०! जह० अंतो० उक्को० पुव्वकोडी अंतोमुहुत्तूणा, गब्भवक्कंतियजलयरपंचिंदियपुच्छा, गो०! जहन्नेणं अंतोमुहुत्तं उक्कोसेणं पुव्वकोडी, अपज्जत्तगगब्भवक्कंतियजलयरपंचिंदियपुच्छा, गो०! जहन्नेण उक्कोसेणवि अंतो०, पज्जत्तगगब्भवक्कंतियजलयरपंचिंदियपुच्छा, गो०! जहन्नेणं अंतोमुहुत्तं उक्कोसेणं पुव्वकोडी अंतोमुहुत्तूणा, चउप्पयथलयरपंचिंदियपुच्छा, गो०! जह० अंतो० उक्को० तिण्णि पलिओवमाइं, संमुच्छिमचउप्पयथलयरपंचिंदिय जाव गो०! जह० अंतो० उक्को० चउरासीई वाससहस्साइं, अपज्जत्तयसंमुच्छिमचउप्पयथलयरपंचिंदियजाव गो०! जहन्नेण उक्कोसेणवि अंतो०, पज्जत्तयसंमुच्छिमचउप्पयथलयरपंचिंदियजाव गो०! जह० अंतो० उक्को० चउरासीई वाससहस्साइं अंतोमुहुत्तूणाइं,

॥ श्री अनुयोगद्वारसूत्रं ॥

७१

पू. सागरजी म. संशोधित

गम्भवक्कंतियचउप्पयथलयरपंचिंदिय जाव गो०! जह० अंतो उक्को० तिण्णि पलिओवमाइं, अपज्जत्तगगम्भवक्कंतियचउप्पयथलयर-
 पंचिंदियजाव गो०! जहण्णेण उक्कोसेणवि अंतो०, पज्जत्तगगम्भवक्कंतियचउप्पयथलयरपंचिंदियजाव गो०! जह० अंतो०
 उक्को० तिण्णि पलिओवमाइं अंतोमुहुत्तूणाइं, उरपरिसप्पथलयरपंचिंदियपुच्छा, गो०! जह० अंतो० उक्को० पुव्वकोडी
 संमुच्छिमउरपरिसप्पथलयरपंचिंदियपुच्छा, गो०! जह० अंतो० उक्को० तेवन्नं वाससहस्साइं, अपज्जत्तयसंमुच्छिमउरपरिसप्पथलयरपंचिंदिय
 जाव गो०! जहण्णेणवि अं० उक्कोसेणवि अंतो०, पज्जत्तयसंमुच्छिमउरपरिसप्पथलयरपंचिंदियजाव गो०! जह० अंतो० उक्को०
 तेवण्णं वाससहस्साइं अंतोमुहुत्तूणाइं, गम्भवक्कंतियउरपरिसप्पथलयरपंचिंदियजाव गो०! जह० अंतो० उक्को० पुव्वकोडी,
 अपज्जत्तगगम्भवक्कंतियउरपरिसप्पथलयरपंचिंदियजाव गो०! जहन्नेण उक्कोसेणवि अंतो०, पज्जत्तयगम्भवक्कंतियउरपरिसप्पथलयर-
 पंचिंदियजाव गो०! जह० अंतो० उक्को० पुव्वकोडी अंतोमुहुत्तूणा, भुअपरिसप्पथलयरपंचिंदियजाव गो०! जहण्णेण अंतो०
 उक्कोसेणं पुव्वकोडी, संमुच्छिमभुयपरिसप्पथल०?, गो०! जह० अं० उक्को० बायालीसं वाससहस्साइं अपज्जत्तयसंमुच्छिम-
 भुयपरिसप्पथलयरपंचिंदिय जाव गो०! जह० उक्को० अंतो०, पज्जत्तगसंमुच्छिमभुयपरिसप्पथलयरपंचिंदियजाव गो०! जह० अंतो०
 उक्को० बायालीसं वाससहस्साइं अंतो०, गम्भवक्कंतियभुयपरिसप्पथलयरपंचिंदिय जाव गो०! जह० अंतो० उक्को० पुव्वकोडी,
 अपज्जत्तयगम्भवक्कंतियभुयपरिसप्पथलयरपंचिंदिय जाव गो०! जहन्नेण उक्कोसेणवि अंतो०, पज्जत्तयगम्भवक्कंतियभुयपरिसप्प-

थलयरपंचिंदिय जाव गो०! जह० अंतो० उक्को० पुव्वकोडी अंतोमुहुत्तूणा, खहयरपंचिंदिय जाव गो०! जह० अंतो० उक्को० पलिओवमस्स असंखेज्जइभागो, संमुच्छिमखहयरपंचिंदिय जाव गो०! जह० अंतो० उक्को० बावत्तरि वाससहस्साइं, अपज्जत्तगसंमुच्छिमखहयरपंचिंदियपुच्छा, गो०! जह० उक्को० अंतो०, पज्जत्तगसंमुच्छिमखहयरपंचिंदिय जाव गो०! जहन्नेणं अंतो० उक्को० बावत्तरि वाससहस्साइं अंतोमुहुत्तूणाइं, गब्भवक्कंतियखहयर० जाव गो०! जह० अंतो० उक्को० पलिओवमस्स असंखेज्जइभागो, अपज्जत्तगग्भवक्कंतियखहयर जाव गो०! जहण्णेणवि उक्को० अंतो०, पज्जत्तग० खहयरपंचिंदियतिरिक्खजोणियाणं भंते! केवइयं कालं ठिई पं०, गो०! जह० अंतो० उक्को० पलिओवमस्स असंखिज्जइभागो अंतोमुहुत्तूणो, एत्थ एएसिं णं संगहणिगाहाओ भवंति तंजहा संमुच्छिम पुव्वकोडी चउरासीई भवे सहस्साइं। तेवण्णा बायाला बावत्तरिमेव पक्खीणं ॥११॥ गब्भंमि पुव्वकोडी तिण्णि य पलिओवमाइं परमाऊ। उरग भुअ पुव्वकोडी पलिओवमऽसंखभागो अ ॥२॥ मणुस्साणं भंते! केवइ० पं०?, गो०! जह० अंतो० उक्को० तिण्णि पलिओवमाइं, संमुच्छिममणुस्साणं जाव गो०! जहण्णेण उक्को० अंतो०, गब्भवक्कंतियमणुस्साणं जाव गो०! जह० अंतो० उक्को० तिण्णि पलिओवमाइं, अपज्जत्तगग्भव० मणुस्साणं भंते! केवइ० पं०?, गो०! जह० उक्को० अंतो० पज्जत्तगग्भव० मणुस्साणं भंते! केवइ०?, गो०! जह० अंतो० उक्को० तिण्णि पलि० अंतोमुहुत्तूणाइं, वाणमंतराणं देवाणं केवइ०?, गो०! जह० दस वाससहस्साइं उक्को० पलिओवमं, वाणमंतरीणं देवीणं भंते! केव०?, गो०! जह०

॥ श्री अनुयोगद्वारसूत्रं ॥

७३

पू. सागरजी म. संशोधित

दस वाससहस्साइं उक्को० अद्धपलिओवमं, जोइसियाणं भंते! देवाणं केवइ०?, गो०! जह० सातिरेगं अट्टभागपलिओवमं उक्को० पलिओवमं वाससयसहस्समब्भहियं, जोइसियदेवीणं भंते! केवइ०? गो०! जहन्नेणं अट्टभागपलिओवमं उक्कोसेणं अद्धपलिओवमं पण्णासाए वाससहस्सेहिं अब्भहियं, चंदविमाण्णाणं भंते! देवाणं केव०?, गो०! जह० चउभागपलिओवमं उक्को० पलिओवमं वाससयसहस्समब्भहियं, चंदविमाण्णाणं भंते! देवीणं?, गो०! जह० चउभागपलिओवमं उक्को० अद्धपलिओवमं पण्णासाए वाससहस्सेहिं अब्भहियं, सूरविमाण्णाणं भंते! देवाणं०?, गो०! जह० चउभागपलिओवमं उक्को० पलिओवमं वाससहस्समब्भहियं, सूरविमाण्णाणं देवीणं०?, गो०! जह० चउभागपलिओवमं उक्को० अद्धपलिओवमं पंचहिं वाससएहिं अब्भहियं, गहविमाण्णाणं देवाणं०?, गो०! जह० चउभागपलिओवमं उक्को० पलिओवमं, गहविमाण्णाणं भंते! देवीणं०?, गो०! जह० चउभागपलिओवमं उक्को० अद्धपलिओवमं, णक्खत्तविमाण्णाणं भंते! देवाणं०?, गो०! जह० चउभागपलिओवमं उक्को० अद्धपलिओवमं, णक्खत्तविमाण्णाणं भंते! देवीणं०?, गो०! जह० चउभागपलिओवमं उक्को० सातिरेगं चउभागपलिओवमं, ताराविमाण्णाणं भंते!०?, गो०! जह० साइरेगं अट्टभागपलिओवमं उक्को० चउभागपलिओवमं, ताराविमाण्णाणं देवीणं भंते! केवइयं०?, गो०! जह० अट्टभागपलिओवमं उक्को० साइरेगं अट्टभागपलिओवमं, वेमाणियाणं भंते! देवाणं केव० पं०?, गो०! जह० पलिओवमं उक्को० तेत्तीसं सागरोवमाइं, वेमाणियाणं भंते! देवीणं केवइ० पं०?, गो०! जह० पलिओवमं उक्को० पणपणं पलिओवमाइं,

॥ श्री अनुयोगद्वारसूत्रं ॥

७४

पू. सागरजी म. संशोधित

सोहम्मे णं भंते! कप्पे देवाणं०? गो०! जह० पलिओवमे उक्को० दो सागरोवमाइं, सोहम्मे णं भंते! कप्पे परिग्गहियादेवीणं०?, गो०! जह० पलिओवमं उक्को० सत्त पलिओवमाइं, सोहम्मे णं भंते! अपरिग्गहिआदेवीणं के०?, गो०! जह० पलिओवमं उक्को० पण्णासं पलिओवमाइं, ईसाणे णं भंते! कप्पे देवाणं०?, गो०! जह० साइरेगं पलिओवमं उक्को० साइरेगाइं दो सागरोवमाइं, ईसाणे णं भंते! कप्पे परिग्गहिआदेवीणं के०?, गो०! जह० साइरेगं पलिओवमं उक्को० नव पलिओवमाइं, अपरिग्गहियादेवीणं०?, गो०! जह० साइरेगं पलि० उक्को० पणपणं पलिओवमाइं, सणंकुमारे णं भंते! कप्पे देवाणं०?, गो०! जह० दो सागरोवमाइं उक्कोसेणं सत्त सागरोवमाइं, माहिंदे णं भंते! कप्पे देवाणं०?, गो०! जह० साइरेगाइं दो सागरोवमाइं उक्को० साइरेगाइं सत्त सागरोवमाइं, बंभलोए णं भंते! कप्पे देवाणं०?, गो०! जह० सत्त सागरोवमाइं उक्को० दस सागरोवमाइं, एवं कप्पे कप्पे केवइ० पं०?, गो०! एवं भाणियव्वं लंतए जह० दस सागरोवमाइं उक्को० चउदस सागरोवमाइं, महासुक्के जह० चउदस सागरोवमाइं उक्को० सत्तरस सागरोवमाइं, सहस्सारे जह० सत्तरस सागरोवमाइं उक्को० अट्ठारस सागरोवमाइं, आणए जह० अट्ठारस सागरोवमाइं उक्को० एगूणवीसं सागरोवमाइं, पाणए जह० एकूणवीसं साग० उक्को० वीसं सागरोवमाइं, आरणे जह० वीसं सा० उक्को० एकवीसं सागरोवमाइं, अच्चुए जह० एकवीसं सागरोवमाइं उक्को० बावीसं सागरोवमाइं, हेट्ठिमहेट्ठिमगेविज्जविमाणेसु णं भंते! देवाणं केवइ०?, गो०! जह० बावीसं सागरोवमाइं उक्को० तेवीसं सागरोवमाइं, हेट्ठिममज्झिमगेवेज्जविमाणेसु णं भंते! देवाणं केव०?

॥ श्री अनुयोगद्वारसूत्रं ॥

७५

पू. सागरजी म. संशोधित

गो०! जह० तेवीसं सागरोवमाइं उक्को० चउवीसं सागरोवमाइं, हेट्टिमउवरिमगेवेज्जविमाणेसु णं भंते! देवाणं०?, गो०! जह० चउवीसं साग० उक्को० पंचवीसं साग० मज्झिमहेट्टिमगेवेज्जविमाणेसु केव०?, जह० पणवीसं सागरोवमाइं उक्को० छव्वीसं सागरोवमाइं, मज्झिममज्झिमगेवेज्जविमाणेसु णं भंते०?, गो०! जह० छव्वीसं सागरोवमाइं उक्को० सत्तावीसं सागरोवमाइं, मज्झिमउवरिमगेवे०?, गो०! जह० सत्तावीसं सा० उक्को० अट्ठावीसं०, उवरिमहेट्टिमगेवि० देवाणं०?, गो०! जह० अट्ठावीसं सा० उक्को० एगूणतीसं सागरोवमाइं, उवरिममज्झिमगेविज्जविमाणेसु णं भंते! देवाणं०?, गो०! जह० एगूणतीसं सागरोवमाइं उक्को० तीसं सागरोवमाइं, उवरिमउवरिमगेवेज्जविमाणेसु णं भंते! देवाणं०?, गो०! जह० तीसं सागरोवमाइं उक्को० एकतीसं सागरोवमाइं, विजयवेजयंतजयंतअपराजितविमाणेसु णं भंते! देवाणं केवइ०?, गो०! जहण्णेणं एकतीसं सागरोवमाइं उक्को० तेत्तीसं सागरोवमाइं, सव्वट्ठसिद्धे णं भंते! महाविमाणे देवाणं केवइ०?, गो०! अजहण्णमणुक्कोसेणं तेत्तीसं सागरोवमाइं, से तं सुहुमे अद्धापलिओवमे, से तं अद्धापलिओवमे १३९१ से किं तं खेत्तपलिओवमे?, २ दुविहे पं० तं०-सुहुमे य वावहारिए य, तत्थ णं जे से सुहुमे से ठप्पे, तत्थ णं जे से वावहारिए से जहानामए पल्ले सिआ जोयणं आयामविव्खंभेणं जोयणं उव्वेहेणं तं तिगुणं सविसेसं परिवक्खेवेणं, से णं पल्ले एगाहियबेआहियतेआहियजावभरिए वालग्गकोडीणं, ते णं वालग्गा णो अग्गी डहेज्जा जाव णो पूइत्ताए हव्वमागच्छेज्जा, जे णं तस्स पल्लस्स आगासपएसो तेहि वालग्गेहिं अप्फुत्ता तओ णं समए २ एगमेगं आगासपएसं

॥ श्री अनुयोगद्वारसूत्रं ॥

७६

पू. सागरजी म. संशोधित

अवहाय जावइएणं कालेणं से पळे खीणे जाव निट्टिए भवइ से तं वावहारिए खेत्तपलिओवमे, एएसिं पल्लाणं कोडाकोडी०। तं ववहारियस्स खेत्तसाग० ॥११३॥ एएहिं वावहारिएहिं खेत्तपलिओवमसागरोवमेहिं किं पओयणं? एएहिं वा० नत्थि किंचिप्पओयणं, केवलं पण्णवणा पण्णविज्जइ, से तं वाव०, से किं तं सुहुमे खेत्तपलिओवमे?, २ से जहाणामए पळे सिया जोयणं आयाम जाव परिक्खेवेणं, से णं पळे एगाहियवेआहियतेआहियजावभरिए वालग्गकोडीणं, तत्थ णं एगमेगे वालग्गे असंखिज्जाइं खंडाइं कज्जइ, ते णं वालग्गा दिट्ठीओगाहणाओ असंखेज्जइभागमेत्ता सुहुमस्स पणगजीवस्स सरीरोगाहणाओ असंखेज्जगुणा, ते णं वालग्गा णो अग्गी डहेज्जा जाव णो पूइत्ताए हव्वमागच्छेज्जा, जे णं तस्स पल्लस्स आगासपएसो तेहिं वालग्गेहिं अप्फुन्ना वा अणाफुण्णा वा तओ णं समए २ एगमेगं आगासपएसं अवहाय जावइएणं कालेणं से पळे खीणे जाव णिट्टिए भवइ, से तं सुहुमे खेत्तपलिओवमे, तत्थ णं चोयए पण्णवगं एवं वयासी अत्थि णं तस्स पल्लस्स आगासपएसो जे णं तेहिं वालग्गेहिं अणाफुण्णा?, हंता अत्थि, जहा को दिट्ठंतो?, से जहाणामए कोट्टए सिया कोहंडाणं भरिए तत्थ णं माउलिंगा पक्खित्ता तेवि माया, तत्थ णं बिल्ला पक्खित्ता तेवि माया, तत्थ णं आमलगा पक्खित्ता तेवि माया, तत्थ णं बयरा प० तेऽवि माया, तत्थ णं चणगा प० तेवि माया, तत्थ णं मुग्गा पक्खि०, तत्थ णं सरिसबा प०, तत्थ णं गंगावालुया पक्खित्ता सावि माया, एवमेव एएणं दिट्ठंतेणं अत्थि णं तस्स पल्लस्स आगासपएसो जे णं तेहिं वालग्गेहिं अणाप्फुण्णा एएसिं पल्लाणं कोडाकोडी०।

॥ श्री अनुयोगद्वारसूत्रं ॥

७७

पू. सागरजी म. संशोधित

तं सुहुमस्स खेत्तसागरो० ॥११४॥ एएहिं सुहुमेहिं खेत्तप० सागरोवमेहिं किं पओयणं? एएहिं सुहुमपलि० दिट्ठिवाए दव्वा भविजंति ॥१४०॥ कइविहा णं भंते! दव्वा पं०?, गो०! दुविहा दव्वा पं० तं०-जीवदव्वा य अजीवदव्वा य, अजीवदव्वा णं भंते! कइविहा पं०?, गो०! अजी० दुविहा पं० तं०-रूवीअजीवदव्वा य अरूवीअजीवदव्वा य, अरूवीअजीवदव्वाणं भंते! कइविहा पं०?, गो०! अरू० दसविहा पं० तं०-धम्मत्थिकाए धम्मत्थिकायस्स देसा धम्मत्थिकायस्स पएसो अधम्मत्थिकाए अधम्मत्थिकायस्स देसा अधम्मत्थिकायस्स पएसो आगासत्थिकाए आगासत्थिकायस्स देसा आगस० पएसो अब्बासमए, रूवीअजीवदव्वाणं भंते! कइविहा पं०?, गो०! रूवी० चउव्विहा पं० तं०-खंधा खंधदेसा खंधप्पएसो परमाणुपोग्गला, ते णं भंते! किं संखिज्जा असंखिज्जा अणंता?, गो०! नो संखेज्जा नो असंखेज्जा अणंता, से केणट्ठेणं भंते! एवं वुच्चइ नो संखेज्जा नो असंखेज्जा अणंता?, गो०! अणंता परमाणुपोग्गला अणंता दुपएसिया खंधा जाव अणंता अणंतपएसिया खंधा, से एएणट्ठेणं गो०! एवं वुच्चइ नो संखेज्जा नो असं० अणंता, जीवदव्वा णं भंते! किं संखिज्जा असंखिज्जा अणंता?, गो०! नो संखिज्जा नो असंखिज्जा अणंता, से केणट्ठेणं भंते! एवं वुच्चइ नो संखिज्जा नो असंखिज्जा अणंता?, गो०! असंखेज्जा णेरइया असंखेज्जा असुरकुमारो जाव असंखेज्जा थणियकुमारो असंखिज्जा पुढवीकाइया जाव असंखिज्जा वाउकाइया अणंता वणस्सइकाइया असंखेज्जा बेइंदिया जाव असंखिज्जा चउरिंदिया असंखिज्जा पंचिंदियतिरिक्खजोणिया असंखिज्जा मणुस्सा असंखिज्जा वाणमंतरा असंखिज्जा जोइसिया असंखेज्जा

॥ श्री अनुयोगद्वारसूत्रं ॥

७८

पू. सागरजी म. संशोधित

वेमाणिया अणंता सिद्धा, से एएणट्ठेणं गो०! एवं वुच्चइ नो संखिज्जा नो असंखिज्जा अणंता १४११ कइविहा णं भंते! सरीरा पं०?, गो०! पंच सरीरा पं० तं०-ओरालिए वेउव्विए आहारए तेयए कम्मए, णेरइआणं भंते! कइ सरीरा पं०?, गो०! तओ सरीरा पं०तं०-वेउव्विए तेयए कम्मए, असुरकुमाराणं भंते! कइ सरीरा पं०?, गो०! तओ सरीरा पं० तं०-वेउ० तेय कम्मए, एवं तिण्णि २ एए चेव सरीरा जाव थणियकुमाराणं भाणियव्वा, पुढवीकाइयाणं भंते! कइ सरीरा पं०?, गो०! तओ सरीरा पं० तं०-ओरालिए तेयए कम्मए, एवं आउतेउवणस्सइकाइयाणं एए चेव तिण्णि सरीरा भाणियव्वा, वाउकाइयाणं जाव गो०! चत्तारि सरीरा पं० तं०-उरालिए वेउव्विए तेयए कम्मए, बेइंदियतेइंदियचउरिदियाणं जहा पुढवीकाइयाणं, पंचिंदिअतिरिक्खजोणियाणं जहा वाउकाइयाणं, मणुस्साणं जाव गो०! पंच सरीरा पं० तं०-ओरालिए वेउव्विए आहारए तेयए कम्मए, वाणमंतराणं जोइसियाणं वेमाणियाणं जहा नेरइयाणं, केवइया णं भंते! ओरालिअसरीरा पं०?, गो०! दुविहा पं० तं०-बद्धेल्लगा य मुक्केल्लगा य, तत्थ णं जे ते बद्धेल्लगा ते णं असंखिज्जा असंखिज्जाहिं उस्सप्पिणीओसप्पिणीहिं अवहीरंति कालओ खेत्तओ असंखेज्जा लोगा, तत्थ णं जे ते मुक्केल्लगा ते णं अणंता अणंताहिं उस्सप्पिणीओसप्पिणीहिं अवहीरंति कालओ खेत्तओ अणंता लोगा दव्वओ अभवसिद्धिएहिं अणंतगुणा सिद्धाणं अणंतभागो। केवइआणं भंते! वेउव्विअसरीरा पं०?, गो०! दुविहा पं० तं०-बद्धेल्लया य मुक्केल्लयाय, तत्थ णं जे ते बद्धेल्लया ते णं असंखिज्जा असंखेज्जाहिं उस्सप्पिणीओसप्पिणीहिं अवहीरंति कालओ खेत्तओ

॥ श्री अनुयोगद्वारसूत्रं ॥

७९

पू. सागरजी म. संशोधित

असंखिज्जाओ सेढीओ पयरस्स असंखेज्जइभागो, तत्थ णं जे ते मुक्केल्लया ते णं अणंता अणंताहिं उस्सप्पिणीओसप्पिणीहिं अवहीरंति कालओ सेसं जहा ओरालिअस्स मुक्केल्लया तहा एएवि भाणियव्वा, केवइया आहारगसं?, गो०! दुविहा पं० तं०-बद्धे० मुक्के०, तत्थ णं जे ते बद्धेल्लया ते णं सिय अत्थि सिय नत्थि, जइ अत्थि जहणणेणं एगो वा दो वा तिण्णि वा उक्कोसेणं सहस्सपुहत्तं, मुक्केल्लया जहा ओरा० तहा भाणिअव्वा, केवइया णं भंते! तेयगसरीरा पं०?, गो०! दुविहा पं० तं०-बद्धेल्लया य मुक्केल्लया य, तत्थ णं जे ते बद्धेल्लया ते णं अणंता अणंताहिं उस्सप्पिणीओसप्पिणीहिं अवहीरंति कालओ खेत्तओ अणंता लोगा दव्वओ सिद्धेहिं अणंतगुणा सव्वजीवाणं अणंतभागूणा, तत्थ जे ते मुक्केल्लया ते णं अणंता अणंताहिं उस्सप्पिणीओसप्पिणीहिं अवहीरंति कालओ खेत्तओ अणंता लोगा दव्वओ सव्वजीवेहिं अणंतगुणा सव्वजीववग्गस्स अणंतभागो, केवइ० कम्मगसरीरा पं०?, गो०! दुविहा पं० तं०-बद्धे० मुक्के० जहा तेअगसरीरा तहा कम्मगसरीरावि भाणिअव्वा। नेरइयाणं भंते! केवइया ओरालियसरीरा पं०?, गो०! दुविहा पं० तं०-बद्धेल्लया य मुक्केल्लया य, तत्थ णं जे ते बद्धेल्लया ते णं नत्थि, तत्थ णं जे ते मुक्केल्लया ते जहा ओहिया ओरालियसरीरा तहा भाणियव्वा, नेरइयाणं भंते! केवइया वेउव्वियसरीरा पं०?, गो०! दुविहा पं० तं०-बद्धेल्लया य मुक्केल्लया य, तत्थ णं जे ते बद्धेल्लया तेणं असंखिज्जा असंखिज्जाहिं उस्सप्पिणीओसप्पिणीहिं अवहीरंति कालओ खेत्तओ असंखेज्जाओ सेढीओ पयरस्स असंखिज्जइभागो तासिं णं सेढीणं विक्रखंभसूईअंगुलपढमवग्गमूलं

बिड़अवगगमूलपडुप्पणं अहवणं अंगुलबिड़अ वगगमूलघणपमाणमेत्ताओ सेढीओ, तत्थ णं जे ते मुक्केल्लया ते णं जहा ओहिया ओरालियसरीरा तहा भाणियव्वा, णेरइयाणं भंते! केवइया आहारगसरीरा पं०?, गो०! दुविहा पं० तं०-बद्धे० मुक्के०, तत्थ णं जे ते बद्धेल्लया ते णं नत्थि, तत्थ णं जे ते मुक्केल्लया ते जहा ओहिया ओरालिया तहा भाणियव्वा, तेयगकम्मगसरीरा जहा एसिं चेव वेउव्वियसरीरा तहा भाणियव्वा, असुरकुमाराणं भंते! केवइया ओरालियसरीरा पं०?, गो०! जहा नेरइयाणं ओरालिया तहा भा०, असुरकुमाराणं भंते! के० वेउव्वियसरीरा पं०?, गो०! दुविहा पं० तं०-बद्धेल्लया य मुक्केल्लया य, तत्थ णं जे ते बद्धेल्लया ते णं असंखिज्जा असंखिज्जाहिं उस्सप्पिणीओसप्पिणीहिं अवहीरंति कालओ खेत्तओ असंखेज्जाओ सेढीओ पयरस्स असंखिज्जइभागो तासिं णं सेढीणं विक्खंभसूई अंगुलपढमवगगमूलस्स असंखिज्जइभागो, मुक्केल्लया जहा ओहिया ओरालियसरीरा, असुरकु० केवइया आहारगसरीरा पं०?, गो०! दुविहा पं० तं०-बद्धे० मुक्के०, जहा एसिं चेव ओरा० तहा भा०, तेअगकम्मा जहा एसिं वेउ० तहा भाणियव्वा, जहा असुरकुमाराणं तहा जाव थणिय० ताव भाणियव्वं। पुढवीकाइयाणं भंते! केवइया ओरालियसरीरा पं०?, गो०! दुविहा पं० तं०-बद्धेल्लया य मुक्केल्लया य, एवं जहा ओहिया ओरालियसरीरा तहा भा०, पुढवीका० केवइया वेउव्वियसरीरा पं०?, गो०! दुविहा पं० तं०-बद्धेल्लया य मुक्केल्लया य, तत्थ णं जे ते बद्धेल्लया ते णं नत्थि, मुक्केल्लया जहा ओहियाणं ओरालियसरीरा तहा भा०, आहारगसरीरावि एवं चेव भाणियव्वा, तेयगकम्मसरीरा जहा एसिं चेव ओरालियसरीरा,

॥ श्री अनुयोगद्वारसूत्रं ॥

८१

पू. सागरजी म. संशोधित

जहा पुढवीकाइयाणं एवं आउकाइयाणं तेउकाइयाणं य सव्वसरीरा भाणियव्वा, वाउकाइयाणं भंते! केवइया ओरालियसरीरा पं०?, गो०! दुविहा पं० तं०-बद्धेल्लया य मुक्केल्लया य, जहा पुढवीकाइयाणं ओरालियसरीरा तहा भाणियव्वा, वाउकाइयाणं भंते! केवइया वेउव्वियसरीरा पं० ?, गो०! दुविहा पं० तं०-बद्धेल्लया य मुक्केल्लया य, तत्थ णं जे ते बद्धेल्लया ते णं असंखिज्जा समए २ अवहीरमाणा २ खेत्तपलिओवमस्स असंखिज्जइभागमेत्तेणं कालेणं अवहीरंति नो चेव णं अवहिया सिया, मुक्केल्लया वेउव्वियसरीरा आहारगसरीरा य जहा पुढवीकाइयाणं तहा भाणियव्वा, तेयगकम्मसरीरा जहा पुढवीकाइयाणं तहा भाणियव्वा, वणस्सइकाइयाणं ओरालियवेउव्वियआहारगसरीरा जहा पुढवीकाइयाणं तहा भाणियव्वा, वणस्सइकाइयाणं भंते! केवइया तेयगसरीरा पं०?, गो०! दुविहा पं० जहा ओहिया तेयगकम्मसरीरा तहा वणस्सइकाइयाणवि तेयगकम्मगसरीरा भाणियव्वा। बेइंदियाणं भंते! केवइया ओरालियसरीरा पं०?, गो०! दुविहा पं० तं०-बद्धेल्लया य मुक्केल्लया य, तत्थ णं जे ते बद्धेल्लया ते णं असंखिज्जा असंखिज्जाहिं उस्सप्पिणीओसप्पिणीहिं अवहीरंति कालओ खेत्तओ असंखेज्जाओ सेढीओ पयरस्स असंखिज्जइभागो तासिं णं सेढीणं विक्खंभसूई असंखेज्जाओ जोयणकोडाकोडीओ असंखिज्जाइं सेढिवग्गमूलाइं बेइंदियाणं ओरालियबद्धेल्लएहिं पयरं अवहीरइ असंखिज्जाहिं उस्सप्पिणीओसप्पिणीहिं कालओ खेत्तओ अंगुलपयरस्स आवलियाए असंखेज्जइपडिभागेणं, मुक्केल्लया जहा ओहिया ओरालियसरीरा तहा भाणियव्वा, वेउव्वियआहारगसरीरा बद्धेल्लया नत्थि, मुक्केल्लया जहा ओहिया

ओरालियसरीरा तहा भाणियव्वा, तेयगकम्मगसरीरा जहा एएसिं चेव ओरालियसरीरा तहा भाणियव्वा, जहा बेइंदियाणं तहा तेइंदियचउरिंदियाणवि भाणियव्वा, पंचिंदियतिरिक्खजोणियाणवि ओरालियसरीरा एवं चेव भाणियव्वा, पंचिंदियतिरिक्खजोणियाणं भंते! केवइया वेउव्वियसरीरा पं०?, गो०! दुविहा पं० तं०-बद्धेल्लया य मुक्केल्लया य, तत्थ णं जे ते बद्धेल्लया ते णं असंखिज्जा असं खिज्जाहिं उस्सप्पिणीओसप्पिणीहिं अवहीरंति कालओ खेत्तओ असंखिज्जाओ सेढीओ पयरस्स असंखिज्जइभागो तासिं णं सेढीणं विक्खंभसूई अंगुलपढमवग्गमूलस्स असंखिज्जइभागो, मुक्केल्लया जहा ओहिया ओरालिया तहा भा०, आहारयसरीरा जहा बेइंदियाणं, तेयगकम्मसरीरा जहा ओरालिया, मणुस्साणं भंते! केवइया ओरालियसरीरा पं०?, गो०! दुविहा पं० तं०-बद्धेल्लया य मुक्केल्लया य, तत्थ णं जे ते बद्धेल्लया ते णं सिय संखिज्जा सिय असंखिज्जा जहण्णपए संखेज्जा संखिज्जाओ कोडाकोडीओ एगूणतीसं ठाणाइं तिजमलपयस्स उवरिं चउजमलपयस्स हेट्ठा अहवणं छट्ठो वग्गो पंचमवग्गपडुप्पण्णो अहवणं छण्णउइछेअणगदायिरासी, उक्कोसपए असंखेज्जा असंखिज्जाहिं उस्सप्पिणीओसप्पिणीहिं अवहीरंति कालओ खेत्तओ उक्कोसपए रूवपक्खित्तेहिं मणुस्सेहिं सेढी अवहीरइ कालओ असंखिज्जाहिं उस्सप्पिणीओसप्पिणीहिं खेत्तओ अंगुलपढमवग्गमूलं तइयवग्गमूलपडुप्पणं, मुक्केल्लया जहा ओहिया ओरालिया तहा भाणियव्वा, मणुस्साणं भंते! केवइया वेउव्वियसरीरा पं०?, गो०! दुविहा पं० तं०-बद्धेल्लया य मुक्के० य, तत्थ णं जे ते बद्धेल्लया ते णं संखिज्जा समए २ अवहीरभाणा २ संखेज्जेणं कालेणं

॥ श्री अनुयोगद्वारसूत्रं ॥

८३

पू. सागरजी म. संशोधित

अवहीरंति नो चेव णं अवहिया सिया, मुक्के० जहा ओहिया ओरालियाणं मुक्के० तहा भा०, मणुस्साणं भंते! केवइया आहारगसरीरा पं०?, गो०! दुविहा पं० तं-बद्धेल्लया य मुक्के० य, तत्थ णं जे ते बद्धे० ते णं सिय अत्थि सिय नत्थि, जइ अत्थि जहत्तेणं एक्को वा दो वा तिण्णि वा उक्कोसेणं सहस्सपुहुत्तं, मुक्केल्लया जहा ओहिया, तेअगकम्मगसरीरा जहा एएसिं चेव ओरालिया तहा भाणियव्वा। वाणमंतराणं ओरालिअसरीरा जहा नेरइयाणं, वाणमंतराणं भंते! केवइया वेउव्विअसरीरा पं०?, गो०! दुविहा पं० तं०-बद्धेल्लया य मुक्केल्लया य, तत्थ णं जे ते बद्धेल्लया ते णं असंखेज्जा असंखिज्जाहिं उस्सप्पिणीओसप्पिणीहिं अवहीरंति कालओ खेत्तओ असंखिज्जाओ सेढीओ पयरस्स असंखिज्जइभागो तासिं णं सेढीणं विक्खंभसूई संखेज्जोअणसयवग्गपलिभागो पयरस्स, मुक्के० जहा ओहिया ओरालिया तहा भा०, आहा० दुविहावि जहा असु० तहा भा०, वाण० भंते! केवइया तेअगस० पं०?, गो०! जहा एएसिं चेव वेउव्वि० तहा तेअग० भाणियव्वा, जोइसियाणं भंते! केव०?, गो०! दुविहा पं० तं०-बद्धे० मुक्के०, तत्थ णं जे ते ब० जाव तासिं णं सेढीणं विक्खंभसूई बेछप्पणंगुलसयवग्गपलिभागो पयरस्स, मुक्के० जहा ओ० ओरा० तहा भा०, आहा रया जहा नेर० तहा भा०, तेअ० जहा एएसिं चेव वेउ० तहा०, वेमाणियाणं भंते! केव० ओरा० ?, गो०! जहा ने० तहा०, वेमाणि० केव० वेउ० पं०?, गो०! दुविहा पं० तं०-बद्धे० मुक्के०, तत्थ णं जे ते ब० ते णं असंखिज्जा असंखेज्जाहिं उस्स० अवहीरंति कालओ खेत्तओ असं० सेढीओ पयरस्स असंखे० तासिं णं सेढीणं विक्खंभसूई अंगुलबीयवग्गभूलं

॥ श्री अनुयोगद्वारसूत्रं ॥

८४

पू. सागरजी म. संशोधित

तइयवग्गमूलपडुप्पणं अहवणं अंगुलतइयवग्गमूलधणप्पमाणमेत्ताओ सेढीओ, मुक्केल्लया जहा ओहिया ओरालिया तहा भा०, आहा० जहा नेरइयाणं, तेयग० जहा एएसिं चेव वेउव्विअसरीरा तहा भाणियव्वा, से तं सुहुमे खेत्तपलिओवमे, से तं खेत्तपलिओवमे, से तं पलिओवमे, से तं विभागणिप्फण्णे, से तं कालप्पमाणे १४२। से किं तं भावप्पमाणे?, २ तिविहे पं० तं०-गुणप्पमाणे नयप्पमाणे संखप्पमाणे १४३। से किं तं गुणप्पमाणे?, २ दुविहे पं० तं०-जीवगुणप्पमाणे य अजीवगुणप्पमाणे य, से किं तं अजीवगुणप्पमाणे?, २ पंचविहे पं० तं०-वण्णगुणप्पमाणे गंध० रस० फास० संठाणगुणप्पमाणे, से किं तं वण्णगुणप्पमाणे?, २ पंचविहे पं० तं०-कालवण्णगुणप्पमाणे जाव सुक्किल्लवण्णगुणप्पमाणे, से तं वण्णगुणप्पमाणे, से किं तं गंधगुणप्पमाणे?, २ दुविहे पं० तं०-सुरभिगंधगुणप्पमाणे दुरभिगंधगुणप्पमाणे, से तं गंधगुणप्पमाणे, से किं तं रसगुणप्पमाणे ?, २ पंचविहे पं० तं०-तित्तरसगुणप्पमाणे जाव म्हुररसगुणप्पमाणे, से तं रसगुणप्पमाणे, से किं तं फासगुणप्पमाणे ?, २ अट्ठविहे पं० तं०-कक्खडफासगुणप्पमाणे जाव लुक्खफासगुणप्पमाणे, से तं फासगुणप्पमाणे, से किं तं संठाणगुणप्पमाणे?, २ पंचविहे पं० तं०-परिमंडलसंठाणगुणप्पमाणे वट्ठ० तंस० चउरंस० आययसंठाणगुणप्पमाणे, से तं संठाणगुणप्पमाणे, से तं अजीवगुणप्पमाणे, से किं तं जीवगुणप्पमाणे ?, २ तिविहे पं० तं०-णाणगुणप्पमाणे दंसणगुणप्पमाणे चरित्तगुणप्पमाणे, से किं तं णाणगुणप्पमाणे?, २ चउव्विहे पं० तं०-पच्चक्खे अणुमाणे ओवम्भे आगमे, से किं तं पच्चक्खे?, २ दुविहे पं० तं०-इंदिअपच्चक्खे य

॥ श्री अनुयोगद्वारसूत्रं ॥

८५

पू. सागरजी म. संशोधित

णोइंदिअपच्चक्खे य, से किं तं इंदिअपच्चक्खे?, २ पंचविहे पं० तं-सोइंदिअपच्चक्खे चक्खुरिंदियपच्चक्खे घाणिंदिय०
 जिब्भिंदिय० फासिंदियपच्चक्खे, से तं इंदियपच्चक्खे, से किं तं णोइंदियपच्चक्खे?, २ तिविहे पं० तं०-ओहिणाणपच्चक्खे
 मणपज्जवनाणपच्चक्खे केवलणाणपच्चक्खे, से तं णोइंदियपच्चक्खे, से तं पच्चक्खे, से किं तं अणुमाणे? २ तिविहे पं०
 तं०-पुव्ववं सेसवं दिट्ठसाहम्मवं, से किं तं पुव्ववं ? २ माया पुत्तं जहा नट्टं, जुवाणं पुणरागयं। काई पच्चभिजाणेज्जा, पुव्वलिंगेण
 केणई॥५॥ तं०-खतेण वा वण्णेण वा लंछणेण वा मसेण वा तिलेण वा, से तं पुव्ववं, से किं तं सेसवं? २ पंचविहं पं०
 तं०-कज्जेण कारणेणं गुणेणं अवयवेणं आसएणं, से किं तं कज्जेणं?, २ संखं सहेणं भेरिं ताडिणं वसभं ढक्किणं मोरं
 किंकाइएणं हयं हेसिएणं गयं गुल्लगुलाइएणं रहं घणघणाइएणं, से तं कज्जेणं, से किं तं कारणेणं ?, २ तंतवो पडस्स कारणं
 ण पडो तंतुकारणं वीरणा कडस्स कारणं ण कडो वीरणाकारणं मिथ्थिडो घडस्स कारणं ण घडो मिथ्थिडकारणं, से तं कारणेणं,
 से किं तं गुणेणं?, २ सुवण्णं निकसेणं पुप्फं गंधेणं लवणं रसेणं मइरं आसाएणं वत्थं फासेणं, से तं गुणेणं, से किं तं अवयवेणं?,
 २ महिसं सिंगेणं कुक्कुडं सिहाए हत्थिं विसाणेणं वराहं दाढाए मोरं पिच्छेणं आसं खुरेणं वग्घं नहेणं चमरिं वालगगेणं वाणरं
 लंगुलेण दुपयं मणुस्सादि चउपयं गवमादि बहुपयं गोमिआदि सीहं केसरेणं वसहं ककुहेणं महिलं वलयबाहाए, परिअरब्धेण
 भडं जाणिज्जा महिलियं निवसणेणं। सित्थेण दोणपागं कविं च एक्काए गाहाए॥११६॥ से तं अवयवेणं, से किं तं आसएणं?,

॥ श्री अनुयोगद्वारसूत्रं ॥

८६

पू. सागरजी म. संशोधित

२ अग्निं धूमेणं सलिलं बलागाहिं बुद्धिं अब्भविकारेणं कुलपुत्तं सीलसमायारेणं, से तं आसएणं, से तं सेसवं, से किं तं दिट्ठसाहम्भवं?,
 २ दुविहं पं० तं०-सामन्नदिट्ठं च विसेसदिट्ठं च, से किं तं सामण्णदिट्ठं?, २ जहा एगो पुरिसो तहा बहवे पुरिसा जहा बहवे
 पुरिसा तहा एगो पुरिसो जहा एगो करिसावणो तहा बहवे करिसावणा जहा बहवे करिसावणा तहा एगो करिसावणो, से तं
 सामण्णदिट्ठं, से किं तं विसेसदिट्ठं?, २ से जहाणामए केइ पुरुसे कंचि पुरिसं बहूणं पुरिसाणं मज्झे पुव्वदिट्ठं पच्चभिजाणेज्जा
 अयं से पुरिसे, बहूणं करिसावणाणं मज्झे पुव्वदिट्ठं करिसावणं पच्चभिजाणिज्जा अयं से करिसावणो, तस्स समासओ तिविहं
 गहणं भवइ, तं०-अतीयकालगहणं पडुप्पण्णकालगहणं अणागयकालगहणं, से किं तं अतीयकालगहणं?, २ उत्तणाणि वणाणि
 निष्फण्णसस्सं वा मेइणिं पुण्णाणि य कुंडसरणईदीहिआतडागाइं पासित्ता तेणं साहिज्जइ जहा सुवुट्ठी आसी, से तं अतीयकालगहणं,
 से किं तं पडुप्पण्णकालगहणं?, २ साहुं गोअरग्गयं विच्छडिअपउरभत्तपाणं पासित्ता तेणं साहिज्जइ जहा सुभिक्षे वट्ठई,
 से तं पडुप्पण्णकालगहणं, से किं तं अणागयकालगहणं?, २ 'अब्भस्स निम्भलत्तं कसिणा य गिरी सविज्जुया मेहा। थणियं
 वाउब्भामो संझा रत्ता पणिट्ठा (द्धा) यो॥११७॥ वारुणं वा महिंदं वा अण्णयरं वा पसत्थं उप्पायं पासित्ता तेणं साहिज्जइ जहा
 सुवुट्ठी भविस्सइ, से तं अणागयकालगहणं, एएसिं चेव विवज्जासे तिविहं गहणं भवइ, तं०-अतीयकालगहणं पडुप्पण्णकालगहणं
 अणागयकालगहणं, से किं तं अतीयकालगहणं?, नित्तिणाइं वणाइं अनिष्फण्णसस्सं वा मेइणीं सुवकाणि य

कुंडसरणईदीहिआतडागाड़ं पासित्ता तेणं साहिज्जइ जहा कुवुट्ठी आसी, से तं अतीयकालगहणं, से किं तं पडुप्पण्णकालगहणं?, २ साहुं गोअरग्गयं भिक्खं अलभमाणं पासित्ता तेणं साहिज्जइ जहा दुभिक्खं वट्ठइ, से तं पडुप्पण्णकालगहणं, से किं तं अणागयकालगहणं?, २ धूमायंति दिसाओ संवि(वट्ठि)अमेइणी अपडिबद्धा। वाया नेरइया खलु कुवुट्ठीमेवं निवेयंति (तेपकुब्बंति) ॥११८॥ अग्गेयं वा वायव्वं वा अण्णयरं वा अप्पसत्थं उप्पायं पासित्ता ते णं साहिज्जइ जहा कुवुट्ठी भविस्सइ, से तं अणागयकालगहणं, से तं विसेसदिट्ठं, से तं दिट्ठसाहम्मवं, से तं अणुमाणे। से किं तं ओवम्मे ?, २ दुविहे पं० तं०-साहम्मोवणीए य वेहम्मोवणीए य, से किं तं साहम्मोवणीए? २ तिविहे पं० तं०-किंचिसाहम्मोवणीए पायसाहम्मोवणीए सव्वसाहम्मोवणीए, से किं तं किंचिसाहम्मोवणीए?, जहा मंदरो तहा सरिसवो जहा सरिसवो तहा मंदरो जहा समुदो तहा गोप्पयं जहा गोप्पयं तहा समुदो जहा आइच्चो तहा खज्जोतो जहा खज्जोतो तहा आइच्चो जहा चंदो तहा कुमुदो जहा कुमुदो तहा चंदो, से तं किंचिसाहम्मो०, से किं तं पायसाहम्मोवणीए?, २ जहा गो तहा गवओ जहा गवओ तहा गो, से तं पायसाहम्मो०, से किं तं सव्वसाहम्मोवणीए?, २ सव्वसाहम्मो ओवम्मे नत्थि, तहावि तेणेव तस्स ओवम्मं कीरइ जहा अरिहंतेहिं अरिहंतसरिसं कयं, चक्कवट्ठिणा चक्कवट्ठिसरिसं कयं, बलदेवेण बलदेवसरिसं कयं, वासुदेवेण वासुदेवसरिसं कयं, साहुणा साहुसरिसं कयं, से तं सव्वसाहम्मो०, से तं साहम्मोवणीए, से किं तं वेहम्मोवणीए ?, २ तिविहे पं० तं०-किंचिवेहम्मो० पायवेहम्मो० सव्ववेहम्मो०, से किं तं किंचिवेहम्मो०?,

॥ श्री अनुयोगद्वारसूत्रं ॥

८८

पू. सागरजी म. संशोधित

२ जहा सामलेरो न तहा बाहुलेरो जहा बाहुलेरो न तहा सामलेरो, से तं किंचिवेहम्मो०, से किं तं पायवेहम्मो०?, २ जहा वायसो न तहा पायसो जहा पायसो न तहा वायसो, से तं पायवेहम्मो०, से किं तं सव्ववेहम्मो०?, सव्ववेहम्मो० ओवम्मे नत्थि तहावि तेणेव तस्स ओवम्मं कीरइ जहा णीएणं णीयसरिसं कयं दासेण दाससरिसं कयं काकेण काकसरिसं कयं साणेण साणसरिसं कयं पाणेणं पाणसरिसं कयं, से तं सव्ववेहम्मो०, से तं वेहम्मोवणीए, से तं ओवम्मे। से किं तं आगमे?, २ दुविहे पं० तं०-लोइए य लोउत्तरिए य, से किं तं लोइए?, २ जण्णं इमं अण्णाणिएहिं भिच्छादिट्ठीएहिं सच्छंदबुद्धिमइविगप्पियं, तं०-भारहं रामायणं जाव चत्तारि वेया संगोवंगा, से तं लोइए आगमे, से किं तं लोउत्तरिए?, २ जण्णं इमं अरिहंतेहिं भगवंतेहिं उप्पण्णाणदंसणधरेहिं तीयपच्चुप्पणमणागयजाणएहिं तेलुक्कवहियमहियपूइएहिं सव्वण्णूहिं सव्वदरिसीहिं पणीयं दुवाल्संगं गणिपिडगं, तं०-आयारो जाव दिट्ठिवाओ, अहवा आगमे तिविहे पं० तं०-सुत्तागमे अत्थागमे तदुभयागमे, अहवा आगमे तिविहे पं० तं०-अत्तागमे अणंतरागमे परंपरागमे, तित्थगराणं अत्थस्स अत्तागमे गणहराणं सुत्तस्स अत्तागमे अत्थस्स अणंतरागमे गणहरसीसाणं सुत्तस्स अणंतरागमे अत्थस्स परंपरागमे, तेण परं सुत्तस्सवि अत्थस्सवि णो अत्तागमे णो अणंतरागमे परंपरागमे, से तं लोगुत्तरिए, से तं आगमे, से तं णाणगुणप्पमाणे। से किं तं दंसणगुणप्पमाणे?, २ चउव्विहे पं० तं०-चक्खुदंसणगुणप्पमाणे अचक्खु० ओहि० केवलदंसणगुणप्पमाणे, चक्खुदंसणं चक्खुदंसणिस्स घडपडकडरहाइएसु.दव्वेसु अचक्खुदंसणं अचक्खुदंसणिस्स आयभावे

॥ श्री अनुयोगद्वारसूत्रं ॥

८९

पू. सागरजी म. संशोधित

ओहिदंसणं ओहिदंसणस्स सव्वरूविदव्वेसु न पुण सव्वपज्जवेसु केवलदंसणं केवलदंसणस्स सव्वदव्वेसु य सव्वपज्जवेसु य, से तं दंसणगुणप्पमाणे, से किं तं चरित्तगुणप्पमाणे ?, २ पंचविहे पं० तं०-सामाइअचरित्तगुणप्पमाणे छेओवट्ठावण० परिहारविसुब्बिय० सुहुमसंपराय० अहक्खायचरित्तगुणप्पमाणे, सामाइअचरित्तगुणप्पमाणे दुविहे पं० तं०-इत्तरिए य आवकहिए य, छेओवट्ठावणचरित्तगुणप्पमाणे दुविहे पं० तं०-साइआरे य निरइयारे य, परिहारविसुब्बिअचरित्तगुणप्पमाणे दुविहे पं० तं०-णिब्बिसमाणए य णिब्बिट्टकाइए य, सुहुमसंपरायचरित्तगुणप्पमाणे दुविहे पं० तं०-पडिवाई य अपडिवाई य, अहक्खायचरित्तगुणप्पमाणे दुविहे पं० तं०-छउमत्थिए य केवलिए य, से तं चरित्तगुणप्पमाणे, से तं जीवगुणप्पमाणे, से तं गुणप्पमाणे।१४४। से किं तं नयप्पमाणे?, २ तिविहे पं० तं०-पत्थगदिट्ठंतेणं वसहिदिट्ठंतेणं पएसदिट्ठंतेणं, से किं तं पत्थगदिट्ठंतेणं?, २ से जहानामए केई पुरिसे परसुं गहाय अडवीसमहुत्तो गच्छेज्जा तं पासित्ता केई वएज्जा कहिं भवं गच्छसि?, अविमुब्बो नेगमो भणइ पत्थगस्स गच्छामि, तं च केई छिंदमाणं पासित्ता वएज्जा किं भवं छिंदसि?, विमुब्बो नेगमो भणइ पत्थयं छिंदामि, तं च केई तच्छमाणं पासित्ता वएज्जा किं भवं तच्छसि ?, विमुब्बतरओ णेगमो भणइ पत्थयं तच्छामि, तं च केई उक्कीरमाणं पासित्ता वएज्जा किं भवं उक्कीरसि?, विमुब्बतरओ णेगमो भणइ पत्थयं उक्कीरामि, तं च केई (वि) लिहमाणं पासित्ता वएज्जा किं भवं (वि) लिहसि?, विमुब्ब तरओ णेगमो भणइ पत्तयं (वि) लिहामि, एवं विमुब्बतरस्स णेगमस्स नामाउडिओ पत्थओ, एवमेव ववहारस्सवि, संगहरस्स

મિયમેજસમારુઢો પત્થઓ, ડજુસુયસ્સ પત્થઓડવિ પત્થઓ મેજાંપિ પત્થઓ, તિળ્હં સદનયાણં પત્થયસ્સ અત્થાહિગારજાણઓ જસ્સ વા વસેણં પત્થઓ નિપ્ફજ્જઇ, સે તં પત્થયદિટ્ઠંતેણં। સે કિં તં વસહિદિટ્ઠંતેણં?, ૨ સે જહાનામણે કેઈ પુરિસે કંચિ પુરિસં વણ્ણા કહિં ભવં વસસિ?, તં અવિસુદ્ધો ણેગમો ભણઇ લોગે વસામિ, લોગે તિવિહે પં૦ તં૦-ડહલોણે અહોલોણે તિરિયલોણે, તેસુ સવ્વેસુ ભવં વસસિ?, વિસુદ્ધો ણેગમો ભણઇ તિરિયલોણે વસામિ, તિરિયલોણે જંબુદ્દીવાડયા સયંભૂરમણપજ્જવસાણા અસંખિજ્જા દીવસમુદ્ધા પં૦, તેસુ સવ્વેસુ ભવં વસસિ?, વિસુદ્ધતરઓ ણેગમો ભણઇ જંબુદ્દીવે વસામિ, જંબુદ્દીવે દસ રેત્તા પં૦ તં૦-ભરહે ઇરવણે હેમવણે ઇરણ્ણવણે હરિવસ્સે રમ્મગવસ્સે દેવકુરુ ઉત્તરકુરુ પુવ્વવિદેહે અવરવિદેહે, તેસુ સવ્વેસુ ભવં વસસિ?, વિસુદ્ધતરઓ ણેગમો ભણઇ ભરહે વાસે વસામિ, ભરહે વાસે દુવિહે પં૦ તં૦-દાહિણડહભરહે ય ઉત્તરડહભરહે ય, તેસુ સવ્વેસુ (દોસુ) ભવં વસસિ?, વિસુદ્ધતરઓ ણેગમો ભણઇ દાહિણડહભરહે વસામિ, દાહિણડહભરહે અણેગાઇં ગામાગરણગરરેડકલ્લડમડંબદોણમુહપટ્ટણાસમસંવાહસણિવેસાઇં, તેસુ સવ્વેસુ ભવં વસસિ?, વિસુદ્ધતરઓ ણેગમો ભણઇ પાડલિપુત્તે વસામિ, પાડલિપુત્તે અણેગાઇં ગિહાઇં, તેસુ સવ્વેસુ ભવં વસસિ?, વિસુ૦ ણેગમો ભણઇ દેવદત્તસ્સ ઘરે વસામિ, દેવદત્તસ્સ ઘરે અણેગા કોટ્ટગા, તેસુ સવ્વેસુ ભવં વસસિ ?, વિસુ૦ ણે૦ ભણઇ ગલ્ભરે વસામિ, એવં વિસુદ્ધસ્સ ણેગમસ્સ વસમાણો, એવમેવ વવહારસ્સવિ, સંગહસ્સ સંથારસમારુઢો વસઇ, ડજુસુયસ્સ જેસુ આગાસપણેસેસુ ઓગાઢો તેસુ વસઇ, તિળ્હં સદનયાણં આયમાવે વસઇ, સે તં વસહિદિટ્ઠંતેણં। સે કિં તં પણસદિટ્ઠંતેણં?, ૨ ણેગમો

भणइ छण्हं पएसो, तं०-धम्मपएसो अधम्म० आगास० जीव० खंध० देसपएसो, एवं वयंतं णेगमं संगहो भणइ जं भणसि
 छण्हं पएसो तं न भवइ, कम्हा?, जम्हा जो देसपएसो सो तस्सेव दब्बस्स, जहा को दिट्ठंतो?, दासेण मे खरो कीओ दासोऽवि
 मे खरोऽवि मे, तं मा भणाहि छण्हं पएसो, भणाहि पंचण्हं पएसो, तं०-धम्मपएसो अधम्मपएसो आगासपएसो जीवपएसो
 खंधपएसो, एवं वयंतं संगहं ववहारो भणइ जं भणसि पंचण्हं पएसो तं न भवइ, कम्हा?, जइ जहा पंचण्हं गोट्टियाणं पुरिसाणं
 केइ दब्बजाए सामण्णे भवइ, तं०-हिण्णे वा सुवण्णे वा धणे वा धण्णे वा, तो जुत्तं वत्तुं जहा पंचण्हं पएसो, तं मा भणाहि पंचण्हं
 पएसो, भणाहि पंचविहो पएसो, तं०-धम्मपएसो अधम्मपएसो आगासपएसो जीवपएसो खंधपएसो, एवं वयंतं ववहारं उज्जुसुओ
 भणइ जं भणसि पंचविहो पएसो तं न भवइ, कम्हा?, जइ ते पंचविहो पएसो, एवं ते एक्केक्को पएसो पंचविहो एवं ते पणवीसतिविहो.
 पएसो भवइ, तं मा भणाहि पंचविहो पएसो, भणाहि भइयव्वो पएसो सिय धम्मपएसो सिय अधम्म० सिय आगास० सिय
 जीव० सिय खंधपएसो, एवं वयंतं उज्जुसुयं संपइ सहनओ भणइ जं भणसि भइयव्वो पएसो तं न भवइ, कम्हा?, जइ भइयव्वो
 पएसो एवं ते धम्मपएसोऽवि सिय धम्मपएसो य अधम्म० सिय आगास० सिय जीवपएसो सिय खंधपएसो, अधम्मपएसोऽवि
 सिय धम्मपएसो जाव सिय खंधपएसो, आगासपएसोवि सिय धम्म० सिय अधम्म० जाव सिय खंधपएसो, जीवपएसोऽवि सिय
 धम्मपएसो जाव सिय खंधपएसो, खंधपएसोऽवि सिय धम्मपएसो जाव सिय खंधपएसो, एवं ते अणक्खा भविसइ, तं मा

भणाहि भइयव्वो पएसो, भणाहि धम्मे पएसे से पएसे धम्मे, अहम्मे पएसे से पएसे अहम्मे, आगासे पएसे से पएसे आगासे, जीवे पएसे से पएसे नोजीवे, खंधे पएसे से पएसे नोखंधे, एवं वयंतं सहनयं समभिरूढो भणइ जं भणसि धम्मे पएसे से पएसे धम्मे जाव जीवे पएसे से पएसे नोजीवे खंधे पएसे से पएसे नोखंधे, तं न भवइ, कम्हा?, इत्थं खलु दो समासा भवन्ति, तं०-तप्पुरिसे य कम्मधारए य, तं ण णज्जइ कयरेणं समासेणं भणसि?, किं तप्पुरिसेणं किं कम्मधारएणं?, जइ तप्पुरिसेणं भणसि तो मा एवं भणाहि, अह कम्मधारएणं भणसि तो विसेसओ भणाहि, धम्मे य से पएसे य से पएसे धम्मे अहम्मे य से पएसे य से पएसे अहम्मे आगासे य से पएसे य से पएसे आगासे जीवे य से पएसे य से पएसे नो जीवे खंधे य से पएसे य से पएसे नोखंधे, एवं वयंतं समभिरूढं संपइ एवंभूओ भणइजं जं भणसि तं तं सव्वं कसिणं पडिपुण्णं निरवसेसं एगगहणगहियं, देसेऽवि मे अवत्थू पएसेऽवि मे अवत्थू, से तं पएसदिट्ठंतेणं, से तं नयप्पमाणो।१४५। से किं तं संखप्पमाणे?, २ अट्ठविहे पं० तं०-नामसंखा ठवण० दव्व० ओवम्म० परिमाण० जाणणा० गणणा० भावसंखा, से किं तं नामसंखा?, २ जस्स णं जीवस्स वा जाव से तं नामसंखा, से किं तं ठवणसंखा?, २ जण्णं कट्ठकम्मे वा पोत्थकम्मे वा जाव से तं ठवणसंखा, नामठवणाणं को पइविसेसो?, नाम(पाएणं)आवकहियं ठवणा इत्तरिया वा होज्जा आवकहिया वा होज्जा, से किं तं दव्वसंखा?, २ दुविहा पं० तं०-आगमओ य नोआगमओ य, जाव से किं तं जाणयसरीरभविअसरीरवइरित्ता दव्वसंखा?, २ तिविहा पं० तं०-एगभविए

बद्धाउए अभिमुहणामगोत्ते य, एगभविए णं भंते! एगभविएत्ति कालओ केवच्चिरं होइ?, जहन्नेणं अंतोमुहुत्तं उक्कोसेणं पुव्वकोडी, बद्धाउए णं भंते! बद्धाउएत्ति कालओ केवच्चिरं होइ?, जहण्णेणं अंतोमुहुत्तं उक्कोसेणं पुव्वकोडीतिभागं, अभिमुहणामगोए णं भंते! अभिमुहणामगोएत्ति कालओ केवच्चिरं होइ? जहन्नेणं एक्कं समयं उक्कोसेणं अंतोमुहुत्तं, इयाणिं को णओ कं संखं इच्चइ?, तत्थ णेगमसंगहववहारा तिविहं संखं इच्छंति, तं०-एगभवियं बद्धाउयं अभिमुहणामगोत्तं च, उज्जुसुओ दुविहं संखं इच्छइ, तं०-बद्धाउयं च अभिमुहणामगोत्तं च, तिणिण सहनया अभिमुहणामगोत्तं, संखं इच्छंति, से तं जाणयसरीरभविअसरीरवइरित्ता दव्वसंखा, से तं नोआगमओ दव्वसंखा, से तं दव्वसंखा, से किं तं ओवम्मसंखा?, २ चउव्विहा पं० तं०-अत्थि संतयं संतएणं उवमिज्जइ अत्थि संतयं असंतएणं उवमिज्जइ अत्थि असंतयं संतएणं उवमिज्जइ अत्थि असंतयं असंतएणं उवमिज्जइ, तत्थ संतयं संतएणं उवमिज्जइ जहा संता अरिहंता संतएहिं पुरवेरहिं संतएहिं कवाडेहिं संतएहिं वच्छेहिं उवमिज्जइ, तं०-‘पुरवरकवाडवच्छा फलिहभुया दुंदुहित्थणियघोसा। सिरिवच्छंकिअवच्छा सव्वेऽवि जिणा चउव्वीसं। १११ ॥ संतयं असंतएणं उवमिज्जइ, जहा संताइं नेरइयतिरिक्ख जोणिअमणुस्सदेवाणं आउयाइं असंतएहिं पलिओवमसागरोवमेहिं उवमिज्जंति, असंतयं संतएणं ३० तं०-‘परिजूरियपेरंतं चलंतं बिटं पडंतनिच्छीरं। पत्तं व वसणपत्तं कालप्पत्तं भणइ गाहं ॥१२०॥ जह तुब्भे तह अम्हे तुम्हेऽविय होहिहा जहा अम्हे। अण्णाहेइ पडंतं पंडुयपत्तं किसलयाणं ॥१॥ णवि अत्थि णविय होही उल्लावो किसलपंडुपत्ताणं। उवमा खलु एस कया भवियजणविबोहणट्ठाए ॥२॥

॥ श्री अनुयोगद्वारसूत्रं ॥

९४

पू. सागरजी म. संशोधित

असंतयं असंतएहिं उवमिज्जइ, जहा खरविसाणं तहा ससविसाणं, से तं ओवम्मसंखा, से किं तं परिमाणसंखा?, २ दुविहा पं० तं०-कालिअसुयपरिमाणसंखा दिट्ठिवायसुअपरिमाणसंखा य, से किं तं कालिअसुअपरिमाणसंखा?, अणेगविहा पं० तं०-पज्जवसंखा अक्खर० संघाय० पय० पाय० गाहा० सिलोग० वेढ० निज्जुत्ति० अणुओगदार० उद्देसग० अज्झयण सुयखंध० अंगसंखा, से तं कालिअसुअपरिमाणसंखा, से किं तं दिट्ठिवायसुअपरिमाणसंखा?, २ अणेगविहा पं० तं०-पज्जवसंखा जाव अणुओगदारसंखा पाहुड० पाहुडपाहुड० पाहुडिया० पाहुडपाहुडिया० वत्थुसंखा, से तं दिट्ठिवायसुअपरिमाणसंखा, से तं परिमाणसंखा, से किं तं जाणणासंखा?, २ जो जं जाणइ तं०-सहं सहिओ गणियं गणिओ निमित्तं नेमित्तिओ कालं कालणाणी वेज्जयं वेज्जो, से तं जाणणासंखा, से किं तं गणणासंखा?, २ एक्को गणणं न उवेइ, दुप्पभिई संखा, तं०-संखेज्जए असंखेज्जए अणंतए, से किं तं संखेज्जए?, २ तिविहे पं० तं०-जहण्णए उक्कोसए अजहण्णमणुक्कोसए, से किं तं असंखेज्जए?, २ तिविहे पं० तं०-परित्तासंखेज्जए जुत्तासंखेज्जए असंखेज्जासंखेज्जए, से किं तं परित्तासंखेज्जए?, २ तिविहे पं० तं०-जहण्णए उक्कोसए अजहण्णमणुक्कोसए, से किं तं जुत्तासंखेज्जए?, २ तिविहे पं० तं०-जहण्णए उक्कोसए अजहण्णमणुक्कोसए, से किं तं असंखेज्जासंखेज्जए?, २ तिविहे पं० तं०-जहण्णए उक्कोसए अजजहण्णमणुक्कोसए, से किं तं अणंतए?, २ तिविहे पं० तं०-परित्ताणंतए जुत्ताणंतए अणंताणंतए, से किं तं परित्ताणंतए?, २ तिविहे पं० तं०-जहण्णए उक्कोसए अजहण्णमणुक्कोसए,

॥ श्री अनुयोगद्वारसूत्रं ॥

९५

पू. सागरजी म. संशोधित

से किं तं जुत्ताणंतए?, २ तिविहे पं० तं०-जहण्णए उक्कोसए अजहण्णम०, से किं तं अणंताणंतए?, २ दुविहे पं० तं०-जहण्णए अजहण्णमणुक्कोसए, जहण्णयं संखेजयं केवइयं होइ?, दोरूवयं, तेण परं अजहण्णमणुक्कोसयाइं ठाणाइं जाव उक्कोसयं संखेजयं न पावइ, उक्कोसयं संखेजयं केवइयं होइ?, उक्कोसयस्स संखेजयस्स परूवणं करिस्सामि से जहानामए पळे सिया एगं जोयणसयसहस्सं आयामविक्खंभेणं तिण्णि जोयणसयसहस्साइं सोलस सहस्साइं दोण्णि य सत्तावीसं जोयणसए तिण्णि य कोसे अट्ठावीसं च धणुसयं तेरस य अंगुलाइं अद्दंगलुं च किंचिविसेसाहियं परिक्खेवेणं पं०, से णं पळे सिद्धत्थयाणं भरिए, तओ णं तेहिं सिद्धत्थएहिं दीवसमुदाणं उद्दारे घेप्पइ, एगो दीवे एगो समुदे एवं पक्खिप्पमाणेहिं २ जावइआ दीवसमुदा तेहिं सिद्धत्थएहिं अप्फुत्ता एस णं एवइए खेत्ते पळे आइट्ठे, से णं पळे सिद्धत्थयाणं भरिए ततो णं तेहिं सिद्धत्थएहिं दीवसमुदाणं उद्दारे घेप्पति एगे दीवे एगे समुदे एवं पक्खिप्पमाणेहिं २ जावइयाणं (दीव) समुदा णं तेहिं सिद्धत्थएहिं अप्फुत्ता एस णं एवतिए खेत्ते पळे पढमा सत्तागा०, एवइयाणं सत्तागाणं असंलप्पा लोगा भरिया तहावि उक्कोसयं संखेजयं न पावइ, जहा को दिट्ठंतो?, से जहानामए मंचे सिया आमलगाणं भरिए तत्थ एगे आमलए पक्खिप्पत्ते सेऽवि माते अन्नेऽवि पक्खिप्पत्ते सेऽवि माते अण्णेऽवि पक्खिप्पत्ते सेऽवि माते एवं पक्खिप्पमाणेणं २ होही सेऽवि आमलए जंसिं पक्खिप्पत्ते से मंचए भरिजिहिइ जे तत्थ आमलए न माहिइ, एवामेव उक्कोसए संखेजए रूवे पक्खिप्पत्ते जहण्णयं परित्तासंखेजयं भवइ, तेण परं अजहण्णमणुक्कोसयाइं ठाणाइं जाव

उक्कोसयं परित्तासंखेजयं न पावइ, उक्कोसयं परित्तासंखेजयं केवइयं होइ?, जहण्णयपरित्तासंखेजमेत्ताणं रासीणं अण्णमण्णब्भासो
 रूवूणो उक्कोसं परित्तासंखेजयं होइ, अहवा जहन्नयं जुत्तासंखेजयं रूवूणं उक्कोसयं परित्तासंखेजयं होइ जहन्नयं जुत्तासंखेजयं
 केवइअं होइ?, जहण्णयपरित्तासंखेजयमेत्ताणं रासीणं अण्णमण्णब्भासो पडिपुण्णो जहन्नयं जुत्तासंखेजयं होइ, अहवा उक्कोसए
 परित्तासंखेजए रूवं पक्खित्तं जहण्णयं जुत्तासंखेजयं होइ आवलिआवि एत्तिया चेव, तेण परं अजहण्णमणुक्कोसयाइं ठाणाइं
 जाव उक्कोसयं जुत्तासंखिजयं न पावइ उक्कोसयं जुत्तासंखेजयं केवइयं होइ?, जहण्णएणं जुत्तासंखेजएणं आवलिया गुणिया
 अण्णमण्णब्भासो रूवूणो उक्कोसयं जुत्तासंखेजयं होइ, अहवा जहन्नयं असंखेजासंखेजयं रूवूणं उक्कोसयं जुत्तासंखेजयं होइ,
 जहण्णयं असंखेजासंखेजयं केवइयं होइ?, जहन्नएणं जुत्तासंखेजएणं आवलिआ गुणिआ अण्णमण्णब्भासो पडिपुण्णो
 जहण्णयं असंखेजासंखेजयं होइ, अहवा उक्कोसए जुत्तासंखेजए रूवं पक्खित्तं जहण्णयं असंखेजासंखेजयं होइ, तेण परं
 अजहण्णमणुक्कोसयाइं ठाणाइं जाव उक्कोसयं असंखेजासंखेजयं ण पावइ, उक्कोसयं असंखेजासंखेजयं केवइयं होइ?,
 जहण्णय असंखेजासंखेजयमेत्ताणं रासीणं अण्णमण्णब्भासो रूवूणो उक्कोसयं असंखेजासंखेजयं होइ, अहवा जहण्णयं
 परित्ताणंतयं रूवूणं उक्कोसयं असंखेजासंखेजयं होइ, जहण्णयं परित्ताणंतयं केवइयं होइ?, जहण्णयअसंखेजासंखेजयमेत्ताणं
 रासीणं अण्णमण्णब्भासो पडिपुण्मो जहण्णयं परित्ताणंतयं होइ, अहवा उक्कोसए असंखेजासंखेजए रूवं पक्खित्तं जहण्णयं

॥ श्री अनुयोगद्वारसूत्रं ॥

९७

पू. सागरजी म. संशोधित

परित्ताणंतयं होइ, तेण परं अजहण्णमणुक्कोसयाइं ठाणाइं जाव उक्कोसयं परित्ताणंतयं ण पावइ, उक्कोसयं परित्ताणंतयं केवइयं होइ?, जहण्णयपरित्ताणंतयमेत्ताणं रासीणं अण्णमण्णब्भासो रूवूणो उक्कोसयं परित्ताणंतयं होइ अहवा जहण्णयं जुत्ताणंतयं रूवूणं उक्कोसयं परित्ताणंतयं होइ जहण्णयं जुत्ताणंतयं केवइयं होइ?, जहण्णयपरित्ताणंतयमेत्ताणं रासीणं अण्णमण्णब्भासो पडिपुण्णो जहण्णयं जुत्ताणंतयं होइ, अहवा उक्कोसए परित्ताणंतए रूवे पक्खित्ते जहन्नयं जुत्ताणंतयं होइ, अभवसिद्धिआवि तत्तिया होइ तेण परं अजहण्णमणुक्कोसयाइं ठाणाइंजाव उक्कोसयं जुत्ताणंतयं ण पावइ, उक्कोसयं जुत्ताणंतयं केवइयं होइ?, जहण्णएणं जुत्ताणंतएणं अभवसिद्धिया गुणिया अण्णमण्णब्भासो रूवूणो उक्कोसयं जुत्ताणंतयं होइ, अहवा जहण्णयं अणंताणंतयं रूवूणं उक्कोसयं जुत्ताणंतयं होइ, जहण्णयं अणंताणंतयं केवइयं होइ?, जहन्नएणं जुत्ताणंतएणं अभवसिद्धिया गुणिया अण्णमण्णब्भासो पडिपुण्णो जहण्णयं अणंताणंतयं होइ, अहवा उक्कोसए जुत्ताणंतए रूवे पक्खित्ते जहण्णयं अणंताणंतयं होइ, तेण परं अजहण्णमणुक्कोसयाइं ठाणाइं, से तं गणणासंखा, से किं तं भावसंखा?, २ जे इमे जीवा संखगइनामगोत्ताइं कम्माइं वेइन्ति, से तं भावसंखा, से तं संखापणामे, से तं भावपमाणे, से तं पमाणे १४६। से किं तं वत्तव्वया?, २ तिविहा पं० तं०-ससमयवत्तव्वया परसमयवत्तव्वया ससमयपरसमयवत्तव्वया, से किं तं ससमयवत्तव्वया?, २ जत्थ णं ससमए आघविज्जइ पण्णविज्जइ परूविज्जइ दंसिज्जइ निदंसिज्जइ उवदंसिज्जइ, से तं ससमयवत्तव्वया, से किं तं परसमयवत्तव्वया?, २ जत्थ णं

परसमए आधविज्जइ जाव उवदंसिज्जइ, से तं परसमयवत्तव्वया, से किं तं ससमयपरसमयवत्तव्वया?, २ जत्थ णं ससमए परसमए आधविज्जइ जाव उवदंसिज्जइ, से तं ससमयपरसमयवत्तव्वया, इयाणिं को णओ कं वत्तव्वयं इच्छइ?, तत्थ णोगमसंगहववहारा तिविहं वत्तव्वयं इच्छंति, तं० ससमयवत्तव्वयं परसमयवत्तव्वयं ससमयपरसमयवत्तव्वयं, उज्जुसुओ दुविहं वत्तव्वयं इच्छइ, तं०-ससमयवत्तव्वयं परसमयवत्तव्वयं, तत्थ णं जा सा ससमयवत्तव्वया सा ससमयं पविट्ठा जा सा परसमयवत्तव्वया सा परसमयं पविट्ठा, तम्हा दुविहा वत्तव्वया, नत्थि तिविहा वत्तव्वया, तिणिण सद्दणया एगं ससमयवत्तव्वयं इच्छंति, नत्थि परसमयवत्तव्वया, कम्हा?, जम्हा परसमए अणट्ठे अहेऊ असब्भावे अकिरिए उम्मगे अणुवएसे भिच्छादंसणभित्तिकट्टु, तम्हा सव्वा ससमयवत्तव्वया, णत्थि परसमयवत्तव्वया णत्थि ससमयपरसमयवत्तव्वया, से तं वत्तव्वया ॥१४७॥ से किं तं अत्थाहिगारे?, २ जो जस्स अज्झयणस्स अत्थाहिगारो, तं०-सावज्जजोगविरइ उक्कित्तण गुणवओ य पडिवत्ती। खलियस्स निंदणा वणतिगिच्छ गुणधारणा चेव ॥१२३॥ से तं अत्थाहिगारे ॥१४८॥ से किं तं समोयारे?, २ छव्विहे पं० तं०-णामसमोआरे ठवणा० दव्व० खेत्त० काल० भावसमोआरे, नामठवणाओ पुव्वं वणिणयाओ, जाव से तं भविअसरीरदव्वसमोआरे, से किं तं जाणयसरीरभविअसरीरवडरित्ते दव्वसमोआरे?, २ तिविहे पं० तं०-आय समोयारे परसमोयारे तदुभयसमोयारे, सव्वदव्वावि णं आयसमोयारेणं आयभावे समोयरंति, परसमोआरेणं जहा कुंडे बदराणि, तदुभयसमोआरेणं जहा घरे खंभो आयभावे य, जहा घडे गीवा आयभावे य, अहवा जाणयसरीरभविय-

सरीरवइरित्ते दव्वसमोयारे दुविहे पं० तं०-आयसमोआरे य तदुभयसमोयारे य, चउसड्डिया आयसमोयारेणं आयभावे समोयरइ तदुभयसमोआरेणं बत्तीसियाए समोयरइ आयभावे य, बत्तीसिया आयसमोयारेणं आयभावे समोयरइ तदुभयसमोयारेणं सोलसियाए समोयरइ आयभावे य, सोलसिया आयसमोआरेणं आयभावे समोयरइ तदुभयसमोयारेणं अट्टभाइयाए समोयरइ आयभावे य, अट्टभाइया आयसमोआरेणं आयभावे समोयरइ तदुभयसमोआरेणं चउभाइयाए समोयरइ आयभावे य, चउभाइया आयसमोआरेणं आयभावे समोयरइ तदुभयसमोआरेणं अद्धमाणीए समोयरइ आयभावे य, अद्धमाणी आयसमोयारेणं आयभावे समोयरइ तदुभयसमोआरेणं माणीए समोयरइ आयभावे य, से तं जाणयसरीरभविअसरीरवइरित्ते दव्वसमोयारे, से तं नोआगमओ दव्वसमोयारे, से तं दव्वसमोआरे, से किं तं खेत्तसमोआरे?, २ दुविहे पं० तं०-आयसमोआरे य तदुभयसमोआरे य, भरहे वासे आयस० आयभावे स० तदुभयसमोआरेणं जंबुद्दीवे समो० आयभावे य, जंबुद्दीवे आयसमो० आयभावे समोअरइ तदुभयसमोआरेणं तिरियलोए समोयरइ आयभावे य, तिरियलोए आयसमोआरेणं आयभावे समोयरइ तदुभयसमोआरेणं लोए समोयरइ आयभावे य, (लोए आयसमोआरेण आयभावे समोयरइ तदुभयसमोआरेणं अलोए समोयरइ आयभावे य पा०) से तं खेत्तसमोआरे, से किं तं कालसमोआरे?, २ दुविहे पं० तं०-आयसमोआरे य तदुभयसमोआरे य, समए आयसमोआरेणं आयभावे समोयरइ तदुभयसमोआरेणं आवलियाए समोयरइ आयभावे य, एवमाणापाणू थोवे लवे मुहुत्ते अहोरत्ते पक्खे मासे ऊऊ अयणे संवच्छरे

॥ श्री अनुयोगद्वारसूत्रं ॥

१००

पू. सागरजी म. संशोधित

जुगे वाससए वाससहस्से वाससयसहस्से पुव्वंगे पुव्वे तुडिअंगे तुडिए अडडंगे अडडे अववंगे अववे हूहूअंगे हूहूए उप्पलंगे उप्पले पउमंगे पउमे णलिणंगे णलिणे अच्छिनिउरंगे अच्छिनिउरे अउअंगे अउए नउअंगे नउए पउअंगे पउए चूलिअंगे चूलिया सीसपहेलिअंगे सीसपहेलिया पलिओवमे सागरोवमे आयसमोआरेणं आयभावे स० तदुभयसमोआरेणं ओसप्पिणीउस्सप्पिणीसु समोयरइ आयभावे य, ओसप्पिणी उस्सप्पिणीओ आयसमोआरेणं आयभावे० तदुभयस० पोग्गलपरियट्टे समो० आयभावे य, पोग्गलपरियट्टे आयसमोआरेणं आयभावे समोयरइ तदुभयस० तीतद्धाअणागतद्धासु समोयरइ आय० तीतद्धाअणागतद्धाउ आयस० आयभावे० तदुभयसमोआरेणं सव्वद्धाए समोयरइ आयभावे य. से तं कालसमोयारे, से किं तं भावसमोयारे?, २ दुविहे पं० तं०-आय० तदुभयस०, कोहे आय० आयभावे स० तदु० माणे समो० आयभावे य, एवं माणे माया लोभे रागे मोहणिज्जे अट्ठ कम्मपयडीओ आयसमोआरेणं आयभावे समोयरइ तदुभयसमोआरेणं छव्विहे भावे समोयरइ आयभावे य, एवं छव्विहे भावे जीवे, जीवत्थिकाए आयसमोआरेणं आयभावे समोयरइ तदुभयसमोआरेणं सव्वदव्वेसु समोअरइ आयभावे य. एत्थ संगहणीगाहा कोहे माणे माया लोभे रागे य मोहणिज्जे य। पगडी भावे जीवे जीवत्थीकाय दव्वा य॥१२४॥ (जीवत्थिय सव्वदव्वा य ॥१॥ एसा गाथा फासेयव्वा पा०) से तं भावसमोयारे, से तं समोयारे, से तं उवक्कमे ॥१४९॥ से किं तं निक्खेवे? २ तिविहे पं० तं०-ओहनिप्फण्णे नामनिप्फण्णे सुत्तालावगनिप्फण्णे, से किं तं ओहनिप्फण्णे?, २ चउव्विहे पं० तं०-अज्झयणे अज्झीणे आए खवणा. से किं तं अज्झयणे?

॥ श्री अनुयोगद्वारसूत्रं ॥

१०१

पू. सागरजी म. संशोधित

२ चउव्विहे पं० तं०-णामज्झयणे ठवणज्झयणे दव्वज्झयणे भावज्झयणे, णामद्ववणाओ पुव्वं वणिणयाओ, से किं तं दव्वज्झयणे?,
 २ दुविहे पं० तं०-आगमओ य णोआगमओ य, से किं तं आगमओ दव्वज्झयणे?, २ जस्स णं अज्झयणेत्ति पयं सिक्खियं
 ठियं जियं मियं परिजियं जाव एवं जावइया अणुवउत्ता आगमओ तावइयाइं दव्वज्झयणाइं, एवमेव ववहारस्सवि, संगहस्स णं
 एगो वा अणेगो वा जाव से तं आगमओ दव्वज्झयणे, से किं तं णोआगमओ दव्वज्झयणे?, २ तिविहे पं० तं०-
 जाणयसरीरदव्वज्झयणे भविअसरीरदव्वज्झयणे जायणसरीरभविअसरीरवइरित्ते द०, से किं तं जाणग०?, २
 अज्झयणपयत्थाहिगारजाणयस्स जं सरीरं ववगयचुअचाविअचत्तदेहं जीवविप्पजढं जाव अहो णं इमेणं सरीरसमुस्सएणं जिणदिट्ठेणं
 भावेणं अज्झयणेत्ति पयं आघवियं जाव उवदंसियं, जहा को दिट्ठंतो? अयं घयकुंभे आसी अयं महुकुंभे आसी, से तं
 जाणयसरीरदव्वज्झयणे से किं तं भविअसरीरदव्वज्झयणे?, २ जे जीवे जोणिजम्मणनिक्खंतं इमेणं चेव आदत्तएणं सरीरसमुस्सएणं
 जिणदिट्ठेणं भावेणं अज्झयणेत्तिपयं सेअकाले सिक्खिस्सइ न ताव सिक्खइ, जहा को दिट्ठंतो?, अयं महुकुंभे भविस्सइ अयं
 घयकुंभे भविस्सइ, से तं भविअसरीरदव्वज्झयणे, से किं तं जाणयसरीरभविअसरीरवइरित्ते दव्वज्झयणे?, २ पत्तयपोत्थयलिहियं,
 से तं जाणयसरीरभविअसरीरवइरित्ते दव्वज्झयणे, से तं णोआगमओ दव्वज्झयणे, से तं दव्वज्झयणे, से किं तं भावज्झयणे?,
 दुविहे पं० तं०-आगमओ य णोआगमओ य, से किं तं आगमओ भावज्झयणे?, २ जाणए उवउत्ते, से तं आगमओ भावज्झयणे,

से किं तं नोआगमओ भावज्झयणे?, २ अज्झप्पस्साणयणं कम्माणं अवचओ उवचियाणं। अणुवचओ य नवाणं तम्हा
 अज्झयणमिच्छंति॥१२५॥ से तं णोआगमओ भावज्झयणे, से तं भावज्झयणे, से तं अज्झयणे, से किं तं अज्झीणे?, २ चउव्विहे
 पं० तं०-णामज्झीणे ठवण० दव्व० भावज्झीणे, नामठवणाओ पुव्वं वणिणयाओ, से किं तं दव्वज्झीणं?, २ दुविहे पं० तं०-
 आगमओ य नोआगमओ य, से किं तं आगमओ दव्वज्झीणे?, २ जस्स णं अज्झीणेत्तिपयं सिक्खियं जाव से तं आगमओ दव्वज्झीणे,
 से किं तं नोआगमओ दव्वज्झीणे?, २ तिविहे पं० तं०-जाणयसरीरदव्वज्झीणे भवियसरीरदव्वज्झीणे जाणयसरीरभवियसरीरवइरित्ते
 दव्वज्झीणे, से किं तं जाणयसरीरदव्वज्झीणे?, २ अज्झीणपयत्थाहिगारजाणयस्स जं सरीरयं ववगयचुयचावियचत्तदेहं जहा
 दव्वज्झयणे तहा भाणियव्वं, जाव से तं जाणयसरीरदव्वज्झीणे, से किं तं भवियसरीरदव्वज्झीणे?, २ जे जीवे जोणिजम्भणनिक्खंते
 जहा दव्वज्झयणे जाव से तं भवियसरीरदव्वज्झीणे, से किं तं जाणयसरीरभवियसरीरवइरित्ते दव्वज्झीणे?, सव्वागाससेढी, से
 तं जाणयसरीर भविअसरीरवइरित्ते दव्वज्झीणे, से तं नोआगमओ दव्वज्झीणे, से तं दव्वज्झीणे, से किं तं भावज्झीणे?, २ दुविहे
 पं० तं०-आगमओ य नोआगमओ य, से किं तं आगमओ भावज्झीणे?, २ जाणाए उवउत्ते, से तं आगमओ भावज्झीणे, से
 किं तं नोआगमओ भावज्झीणे?, २ 'जह दीवा दीवसयं पइप्पए दिप्पए य सो दीवो। दीवसमा आयरिया दिप्पंति परं च दीवंति॥१२६॥
 से तं नोआगमओ भावज्झीणे, से तं भावज्झीणे, से तं अज्झीणे। से किं तं आए?, २ चउव्विहे पं० तं०-नामाए ठवणाए दव्वाए

॥ श्री अनुयोगद्वारसूत्रं ॥

१०३

पू. सागरजी म. संशोधित

भावाए, नामठवणाओ पुव्वं भणियाओ, से किं तं दव्वाए?, २ दुविहे पं० तं०-आगमओ य नोआगमओ य, से किं तं आगमओ दव्वाए?, २ जस्स णं आयत्तिपयं सिक्खियं ठियं जाव कम्हा?, अणुवओगो दव्वमितिकट्टु, नेगमस्स णं जावइया अणुवउत्ता आगमओ तावइया ते दव्वाया, जाव से तं आगमओ दव्वाए, से किं तं नोआगमओ दव्वाए?, २ तिविहे पं० तं०-जायसरीरदव्वाए भविअसरीरदव्वाए जाणयसरीरभविअसरीरवइरित्ते दव्वाए, से किं तं जाणयसरीरदव्वाए?, २ आयपयन्थाहिगारजाणयस्स जं सरीरभं ववगयचुअचाविअचत्तदेहं जहा दव्वज्झयणं जाव से तं जाणयसरीरदव्वाए, से किं तं भविअसरीरदव्वाए?, २ जे जीवे जोणिजम्भणणिक्खंते जहा दव्वज्झयणे जाव से तं भविअसरीरदव्वाए, से किं तं जाणयसरीरभविअसरीरवइरित्ते दव्वाए?, २ तिविहे पं० तं०-लोइए कुप्पावयणिए लोगुत्तरिए, से किं तं लोइए?, २ तत्तिविहे पं० तं०-सच्चित्ते अच्चित्ते मीसए य, से किं तं सच्चित्ते?, २ तिविहे पं० तं०-दुपयाणं चउप्पयाणं अपयाणं, दुपयाणं दासाणं दासीणं चउप्पयाणं आसाणं हत्थीणं अपयाणं अंबाणं अंबाडगाणं आए, से तं सच्चित्ते, से किं तं अच्चित्ते?, २ सुवण्णरययमणिमोत्तिअसंखसिलप्पवालरत्तरयणाणं (संतसारसावएज्जस्स) आए, से तं अच्चित्ते, से किं तं मीसए?, २ दासाणं दासीणं आसाणं हत्थीणं समाभरिआउज्जालंकियाणं आए, से तं मीसए, से तं लोइए, से किं तं कुप्पावयणिए?, २ तिविहे पं० तं०-सच्चित्ते अच्चित्ते मीसए य, तिण्णिणवि जहा लोइए, जाव से तं मीसए, से तं कुप्पावयणिए, से किं तं लोगुत्तरिए?, २ तिविहे पं० तं०-सच्चित्ते अच्चित्ते मीसए य, से किं तं सच्चित्ते?, २ सीसाणं

॥ श्री अनुयोगद्वारसूत्रं ॥

१०४

पू. सागरजी म. संशोधित

सिस्सणिआणं, से तं सच्चित्ते, से किं तं अच्चित्ते?, २ पडिग्गहाणं वत्थाणं कंबलाणं पायपुंछणाणं आए, से तं अच्चित्ते, से किं तं मीसए?, २ सिस्साणं सिस्सणिआणं सभंडोवगरणाणं आए, से तं मीसए, से तं लोगुत्तरिए, से तं जाणयसरीरभवियसरीरवडरित्ते दव्वाए, से तं नोआगमओ दव्वाए, से तं दव्वाए, से किं तं भावाए?, दुविहे २ पं० तं०-आगमओ य नो आगमओ य, से किं तं आगमओ भावाए ?, २ जाणए उवउत्ते, से तं आगमओ भावाए, से किं तं नोआगमओ भावाए?, २ दुविहे पं० तं०-पसत्थे य अपसत्थे य, से किं तं पसत्थे?, २ तिविहे पं० तं०-णाणाए दंसणाए चरित्ताए, से तं पसत्थे, से किं तं अपसत्थे?, २ चउव्विहे पं० तं०-कोहाए माणाए मायाए लोहाए, से तं अपसत्थे, से तं णोआगमओ भावाए, से तं भावाए, से तं आए। से किंतं झवणा?, २ चउव्विहा पं० तं०-नामज्झवणा ठव० दव्व० भावज्झवणा, नामद्ववणाओ पुव्वं भणियाओ, से किं तं दव्वज्झवणा?, २ दुविहा पं० तं०-आगमओ य नोआगमओ य, से किं तं आगमओ दव्वज्झवणा?, २ जस्स णं झवणेतिपयं सिक्खियं जाव से तं आगमओ दव्वज्झवणा, से किं तं नोआगमओ दव्वज्झवणा?, २ तिविहा पं० तं०-जाणयसरीरदव्वज्झवणा भवियसरीरदव्वज्झवणा जाणयसरीरभवियसरीरवडरित्ता दव्वज्झवणा, से किं तं जाणय०?, २ झवणापयत्थाहिगारजाणयस्स जं सरीरयं ववगयचुय सेसं जहा दव्वज्झयणे, जाव से तं जाणय०, से किं तं भवि० दव्व०?, २ जे जीवे जोणिजम्मणाणिक्खंते सेसं जहा दव्वज्झयणे, जाव से तं भविअसरीरदव्वज्झवणा, से किं तं जाणयसरीरभविअसरीरवडरित्ता दव्वज्झवणा?, २ जहा जाणयसरीरभविअसरीरवडरित्ते

દવ્વાએ તહા ભાણિયવ્વા, જાવ સે તં મીસિયા, સે તં લોગુત્તરિયા, સે તં જાણયસરીરભવિઅસરીરવઢરિત્તા દવ્વજ્ઞવણા, સે તં નોઆગમઓ દવ્વજ્ઞવણા, સે તં દવ્વજ્ઞવણા, સે કિં તં ભાવજ્ઞવણા?, ૨ દુવિહા પં૦ તં૦-આગમઓ ય ણોઆગમઓ ય, સે કિં તં આગમઓ ભાવજ્ઞવણા?, ૨ જાણાએ ઉવડત્તે, સે તં આગમઓ ભાવજ્ઞવણા, સે કિં તં ણોઆગમઓ ભાવજ્ઞવણા?, ૨ દુવિહા પં૦ તં૦-પસથા ય અપસથા ય, સે કિં તં પસથા?, ૨ ચડવ્વિહા પં૦ તં૦-કોહજ્ઞવણા માણજ્ઞવણા માયજ્ઞવણા લોહજ્ઞવણા, સે તં પસથા, સે કિં તં અપસથા?, ૨ તિવિહા પં૦ તં૦-નાણજ્ઞવણા દંસણજ્ઞવણા ચરિત્તજ્ઞવણા, સે તં અપસથા, સે તં નોઆગમઓ ભાવજ્ઞવણા, સે તં ભાવજ્ઞવણા, સે તં ઝવણા, સે તં ઓહનિષ્ફળ્ણે, સે કિં તં નામનિષ્ફળ્ણે?, ૨ સામાઢાએ, સે સમાસઓ ચડવ્વિહે પં૦ તં૦-ણામસામાઢાએ ઠવણા૦ દવ્વ૦ ભાવસામાઢાએ, ણામઠવણાઓ પુવ્વં ભણિયાઓ, દવ્વસામાઢાએવિ તહેવ, જાવ સે તં ભવિઅસરીરદવ્વસામાઢાએ, સે કિં તં જાણયસરીરભવિઅસરીરવઢરિત્તે દવ્વસામાઢાએ?, ૨ પત્તયપોત્થયલિહિયં, સે તં જાણયસરીરભવિયસરીરવઢરિત્તે દવ્વસામાઢાએ, સે તં ણોઆગમઓ દવ્વસામાઢાએ, સે તં દવ્વસામાઢાએ, સે કિં તં ભાવસામાઢાએ?, ૨ દુવિહે પં૦ તં૦-આગમઓ ય નોઆગમઓ ય, સે કિં તં આગમઓ ભાવસામાઢાએ?, ૨ જાણાએ ઉવડત્તે, સે તં આગમઓ ભાવસામાઢાએ, સે કિં તં નોઆગમઓ ભાવસામાઢાએ?, ૨ 'જસ્સ સામાણિઓ અપ્પા, સંજમે ણિયમે તવે। તસ્સ સામાઢયં હોઢ, ઇઢ કેવલિભાસિયં॥૧૨૭॥ જો સમો સવ્વભૂએસુ, તસેસુ થાવેસુ ય। તસ્સ સામાઢયં હોઢ ઇઢ કેવલિભાસિયં॥૮॥જહ મમ ણ પિયં

॥ શ્રી અનુયોગદ્વારસૂત્રં ॥

૧૦૬

પૂ. સાગરજી મ. સંશોધિત

दुक्खं जाणिय एमेव सव्वजीवाणं। न हणइ न हणावेइ य सममणई तेण सो समणो॥१॥ णत्थि य सि कोइ वेसो पिओ व सव्वेसु चेव जीवेसु। एएण होइ समणो एसो अन्नोऽवि पज्जाओ॥१३०॥ उरगगिरिजलणसागरनहतलतरुगणसमो य जो होइ। भमरमियधरणिजलरुहरविपवणसमो य तो समणो॥१॥ तो समणो जइ सुमणो भावेण य जइ ण होइ पावमणो। सयणे य जणे य समो समो य माणावमाणेसु॥२॥ से तं नोआगमओ भावसामाइए, से तं भावसामाइए, से तं सामाइए, से तं नामनिष्फण्णे, से किं तं सुत्तालावगनिष्फण्णे?, २ इयाणिं मुत्तालावयनिष्फण्णं निक्खेवं इच्छावेइ, से य पत्तलक्खणेऽवि ण णिक्खिप्पइ कम्हा?, लाघवत्थं, अत्थि इओ तइए अणुओगदारे अणुगमेत्ति, तत्थ णिक्खित्ते इहं णिक्खित्ते भवइ, इहं वा णिक्खित्ते तत्थ णिक्खित्ते भवइ, तम्हा इहं ण णिक्खिप्पइ तहिं चेव निक्खिप्पइ, से तं निक्खेवे।१५०। से किं तं अणुगमे?, २ दुविहे पं० तं०-सुत्ताणुगमे य निज्जुत्तिअणुगमे य, सेकिं तं निज्जुत्तिअणुगमे?, २ तिविहे पं० तं०-निक्खेवनिज्जुत्तिअणुगमे उवग्घायनिज्जुत्तिअणुगमे सुत्तप्फासियनिज्जुत्तिअणुगमे, से किं तं निक्खेवनिज्जुत्तिअणुगमे?, २ अणुगए, से तं निक्खेवनिज्जुत्तिअणुगमे, से किं तं उवग्घायनिज्जुत्तिअणुगमे?, २ इमाहिं दोहिं मूलगाहाहि अणुगंतव्वो, तं०-‘उद्देसे निद्देसे य निग्गमे खेत्त काल पुरिसे य। कारण पच्चय लक्खण नए समोआरणाऽणुमए॥३॥ किं कइविहं कस्स कहिं केसु कहं किच्चिरं हवइ कालं?। कइ संतरमविरहियं भवाऽऽगरिस फासण निरुत्ती॥४॥ से तं उवग्घायनिज्जुत्तिअणुगमे, से किं तं सुत्तप्फासियनिज्जुत्तिअणुगमे?, २ सुत्तं उच्चारयेयव्वं

अक्खलियं अमिलियं अवच्चामेलियं पडिपुण्णं पडिपुण्णघोसं कंठोद्विप्पमुक्कं गुरुवायणोवगयं, तओ तत्थ णज्जिहिति ससमयपयं वा परसमयपयं वा बंधपयं वा मोक्खपयं वा सामाइअपयं वा णोसामाइअपयं वा, तओ तम्मि उच्चारिए समाणे केसिंचणं भगवंताणं केई अत्थाहिगारा अहिगया भवंति, केई अत्थाहिगारा अणहिगया भवंति, ततो तेसिं अणहिगयाणं अहिमगणट्ठाए पयंपएणं वन्नइस्सामि 'संहिया य पदं चेव, पयत्थो पयविग्गहो। चालणा य पसिद्धी य, छव्विहं विद्धि लक्खणं॥५॥ से तं सुत्तप्फासियनिज्जुत्तिअणुगमे, से तं निज्जुत्तिअणुगमे, से तं अणुगमे॥१५१॥ से किं तं णए?, सत्त मूलणया पं० तं०-णेगमे संगहे ववहारे उज्जुसुए सदे समभिरूढे एवंभूए, तत्थ 'णेगेहिं माणेहिं मिणइत्ती णेगमस्स य नेरुत्ती। सेसाणांपि नयाणं लक्खणमिणमो सुणह वोच्छं॥६॥ संगहिअपिंडिअत्थं संगहवयणं समासओ बिति। वच्चइ विणिच्छिअत्थं ववहारो सव्वदव्वेसुं॥७॥ पच्चुप्पन्नग्गाही उज्जुसुओ णयविही मुणेअव्वो। इच्छइ विसेसियतरं पच्चुप्पण्णं णओ सहो॥८॥ वत्थूओ संकमणं होइ अवत्थू नए समभिरूढे. वंजणअत्थतदुभयं एवंभूओ विसेसेइ॥९॥ णायंमि गिण्हअव्वे अगिण्हअव्वंमि चेव अत्थंमि। जइअव्वमेव इइ जो उवएसो सो नओ नाम॥१४०॥ सव्वेसिंपि नयाणं बहुविहवत्तव्वयं निसामित्ता। तं सव्वनयविसुद्धं जं चरणगुणट्ठिओ साहू॥१४१॥ से तं नए॥१५२॥ अणुओगद्वारा समत्ता। प्रभु महावीरस्वामीनी पट्टपरंपरानुसार कोटीगण-वैरी शाखा-चान्द्रकुल प्रचंड प्रतिभा संपन्न, वादी विजेता परमोपास्य पू. मुनि श्री झवेरसागरजी म.सा. शिष्य बहुश्रुतोपासक, सैलाना नरेश प्रतिबोधक, देवसूर तपागच्छ,

॥ श्री अनुयोगद्वारसूत्रं ॥

१०८

पू. सागरजी म. संशोधित

समाचारी संरक्षक, आगमोद्धारक पूज्यपाद आचार्यदेवेश श्री आनंदसागर सूरेश्वरजी महाराजा शिष्य प्रौढ प्रतापी-सिद्धचक्र आराधक समाज संस्थापक पूज्यपाद आचार्य श्री चन्द्रसागर सूरेश्वरजी म. सा. शिष्य चारित्र चूडामणी, हास्य विजेतामालवोद्धारक महोपाध्याय श्री धर्मसागरजी म.सा. शिष्य आगम विशारद, नमस्कार महामंत्र समाराधक पूज्यपाद पंन्यास प्रवर श्री अभयसागरजी म. सा. शिष्य शासन प्रभावक, नीडर वक्ता पू. आ. श्री अशोकसागर सूरिजी म.सा. शिष्य परमात्म भक्ति रसभूत पू. आ. श्री जिनचन्द्रसागर सू.म.सा. लघुगुरुभ्राता प्रवचन प्रभावक पू.आ. श्री हेमचन्द्रसागर म.सा. शिष्य पू. गणी श्री पूर्णचन्द्रसागरजी म.सा. आ आगमिक सूत्र अंगे सं. २०५८ /५९/६० वर्ष दरम्यान संपादन कार्य माटे महेनत करी प्रकाशन दिने पू. सागरजी म. संस्थापित प्रकाशन कार्यवाहक जैनानंद पुस्तकालय, सुरत द्वारा प्रकाशित करेल छे...

